


PM 340.209
34

岑溪縣志

民國廿三年重刊



二十二年徵集之書

星不海學志二十二

重刊序言

本邑縣誌修自遜清乾隆初間迄今二百餘年矣續修不知何時而原本已留存無幾去年余忝充省志采輯員須是書參攷徧查縣內僅得兩本而又殘缺不完計首卷兵防門缺去數頁次卷文藝門亦缺一頁中間蠹蝕之處又復不少若遲之數十年恐斷簡殘編亦不可得後之人縱有志編修其如文獻之無徵何而本邑之往事亦惟付諸闕文之列已耳豈非考古者之憾事歟爰於省志采輯完竣後商請梁縣長提撥公款將該志重行付刊並通令學校暨區鄉公所均各購存一本存書既多斯湮沒不易庶一邑之歷史藉以保存而後人之纂修可資參考已謹記始末以俟來者

中華民國式拾叁年一月三十日

邑人梁景熙識

序

僕待罪岑溪將四載矣行且調去念無以遺我父老子弟用與諸紳士修輯邑乘自夏迄冬書成凡四卷文不加于舊志而隸事既多且詳獨地處荒僻苦無藏書廣資考訂挂漏舛誤知所不免以是遺我父老兄弟幸共正之

乾隆四年孟秋望日南海何夢瑤

修志姓氏

知縣何夢瑤

教諭陸本仁

訓導莫疏

舉人鍾朝朗

吳賓選

貢生何謙

銓昇

王李民

黎庸

張懿

高卓然

嚴殿直

監生高若侗

生員

楊世祚

莫若煥

練 綴

唐聖祥

李儒鬆

楊大藩

乾隆九年重修

知縣 劉廷棟

天文志

星野之說言人人殊夫天道遠人事邇言天文必驗諸人參以氣候災祥因時調燮司土者所宜知也

分野

岑古百粵地于九州屬荆楚之域于九野當牛斗之分陶商翁謂梧城依南斗之魁而岑距梧僅百里許無亦在斗魁分野中歟舊志按舊志載岑屬荊州禹貢之域分野屬牛女之墟夫荊州分野屬翼軫而牛女則揚州分野也若岑屬牛女則為揚州域非荊州域屬翼軫

則為荆域非揚域矣嘗聞先達云三江西北屬荆楚三江東南屬揚州是一省之中有異屬矣舊志

按唐僧一行兩戒之說宋蔡戡主以立論謂粵西東南境屬牛女省志梧州府軫宿六度大江以南繡江以東入于女岑地正當大江南繡江東其分野當屬女舊志似誤

考女宿四星又名須女水星也凡十度斗牛女星紀之于辰在丑吳越分野屬揚州劉歆三統曆起斗五度終女二度漢書律曆志起斗十二度終女七度費直說周易起斗五度終女二度蔡邕月令章句起斗六度終女二度陳卓景初曆起斗七度終女四度皇甫謐帝皇世紀起斗十一度終女七度一行大愆歷起斗九度終女四度明大統曆起斗三度終女二度說雖不一然唐書謂斗為吳分則牛女為越分岑當越之委固與斗無涉恐去牛亦遠遵省志屬女似為得之

氣候

岑土多暖少寒隆冬無雪昆蟲少蟄草木不甚零落桃李先梅而綻初春晴霽燠如夏稍雨則凜冽蓋地屬炎方近南海多風故倏暑倏寒如此語曰四時常似夏一雨便成秋信夫 節舊志

粵西炎微天氣多暖少寒三夏固暑而經秋更熱謂之蒸秋地暖無冰雪或數十年一見近年霜雪頗重逾于往時 節舊志

調攝無如慎起居節飲食嶺外風氣與中土不同未寒先着衣未熱先脫衣飢飽得宜自然康泰而客茲土者有不服水土之說無乃忽雨暘之候失飢飽之宜即土人習慣苟一失調不能無病故微雨微風乍涼乍暑之際切不可解衣乘涼 節舊志

岑自隆萬以前水田多種一造于春耕夏耘秋收冬藏最爲應侯其時一莖數穗穀至數百粒而閭閻充足天啓年間始種早稻歲耕二

(5)

造其早造則驚蟄播種小暑大暑收穫晚造則芒種播種冬孟仲月收穫雖得早稻以救飢而于時有先後違其物性且當溽暑方插秧時又刈早稻人力不及延至秋後秧針已老成穀無多反不如古 節舊志

(6)

古人登臺望人物以下年時岑之望山曰小瀧大甕通天天堂雙貴土柱腰鵝鳳山若雨則先有雲氣罩其巔久旱而有長霧如拖船形者久雨而向晚有明霞者必晴歲首有黃雲必年熟有赤雲必早陰晦必年穀不登人多病瘴若大風大雨鳴條震屋者瘴氣多隨而至人觸之必染時症云

災祥

明嘉靖四十年文廟災

萬曆六年五月十七日雷震文廟

國朝順治三年冬大雷雨

四年夏雨雹大如碗日中有形如刀

五年星隕東南如雨桃李實大如瓜牛生二犢

順治九年虎競入村食人至十年患猶未息

順治十二年隕雪冬雷

順治十三年冬有大星如毛

順治十七年冬雷十八年竹生花

康熙元年大水地動有聲轟然自西北至東南

康熙三年冬雷彗星見

康熙四年秋地震

康熙十三年有白氣如虹

康熙十五年有二星並行乍起乍下

康熙二十二年元旦大雷電以風冬雪深徑寸

康熙三十六年桃生綿豆

康熙五十一年八月己卯大風傷禾民乏食死徙甚衆

康熙六十年冬雷鳴自暮達旦聲闐闐如鼓

康熙六十一年十一月十二日天有聲如雷是年竹盡枯筍生花

雍正元年夏大風拔木五月無雨河忽暴漲人畜廬舍漂沒上流西寧縣排埠山崩爲潭大木漂下填河人所未見

雍正三年六月河溢壞田

雍正六年虎入西南鄉食人一大虎首胸皆有長白毫如纓是年冬十一月雨雪厚三寸十二月又

雪竹樹枯

雍正七年夏雹大如碗

雍正十一年耕牛瘟死殆盡

雍正十三年夏天有聲如雷雹大如碗

乾隆元年二月地震夏白燕見曇容人以爲瑞

乾隆元年二月十二日夜半地震

乾隆二年二月二十一日地震

地輿志

申畫郊圻慎固封守百里雖小任亦重矣周知一縣何可易言按圖而稽因地施治如農有畔行無越思其庶幾乎志地輿

(9)

沿革

按省志沿革表止載唐以後而舊邑志云秦開五嶺地屬南海漢元封五年始置岑溪縣「按廣輿記云岑溪漢蒼梧地」梁普通五年置永業郡隋開皇三年降永業郡爲永業縣尋廢始以永業縣隸瀧州「當云以其地隸瀧州」即今羅定州唐武德三年嶺南蠻長馮盎叛擊破永業據之四年桂州總管李靖南巡盜以其地降五年始置南義州屬銅州即今容縣云云荒畧史乘缺畧無從稽考恐非無據唐書武德五年以永業縣地置南義州而省志謂高祖時置龍城縣於縣置南義州蓋以永業縣地置龍城縣於縣置南義州若今於蒼梧縣置梧州府也唐書南義州尋廢尋復後第名義州「舊志云貞觀元年改南義州爲南建州六年復名南義州是以改名爲廢省志云太宗時廢南義州以龍城縣屬南建州尋復置義州似別有南建州非南義州所改俟考」領岑溪安義義城三縣「原注岑溪本龍城武德五年置并置安義義城二縣至德中更龍城曰岑溪」而舊志云天寶元年置連城郡尋降爲縣肅宗乾元元年復舊州名南義州領岑溪永業連城三縣與唐書不同豈高祖時置龍城安義義城三縣領以南義州太宗時廢南義州尋復元宗時改南義州爲連城郡肅宗時復爲南義州又以龍城安義義城三縣名岑溪永業連城三縣歟省志南漢岑溪縣爲義州治宋開寶四年改義州爲南儀州六年省連城永業二縣入岑溪熙寧四年州廢以岑溪屬藤州元因之

(10)

明岑溪縣屬梧州府而舊志謂宋太平興國六年以州名犯諱改爲南儀州熙寧四年廢州及永業連城二縣入岑溪屬藤州未知孰是當考之宋史

按舊志岑古併三郡縣地爲一縣今以岑地考之恐未必然大抵當日郡降爲州州降爲縣雖遞爲降置而名號未嘗不存故有數州縣之名雖歷經遷移而基址未嘗全泯故有數廢城之蹟蓋岑地最小故附隸不常其地東近瀧州則以永業名縣而隸之西近銅州則以南義名州而隸之北近藤州則以岑溪名縣而隸之究之彼廢則此置必無一州領三縣之理不然亦割銅藤瀧三州邊鄙之地而共爲一縣耳『瑤按此說非是唐書明云南義州領岑溪安義義城三縣矣』

向之先達謂併三爲一以爲大今之守土又以爲小夫岑固小邑也順治年間知縣劉廣國會謂岑小而僻不成縣治欲以連永二鄉附蒼梧西南二鄉附容縣上下化歸義三鄉附藤縣具詳上臺未允其請竊以崇正末年有截長補短之議最爲良謨其議岑治東南西三方頗寬北方甚窄計地不過十里卽藤縣界乃義昌鄉三里也夫義昌鄉至岑僅半日程至藤則二日程義昌父老咸思附近願以其地屬岑凡輸糧赴愬既近且便岑士民亦樂得其地以正幅幘廣賦稅在藤三廂二十七里割三里以益岑小爲不足在岑三里而又增三里不爲多且義昌去藤旣遠其地界蒼岑之間有牛嶺牛兒二隘每多山寇往時遇警追捕輒爲疆域所阻不敢擅越而有司亦互諉卸責不任其咎在


藤固屬鞭長而在岑則屬背肘之疾矣康熙十三年吳逆變亂孫延齡附從五月梧州失守土寇吳鳳破岑奪印僞總兵林萬勝孫雲客復大糾逆旅駐義昌爲亂唐遊戎討平之闔邑紳士與義昌父老咸引舊議具呈兩院請割義昌三里歸岑已獲俞允未幾肇慶失陷其議遂寢倘後有賢司牧得援是說爲民祈請苟獲俞允幅幘既正疆圉鞏固百姓又安隆名垂諸奕禩矣節舊志

輿圖

峇溪縣新區鄉地圖



峇溪縣分鄉地圖



疆域

岑溪縣在梧州府城西南一百八十里縣境東西距一百七十里南北距一百一十五里
 東至黃陵隘接廣東西寧縣小洞汛一百一十里
 西至曇慶村接容縣李村六十里
 南至鄧田村接廣東信宜西寧石根汛一百里
 北至烏峽村接藤縣綠雲村一十五里
 東南至北科佛子隘接廣東西寧排埠洞八十里
 東北至腰峨嶺接蒼梧縣界排村一百里
 西南至大牛隘接容縣古郎隘六十里
 西北至六凡隘接藤縣大練村二十里

山

上化鄉山

白石山

在城北十二里為縣治祖龍
 多白石東連烏峽西接石人

望高嶺

在城北枕枕其麓
 麓上有社稷壇

烏峽山

在城東北十五里山
 高洞狹為岑門戶

紅帽山

在城東五里
 麓有常寧墟

巾子山

在城東七里
 麓有葛仙巖

石人山

在城北十五里山頂一巨石狀如人
 又名高城山有廢營址山麓有隘

文祥山

在城北七里秀麗
 高聳麓有探花井

蘇力山

在城西北二十里嶺長行人
 至此力竭而憩故名有隘

西瀧山

城西十里峭拔森秀縣前河西流逸山麓
 亂石激湍不通舟楫相傳山燒則民居火

犀牛山

城西北五里狀
 如牛有廢營

象山

在西瀧山前與犀牛
 對峙並鎖岑水口

六凡山

城西北十五里
 西瀧山外有隘

鄧公山

在城西十五里
 麓有鄧公廟

雲松山

在城西十八
 里有聚仙亭

將軍山

在城西十五
 里天堂山西

天堂山

城南十里有
 廢營東有隘

大甕山

在城南十五里林
 木森秀雲迷必雨

下化鄉山

雞頸山

在城西十七
 里有廢營

排候山

在城西十七里
 險隘舊多盜

黃嶺山 在城西南
二十二里

冷水山 城西南二十八里路
通南渡昔多劫掠

林丁山 城西二十三里山
徑險隘昔多標掠

天子嶺 城西北十八里有
石一片如挂榜狀

歸義鄉山

丁郎山 城東十三里亦名蝴蝶山
丁孝子墓在焉

馬鞍山 城東十四里如
馬鞍狀故名

禾倉山 城東十七里

望里嶺 城東二十二里麓下有龍潭
深不可詳八景龍潭聽雨

雙貴山 城東二十五里與
永業下七山界

古欖山 在城西南二十
八里層巒疊翠

山藍平 在城西二
十二里

綠楊山 城西北二
十四里

觀音山 城東十
三里

白象山 城東十七里麓有白象
巖詳八景秋風石室

石川山 城東北二
十五里

大運山 城東二十一里
有磨獨山營

通天嶺 城東三十二里森鬱
高峻背即北科鎮

甘桐嶺 城東南二十
里路通北科

孔陵崗 城東南十八里
西麓路通大洞

西鄉山

探花山 城西北
五十里

綠袍山 城西北四十
里樹木叢茂

封侯山 城西五
十五里

廷泊山 城西南四
十五里

南鄉山

龜殿山 城西五十里
將雨必霧

木婆山 城南六十五里層
巒疊嶂雲迷必雨

大水山 城東南
十六里

四華山 城西六十里
羣峰競秀

挂榜山 城西六十里中
有石如榜故名

古浪山 城西六十里
高峻森鬱

滄水山 城西南
六十里

交椅山 西南六十五里形如
交椅麓有大牛隘

五里山 城南六十八里中有瀑
布高數百丈如白練

陀田山 城南六十里

黃練山 城南六十里

永業鄉山

周婆山 城東北七十里高百餘丈尖斜如曲筭與周公山對峙

腰峨山 城東北一百里峰巒秀麗又名秀峰山有隘

黃陵山 城東一百一十里有隘

橫山 城東南一百一十里界西寧

能習山 城東一百里又名能達產鉛鐵

雲胎山 城東南九十里

古味山 城東南六十五里

六葵山 城南六十里有龍臺潭祈雨於此

紗帽山 城西南六十里

周公山 城東北八十里巖石險峻舊為盜賊巢窟

風雷山 城東北一百一十里與蒼梧界有隘

鐵根山 城東一百一十里有隘

崩塘峽 城東三十五里

古萬山 城東四十八里

勝洞山 城東南八十里

連城鄉山

馬嶺 城南三十五里層巒疊障一名都盆山又名羅城山下有棺材峽路連連城鄉

三髻山 城南五十里又名雞冠山

石鼓山 城南七十五里石壁磊落扣之如銅鼓聲臨阜華江國王大灘

土柱山 城南一百里上出重霄形如点筆與容縣界

雲會山 城南一百里高峻雲聚必雨背名金鎖嶺

已上各鄉各山其為獠人居住者另見廂鄉獠山川

大河

縣前河 其源一出永業黃陵山流繞至崩塘北合天洞水一出連城大洞三髻山流至北科合

西寧合江水至崩塘北合黃陵水陸容納小水全縣前西下繞西瀧山脚亂石錯落水勢激湧不通舟楫者十里流至藤地合義昌江以其流經西瀧山麓故又名瀧底河以

其會義昌水故又名曰義昌江

皇華江

原出西寧懷鄉至攬灘村下入岑白人隘西歷水汶平河南渡至水口村入藤縣合繡江舊稱江出皇華山下故名然考江之上源無皇華山或以其流經南渡司又名南渡

河云

上化鄉小水

龍船河

在西瀧山西六凡山南流至百花洲前入縣前河

烏峽河

自攬山流經烏峽村南入縣前河

下化鄉小水

羅末水

其源一出黃嶺山一出上化將軍山至六疊合一出古攬山至平塘合一出上化安留堡過排候山脚至羅末村東合而為一流至水口村入皇華江

歸義鄉小水

大埔水

出大埔村南流至新庄入縣前河

赤水河

自大甕山流出至城巖村北入縣前河

古眉河

自石人山流出經古眉村西入縣前河

孔北河

出山心北流至思孟入縣前河

謝村水

出謝村南山北流入縣前河

急水河

一自攬山埔出一自石川山出流至羅沙村北合一南入縣前河

龍潭水

出洞頭古皮二處合流至竹山村入縣前河

西鄉小水

古秦河

出古浪山至盧村前入皇華江

下街水

出四華山右至都功村下入皇華江

荔黃水

出探花山左至荔黃村下入皇華江

林丁河

出上林丁流入皇華江

南鄉小水

南鄉水

其源一出交椅山一出坡舍村一出木婆山會合流至西鄉河口村下入皇華江

永業鄉小水

思回河

出太平洞流繞至思回村下入縣前河

古味河

出上六山入大洞水

木索水

自木索流繞至大石合腰水小水至望廬村下合黃陵水

乾廂水

自乾廂流繞至石橋村合黃陵河

連城鄉小水

鄧田水

出石根山至水汶
村下入皇華江

南洞水

出雲滿山至深桐
村右入皇華江

水利

凡近溪澗之區可設陂車以資灌溉者不可勝紀

津梁

通濟橋

知縣劉信嘉捐修

烏峽橋

塘令石橋

邑人莫學深捐建

板橋

六村水

出嚴洞至平河
村下入皇華江

魚修河

出大甕山背黃沙村流
至魚修村下入皇華江

楊柳橋

知縣何夢瑤捐修

暖水石橋

監生黎粹貞捐建

思勞橋

邑人鄧和璧捐修

寮埔口橋

邑庠楊世祚邑人
朱連月全捐建

南門渡

知縣何夢瑤捐修

木埭渡

邑人郭會捐設

坡角埭渡

邑人張允朝倡修

排候橋

知縣何夢瑤捐建

六蠻橋

勒黎石橋

邑紳高輯捐建

常寧墟頭石橋

商人施時雯捐建

洗馬橋

邑紳高輅捐修

硬口橋

同治間邑人吳十三建

菜園渡

邑庠李白榮倡設

六仁洞渡

邑庠李儒鬆倡設

瀧面渡

邑人練經綸倡設

已上上化鄉

已上下化鄉

新庄河橋

監生李典捐建

新庄洞磚橋 監生嚴訓重修

羅沙橋

急水河橋 邑紳嚴李奇捐建
其孫嚴早雷修

水邊橋 邑岸王瑛光倡修

謝村渡

石嘴渡

大潭橋 同治間邑岸莫如賢捐建

根子橋 道光年千總職
余自朗建

大漚下石橋 監生謝聖惠捐修

望黎橋 邑紳嚴李奇捐建

羅許渡 知縣何夢瑤捐修

已上歸義鄉

雞埭渡 貢生廖全捐設

南儀渡

已上西鄉

大漚下陰橋

根竹橋

中圍橋

大石橋

崩塘渡 邑紳嚴李奇捐設
孫世代修理以濟行人

馮璉橋

沙坦橋 賴萬春建今記

水汶墟尾渡

廂鄉

上化鄉一黨二甲三堡七搖山五隘 搖人所居謂之山猶民居
謂村也近亦有名村者

望爐橋 邑紳嚴李奇捐建

竹子橋 邑紳嚴李奇捐建

思和橋

古味橋

已上永業鄉

鎮龍橋

水汶墟頭渡

已上連城鄉

附城西北黨

甘村 嬰村

街甲

水東街 南街 勤竹村 菜園 新村 探花埧 坡田寨

陳埔口 五里亭

常寧墟

石橋東

奇零甲

思勞村 奇營 上洞 硃砂村 牛欄塘 新擔塘

葛井堡

葛井村 龍塘村 新慶村 河邊村 下坡村 烏峽村

石龍埔 楊柳橋 的埔 上古眉 中古眉 下古眉

斗塘村 平田村 永寧村 下馬塘 常寧墟

石橋西

木埧堡

木埧村 城嚴村 城郡村 福傳村 樟木村 旺經塘

大塘村 大石埔 陂角埧 底埧 洞心村 錄仁洞

赤水埔 大旺山

安留堡

安留村 平塘村 榕木村 楓木村 穀堆村 善村

雲松村 紫泥村

搖山

蝦埔山 大審山 雲爛山 黃沙山 白石洞 大甕山
寮田山

隘

蘇力隘 石人隘 烏峽隘 王官隘 六凡隘

己上五隘俱
附近鄉勇守

下化鄉三甲三獠山一隘

羅末甲

羅末村 東村 西村 北村 平塘村

福慶甲

福慶村 金康村 六巒村 黃嶺村

義洞甲

大寨村 曇平村 荔枝坡 古欖村 勘頭村 山藍平

獠山

黃嶺山 古欖山 馬埔山

隘口

水口隘

鄉勇守

歸義鄉四堡五獠山

謝孟堡

謝村 思孟村 高坡村 勒黎村 木路坡 大埤村
上丁蘭 下丁蘭 高嶺村 路錦村 路位村 新寨
沙洲村 栗木坡

秋羅堡

羅許村 新庄村 坡脊村 羅沙村 秋風村 雲馱村
榕坡村 曇播村 欖坡村 坡尾村 欖埔村 大埔村

羅平堡

羅平村 曇給村 沙洋村 上寨村 甘坡村 荔枝村
梁屋村 高樓村 底埤村 竹山村 田寮村 大王洞

思候村 斷河村 龍鱗村

石坡堡

石坡村 曇略村 大旺庄 曇甘村 洞心村 義貞村
湓塘村 望里村 龍坡村 黃蜂石 鼓皮村 瀧頭村

飛鼠村

搖山

山心山 孔札山 捧水山 分水山

飯埔山 內塘巖獨堆山心長坡
孔稔塘化洞頭七村

西鄉三堡二搖山一隘

河口堡

南渡司 南儀墟 河口村 永慶村 羣村 封村
盧村 古浪村 新村 古泰村 白坭村 老鴉村

封田村 南安村 新安村 都貫村 長山村

冷水堡

西渡村 六戈村 六味村 新城寨 沙古村 高寨村
勒竹寨 中村 謝村 楊埔村 冷水村 灘邏村

曇寧堡

曇容村 大村 大社村 都功村 荔黃村 林丁村
曇廣村 六雪村 六使村 六料村 雞墘村 平山村
下街村 綠袍村

搖山

稔水山 廷泊山

隘

烏石隘 鄉勇守

南鄉二堡二搖山一隘

塘頭堡

六梭村 塘邊村 岳埔村 旺村 容受村 高極村

西村

曇黎堡

曇黎村 高創村 曇遮村 沙洞村 封根村 龍村

根山村 石塘村

搖山

黃練山 內坡舍沉
塘二村

隘

六葵山 內六告鎗幹木
葵蘇河四村

大牛隘

鄉勇守

永業鄉四堡四十五嶺山四隘

大新堡

崩塘村 思回村 同慶村 外四龍 內四龍 白蔴村

羊額村 新村 雙松村 大漣村 古味村 黑石村

花肚村 見雞村 河口村 古籬村 勝洞村

會竹堡

望爐村 羅旻村 曇土村 黎村 黃麻村 根竹村

底圍村 會村 瀧頭村 冷水村 至明村

良諫堡

大良村 誠諫村 水尾村 乾廂村 雲所村 陀村

古藏村 古靜村 大王村

石塘堡

鬱埔村 中圍村 山塘圍 黃陵村 木索村 大石村

思和村 雲籠村 孔巖村 古特村 羅吉村 鴉過村

嶺山

大漣山 上林山 上蓋山 河三山 石橋山 嶺脚山

黎口山 上巳上節
上七山 龍訂山 甘羅山 周公山 周婆山

沙田山 松崩山 黎洞山 下巳上節
下七山 蓮塘山 玲瓏山

竹尾山 沙上山 聖洞山 古味山 上巳上節
上六山 深塘山

水濁山 曇辣山 橫山 松嶺山 鐵根山 大埔山
水井山 高欄山 木瓜山 六埔山 白梅山 大水山
古磊山 孔密山 白花山 大倫山 滑石山 底水山
思連山 白板山 大石山 王石山 河頭山 盤什山
隘

腰峨隘 風雷隘 鐵根隘 黃陵隘 並官兵守

連城鄉三里七堡十九營三十二嶺山八隘

上里六堡

龍化堡

曾子村 陳村 腰花村 黃薑村 逆洞村 廟背村

河口村 陳楊村 石村

根竹堡

鄧田村 沙埧村 良乃村 瀧底村 荒洞村 金沙村

水文村 橫石村 古獐村 深桐村 水汶墟 甘羅村

南洞堡

南洞村 塘瘦村 大六村 雲滿村 石牛村

車灘堡

力的村 騎鹿村 石脚村 新村 木五村 楊柳村

大塘村 車灘村 羅留村 寮平村 楊梅村

六村堡

桃枝村 平河村 貢堂村 大南村 六村 良朝村

車田村 雷廟村 六麥村 走馬村 新舖村 白水村

陳村 周例村 牛辣村 六袍村

橋石堡

三村 涯子洞 橫坡村 曇蓬村 石堂村 竹蘭村

石田村 封門村 羅蠻村 嚴洞村 獨堆村

中下二里共一堡

大隆堡

亭子村 雲濟村 高埠村 平塘村 大坡村 旗杆村

義平村 教場村 大埔村 六河村 東門村 吳屋村

沙埧村 已上屬中里 佛子村 洞心村 龍眼村 高墩村

蓮塘村 紫塘村 新舖 那蓬村 甘曾村 秧地村

曇晚村 六雲村 福隆村 倒流村 良洞村 已上屬下里

北科鎮兵地十九營

頭哨營 二哨營 三哨營 羅應營 孔村營 黃沙營

孔亮營 逍遙營 銅鼓營 中坡營 白竹營 平田營

榕村營 雙園營 蚰蛇營 雙柱營 大坡營 里漢營

魚產營

獠山

大坡山 池塘山 河木山 竹枝山 榕樹山 大燕山

已上即下六
山舊風永業

石脚山 逍遙山 關塘山 蚰蛇山 雙園山

桐油山 孔亮山 曇平山 沙琴山 大王山 大藏山

里漢山 架規山 護村山 蝦埔山 石王山 雲胎山

高蘭山 雲晴山 山花山 魚修山 白磔山

三髻山 欖白山 大水山 葵山

隘口

羅洋隘 桐油隘 佛子隘 冬葉隘 科俱狼兵守
白人隘

六葛隘 俱鄉勇守 鄧田隘 竹蘭隘 俱官兵守已上
四隘在上里

墟市

長寧墟 原名太平墟俗稱樟木墟在
城東二里商賈輳集

水汶墟 在連城上里兩近廣東
西寧商賈往來頗多

南儀墟 在西鄉即南儀廢
州地又名南渡埠

西安墟 在西鄉晏容村
北又名義隆埠

風俗

岑有民獯播三者民性淳良多業農少商賈服舍樸素不尚文飾飲食儉約吉凶事皆作齋醮祈冥福疾
病事巫祝少服湯藥天旱禱神不雨則藥魚除夕各家擊金鼓飲酒日分歲元日夙興盛服設酒殺中庭
享祖考序拜飲罷少壯携酒肉往拜外家及族屬尊長彌旬始息元宵慶燈清明掃墓三月三日作烏米
飯端午作角黍六月祈苗七月十四日享先八月望夜賞中秋稻熟薦新冬至行拜賀比歲首稍差婚喪
以貧富爲厚薄但婚或贅婿改姓爲子受其田宅或子死以媳招夫爲繼子亦受田宅雖與理不合而鄉
人習以爲常喪必作佛事時節生辰則具牲醴宴會饋遺少用金帛前代婦女椎髻今改素粧鄉愚畏訟
常有服毒圖賴者嶺外風俗去其鄙陋取其淳樸文之以禮義漸之以教化自成善俗矣獯播二俗與民
大異獯性頑劣言語拗僻文身椎髻飲食粗魯少肄儒業間有識字者卽爲師巫亦有爲蠱毒者名曰挑
生中者藥發即斃但有藥解覺者蚤求藥解吐出生物卽無事獯性兇悍言語更拗僻於獯好劫掠嗜冷
食山棲露宿不畏嵐瘴惟畏瘡痘中者輒徙家避去不知文字有事以破箭斫錢爲要約恃刀弩爲長技

盜牛剽掠鄉村不服官府拘喚惟令山口招主傳諭故禁令保甲不入搖山凡逃逋亡命入山爲流搖卽免鈎攝

本朝定鼎寧輯逾於往時（節舊志）

按岑俗健訟雖刀錐之末必爭而訟田產者尤夥緣貧民鬻產富者操其急予以賤值貧者不甘絕賣暫當待贖而富者必令書賣契故雖當亦曰賣但於券內書云不期年月遠近銀到契退雖百載猶收贖也若力不贖則索補價富者復持其急令書絕契然價值未足屢索不已至於涉訟官驗是絕契往往責索補者不知田值百金雖百補不及其數難禁再索且絕契多有偽造甚或改換賣主姓名以絕其根此僞契拒贖之控所以紛紛也乃此告拒贖彼告拖租蓋岑俗有賣田不賣耕之說甲田雖賣與乙仍甲世耕但納租與乙故甲控拒贖乙控拖租且出其改換賣主姓名之僞契曰非買自甲甲特佃戶也噫計亦狡矣然亦有果係絕賣而妄控收贖者緣岑邑向苦里冬之累田價甚賤今里冬已革田價遂昂奸民希圖補價故妄控收贖也又賣田固仍世耕即佃田亦多世耕日久奸生或整坵隱匿或逐段割取業主但見租無拖欠不復臨田無從知覺任其侵隱盜賣輾轉數主莫可窮詰雖欲無訟其可得乎又俗喜贅婿分與田產有永遠分給者有暫時給食女死撤回者愚民無遠慮不知寫立分單囑書爲據貪田未幾爭

訟隨之往往然矣

古蹟

舊縣城

一曰新城在西鄉新城寨城址無存建廢無考一曰舊縣在今城西南五里奇營地明洪武三年知縣劉鎮建成化十年遷今治

廢郡縣城

舊志一在城東八十里根竹村梁置永業郡隋降爲永業縣唐初改名安義至德中復曰永業宋省入岑溪縣今爲永業鄉一在城南七十里大崗村唐天寶元年置連城郡尋降爲縣宋省入岑溪一云在城東南五十里羅末村按大峒隸連城鄉羅末隸下化鄉建遷先後無考又省志云唐初析瀧州卽今廣東羅定州之正義縣置連城縣與郡降爲縣之說似異俟考定

廢州城

在城西南四十里唐武德五年置南義州宋改南儀州熙寧四年廢今卽其地爲南渡埠

廢叅將城

在縣治南六十里大峒村古連城郡故址明萬曆八年始建城于此周一百六十丈

內建叅將府以潯梧叅將坐鎮領官弁二員官兵四百有奇名大峒營後叅將不至
屬把總官一員管領今兵官俱廢城址尙存

廢北科鎮

在城東南六十里北科峒明萬曆九年設坐鎮官一員管領官兵六百名分駐十四
營後以移鎮廢惟外設狼兵尙存

廢望高營

在城後望高領卽今社稷壇地明末奉守道文移北科鎮于此今廢

廢奇營

在城西五里舊縣地明萬曆間猺賊平後設兵六百爲縣犄角屬把總官一員管領今
兵與營俱廢

廢脚營一十四處

原係營兵分守各猺山要路每營兵十名今俱廢

高望在城北

根子在城東

天堂

將軍

坡色俱在城南嶺上

獨山

羊寨

甘桐

赤黎已上四營俱在城東嶺上

曇平

盤盤已上二營在城南嶺上路由赤黎入大峒

河父

里思

山心

已上三營俱在城東嶺上路由甘桐入北科按此與兵防志各營名多不同俟考

孝子墓

在蝴蝶山下按孝子丁密舊訛爲丁蘭漢書丁蘭河內人非岑產也

孝子碑

在城東十里孝子丁密故居旁宦遊者常過謁其居村人苦迎送沉碑於水故金吏部
詩有可惜古碑沉水底之句嘉靖間知縣葉儒欲建祠恐無徵索諸村老亦既諾之矣
時惡少持沉碑復戾之說嚇阻村衆復沉之深潭遂使先哲古碑不見於世良可痛恨

猺王墳

在永業鄉古猺王墓

甘羅墳

在永業鄉

黃巢駐兵石

在根子營下

探花井

在城西

葛仙井

在葛井村水清冽村人飲之多壽又長寧墟東南有泉從葛仙巖地脈涌出亦清冽可
飲

葛仙巖

在城東一里根子山麓舊傳葛稚川嘗奕棋于此詳八景

葛仙石

在葛仙巖外

雙鳳坊

爲梁簡梁潔兄弟聯科建在城西街久廢

科貢坊

爲通邑舉貢建明季毀

逍遙亭

在城西十八里雲松山頂正統間羽士鄧子真建詳八景

岑溪八景

南樓晚眺

南城上層樓高聳入窓玲瓏四望水色山光芳村烟樹夏則薰風拂面夜則皓月窺簾種種皆堪圖畫明季樓爲兵燬今繼作數椽規模卑隘殊非舊觀

北山松籟

城北枕山其麓有古松三株老幹拿雲虬枝屈鐵清風引籟韻若笙簧每登振岑樓聽其濤聲煩襟盡滌今松已久枯而樓亦先廢矣

春泛花洲

洲在城西河中明初掌教鍾振輝舉人李茂廖標選勝買洲與縣尹錢夢蘭構菴置田招僧常住環植花木因以百花名洲香海名菴其景晴雨俱宜水月多致滌鉢濯纓泛舟垂釣無不可人雍正三年知縣劉信嘉舉人鍾朝朗監生黃之發李典捐資募助修菴乾隆二年知縣何夢瑤清出侵蝕田塘并懲強砍竹木給示防護載藝文

西瀧晴嵐

西瀧山壁立城西縣前河流遶其麓亂石激湍怒濤迅駛有大小瀧之名因以名山振衣峯頂俯瞰河流屈曲寫入襟懷心目開曠雨後嵐烟浮碧變態萬狀尤屬可觀

仙亭觴月

卽逍遙亭相傳鄧羽士聚仙于此重簷四柱翼然憑虛每當素月流空金波萬頃俯視人寰塵埃盡洗舉杯相屬覺庾樓清興正復不淺

葛巖瀑布

卽葛仙巖山勢迴抱巖洞幽邃玉莎遶徑鋪茵畫壁倚雲作障瀑布中懸如挂正練跳珠灑雪清韻冷冷

秋風石室

秋風村背白象山巔有巖如室可容十餘人磴道曲折而上遊者有摩天弄雲之致左右有鐘磬鯨魚三石叩之各如其聲山人譚四我嘗隱于此得一白石類象又名白象巖

龍潭聽雨

水源出七山至望里嶺脚渟蓄成潭其深莫測久旱禱雨投紙錢于水沉速則雨立應邑紳嚴李奇廖標李茂建龍界菴其上夏日避暑于此溪雲乍起山雨忽來滴響潭中鏘然成韻聽之忘倦

秩官志

令長宰制百里師儒教育英才尉徵詰奸察盜克稱厥職難矣乃知青衿向化黃髮履禮非神明博達孰能與於此乎志秩官

文職

知南儀州

宋

黃仲通

名正以字行曲江人真宗時以著作佐郎任見省志

知縣

明

劉鎮

洪武三年任詳名宦

謝有立

永樂十一年任陞本府通判詳名宦

金文仲

洪武間以吏部員外郎請藤州同知署任有善政

倪良

江西人永樂十五年任舊志作洪武十五年任今從省志

周溥

瀏陽人正統七年任

楊衍

天順元年任

胡濬

宜興人天順六年任

陳琦

順德人監生成化元年任

勞雍

弘治元年任

余敦善

靖安人弘治七年任詳名宦

劉玉

贛縣人舉人弘治十四年任

吳從周

南平人舉人正德七年任

張拱樞

興國人監生正德十三年任詳名宦

劉曠

南海人舉人嘉靖元年任

黃智

景泰元年任

馮英

一作瑛瓊山人天順三年任

陳誥

天順八年任

黃鳳翽

瓊山人舉人成化六年任舊志翽作翥六年作十六年誤

查偉

沔陽人監生弘治四年任

陸璵

平樂人監生弘治十一年任

王綱

長汀人監生正德三年任

莫汝能

馬平人舉人正德十年任

石希介

成都人監生正德十四年任詳名宦

高斐

汝水人監生嘉靖三年任舊志作斐

王誥 永州人舉人嘉靖五年任有遺愛

熊珪 豐城人舉人嘉靖十四年任

高鑰 靖州人嘉靖十九年任恩威相濟吏畏民懷

梁彥錦 東莞人舉人嘉靖二十九年任

劉嶢 德化人嘉靖三十三年任存心寬恕民皆德之

揭啟 南豐人嘉靖四十九年任明敏有為時曇隆搖盜民一牛啟執戮之諸峒股慄乞降其秀者啟請給衣巾諸搖爭先效順舊志作四十五年任

李果 新會人舉人隆慶三年任

劉應魁 曲江人隆慶五年任

葉詩 松溪人萬曆四年任啟事精詳羅旁之捷與有力焉

何士瞿 南海人舉人萬曆九年任待民如子疾猶如仇以譜坐調去民饑送窮日至鳥峽夜已分矣

曹績 永興人嘉靖十一年任

曾廣翰 臨江人嘉靖十八年任

趙禴 吳江人嘉靖二十四年任寬嚴並用盜賊屏跡

張友仁 貴州人嘉靖三十年任

葉儒 房縣人嘉靖三十九年任平恕明允民咸戴之

薛廷寵 晉江人

董如期 長泰人萬曆元年任才猷敏練寇變率民守城邑賴保全

魏天奎 南昌人舉人萬曆七年任

周宗道 萬曆十三年任詳名宦

徐一文 寧州人貢生萬曆二十一年任卜吉遷學培植人材舊志作二十年任

黃黼 舉人萬曆三十年任舊志作輔

湯國勳 萬曆三十四年任

張聞性 萬曆三十七年任詳名宦

王同登 江寧人貢生萬曆四十四年任

王用霖 南康人舉人天啟四年任詳名宦

陳復虞 保昌人崇正五年任廉惠有遺愛

盧日就 永定人舉人崇正十二年任

錢夢蘭 崇正間任

黃應龍 甌寧人舉人萬曆十八年任

曾莘 六合人貢生萬曆二十五年任詳名宦

林文輝 舉人萬曆三十一年任

吳繼禧 萬曆三十六年任

韓蔭良 舉人萬曆四十一年任

詹子忠 莆田人舉人萬曆四十八年任詳名宦

蔣三槐 奉化人貢生崇正二年任

馬斯才 河源人崇正八年任

龍永明 湘陰人崇正十六年任

國朝

瞿鶴齡

江南鹽城人順治九年任勤政愛民時當兵荒地方殘破能撫綏安輯民其德之

劉廣國

順治十四年任詳名宦

俞士睿

江南上海人順治十七年任

倪懋禧

江南江都人康熙元年任

劉昌言

康熙七年任詳名宦

孫士恂

浙江烏程人舉人康熙十一年任

黎士望

廣東人康熙十四年任時當變亂能竭力保障民賴以安

李泰

浙江人康熙十六年任

楊作霖

四川南部人康熙十八年任

趙純禧

正藍旗人官生康熙二十一年任釐剔弊政革去月夫准民彙納催科無擾遠邇歌懷

封式序

江南泰興人例監康熙二十八年任減冤米除火耗革各項承役銀兩及大祭各埠陋規精明果斷士民思之

曹樸

河南祥符人進士康熙三十年任

呂猶龍

正紅旗人康熙三十九年任

張庚曜

順天大興人進士康熙四十年任嚴於治盜邑境以寧

張義

康熙四十三年任詳名宦

劉洪度

湖廣廣濟人康熙四十七年任

周夢錦

福建寧化人舉人康熙五十七年任精明果斷凡以人命誣告者立燭其奸無株連屈抑民德之

富鵬業

福建晉江人舉人康熙六十一年任

劉信嘉

江南山陽人進士雍正二年任廉明公正禮士恤民詳革里冬均攤亡米民其德之

鄭炎

福建福清人舉人雍正八年任

李旭

雲南嵩明人舉人雍正十一年任

何夢瑤

廣東南海人庚戌進士雍正十三年任

教諭

明

曾本

洪武初年任

何進

洪武間任

劉卻

陳士良

崖州人俱永樂間任

徐謹

吳縣人宣德間任詳名宦

黃道

正統間任

葉榮

博羅人景泰二年任

馮景

萬州人景泰三年任

曾文盛

莆田人天順八年任

蔣聰 東莞人舉人弘治六年任詳名宦

曾應昌 瓊山人

陳守魯 莆田人正德間任

管祥 臨桂人

陳薰 臨桂人嘉靖三十三年任

鄭器 寶應人嘉靖三十三年任

李時 普安人嘉靖三十七年任詳名宦

黎士偉 南海舉人

甘廷魁 侯官人隆慶六年任

謝茂 太平人萬曆九年任

陳夔 番禺人弘治十五年任詳名宦

唐文明 臨桂舉人勤於課士

王仲時 安福儒士嘉靖初年任

黃壁 新會人嘉靖八年任

林安楨 莆田舉人嘉靖二十三年任

盧義 曲江人嘉靖三十五年任稷州講劬勤救恤貧

姚翺 貴州人嘉靖四十年任

盧學顏 歸善人隆慶三年任廉慎勤教

謝講 羅城人萬曆三年任

趙存豫 馬平人舉人萬曆十一年任師道克敦教人若子

李一新 柳城人萬曆十五年任

陳梓 長寧人萬曆二十一年任莊重廉明雅稱師範

周表輔 恭城人萬曆二十八年任

梁周倫

雷時雨

周基命

虞廷愷 昭平人俱天啟間任

吳嘉蔭 貴州人崇正六年任

鍾振輝 番禺人崇正十五年任陳士何方與邑紳廖標李茂選勝買洲環植百卉名百花洲詳八景

國朝 國初皆署任無部銓者康熙三年奉裁二十年始復設

王光信 信宜人萬曆十九年任

李御選 太平人萬曆二十四年任陞會同知縣

廖璋 桂林人萬曆二十九年任

姚大武

王元輔

周必卓

蔣繼元 南海人崇正元年任

唐廷憲 南海人崇正十年任

羅印 永淳人舉人康熙三十年任

吳子俊 崇善人拔貢康熙四十年任才情瀟灑

周之翰 臨桂人副榜康熙四十九年任

鄧玉臨 永寧人副榜康熙五十七年任

唐任藩 全州人副榜雍正二年任

陸本仁 永康人舉人乾隆元年任

訓導

明

馮士聰 藤州人洪武八年同知金文仲薦膺斯任

莫汝斌

包繼祖 合浦人俱景泰間任

郭遴 恭城人貢生康熙四十六年任

袁膺俊 智縣人拔貢康熙五十四年任

陳齊蕃 臨桂人貢生康熙六十一年任

藍露潤 宜山人副榜雍正九年任

成勝

王准

李昱

馮明 番禺人俱天順間任

桑榮 保昌人俱弘治間任

劉材義 天台人正德間任舊志作才義

蔡侃 順德人嘉靖十八年任

程宏道 海陽人嘉靖二十六年任正以帥人嚴以立教

廖仲儉 保昌人嘉靖四十年任

蘇節 新會人隆慶二年任

區運 高明人萬曆四年任

計履亨 馬平人萬曆十一年任

原問行 宣化人萬曆十九年任

劉浦 高要人

周仕珣 饒平人正德間任

彭求 寧遠人嘉靖四年任

熊衍 道州人嘉靖二十一年任勤於訓課始終如一

高蟾 彬州人嘉靖三十一年任持躬謹飭

吳岳 貴州人嘉靖四十三年任

謝於芑 清遠人隆慶肆年任

麥壯 南海人貢生萬曆八年任

蔣士賓 全州舉人萬曆十二年任

陳天遂 大田人萬曆二十三年任

曹可章 南海人萬曆二十七年任

羅昊 富川人

陸寬 歸善舉人

嚴民牧 翁源人

國朝 舊志順治初裁訓導止存教諭康熙二年併裁學篆歸縣攝理十年始復設訓導一員

嚴中 廣東人康熙十八年任

麥瑄 平南人康熙二十二年任

杜駿聲 桂平人貢生康熙三十八年任

韋至人 來賓人貢生康熙四十九年任

譚宙可 思明人貢生康熙六十年任

秦正氣 維容人

譚士奇 太平人

彰坤 宜山人

滕愈濬 全州人康熙十一年任吳逆之變避亂連城不肯從逆士論咸歸

莫可甲 永寧州人康熙二十一年任

何其偉 平樂人貢生康熙二十六年任

莫若蝦 崇善人貢生康熙四十六年任

滕上譽 新寧人貢生康熙五十六年任

黎崇德 義舉人貢生雍正八年任

陳五瑞 永淳人貢生雍正十一年任

莫弘疏 河池州人貢生雍正十二年任

主簿

明

張翼 陝西人洪武二年任

趙探夫 蘇州人洪武七年任詳名宦

典史 舊志明初置主簿後裁去始置典史

明

陳仲純 正統間任

鄭彬

區昌 新會人景泰間任詳名宦

潘普濟 天順六年任

黃裳 成化二年任

張俊

黃金

劉芳 番禺人

趙誠 道州人俱正德間任

黃文釗 麻陽人

范珠 南城人嘉靖十二年任

周文仲 莆田人嘉靖十七年任

阮亮 豐城人嘉靖二十七年任陸和平縣主簿

余文簡 莆田人嘉靖三十九年任

林來鳳 莆田人隆慶二年任

周邦 番禺人萬曆三年任

邵益光 增城人萬曆八年任

張尙袞 餘于人萬曆間任

雷謙 藍山人嘉靖初年任

周洪 道州人嘉靖八年任

汪輝 徽州人嘉靖十四年任

姚鳴鵠 莆田人嘉靖二十五年任

區文拱 南海人嘉靖三十四年任

潘文寶 閩縣人嘉靖四十四年任

羅剛 南海人隆慶四年任

楊璽 福建人萬曆六年任

張勝 東莞人萬曆十年任

柳承榮 臨湘人萬曆十六年任

鄔寧和 金谿人萬曆二十一年任

戚暉 楊州人萬曆二十八年任

王一道 潛山人萬曆二十五年任廉慎有為奸暴屏迹建城有功陞昭平主簿尋卒士庶哀思之

國朝 舊志自順治十三年始有區照廣東人署任時地方初定饑饉洊照悉心經理民賴以安后奉文不許委署署任不錄部銓者

孫錫昌

蔡鵬 龍溪人康熙四年任

王揚基 陝西人康熙十年任

吳必傳 陝西人康熙二十一年任

吳溱 直隸開州人康熙二十七年任

劉珍 河南長葛人康熙三十六年任

李兆陞 浙江鄞縣人康熙四十二年任

陳灝 紹興人順治十七年任

費彥昭 錢塘人康熙九年任

洪霖 碭山人康熙十一年任

高雄飛 河南孟縣人康熙二十五年任

王修 陝西隴西人康熙二十九年任

葉一相 順天大興人康熙三十八年任

毛偁 順天大興人康熙四十七年任

焦霖 山東鄒縣人 康熙五十年任

沉德誠 浙江會稽人 康熙六十年任

劉西奇 陝西朝邑人 雍正七年任

巡檢

國朝

馬守惠 盛京人 順治十四年任

沈邦祚 紹興人 康熙七年任

丁尹謨 順天人 康熙二十四年任

樂洪 山西陽城人 康熙三十一年任

姚焯 康熙四十四年任

高永新 順天宛平人 康熙五十四年任

王繼述 直隸房山人 雍正二年任

童正 甘肅古浪人 乾隆元年任

孫蕃 西安人 順治十七年任

熊之涓 盛京人 康熙十年任

范嘉賓 順天人 康熙二十七年任

傅國楨 浙江山陰人 康熙三十五年任

田世福 陝西富平人 康熙四十四年任

王雲 順天通州人 康熙四十五年任

宋秀 真定人 康熙五十四年任

潘文桂 任邱人 康熙六十年任

董瓚 宛平人 雍正六年任

武職

溥梧參將

明

王德懋 桂林人 萬曆四十四年任

周勳 鬱林人 以都司署參將事 萬曆八年駐防時督府以大峒將府事屬勳 勳進兵據險 直至大峒築城 建府自是參將移鎮大峒 遂擢勳之力也

朱先 蘇州人 萬曆九年駐大峒

武天保 山西平遙人 康熙四十九年任

王朝珍 直隸撫寧人 康熙五十七年任

金景 順天大興人 雍正三年任

顧永訖 順天大興人 雍正十一年任

張榜 金華人 萬曆七年駐防 號令嚴明 時稱良將 倡議移鎮大峒 詳兵防志中

白玉 桂林人 萬曆十年駐防

戴應麟 金華人萬曆十一年駐防

蔡春 澄海人萬曆十四年駐防

吳紳 山陰人萬曆十五年駐防

童元鎮 桂林人萬曆十六年駐防

洪夢鯉 龍溪人萬曆十八年駐防

吳顯忠 山陰人萬曆二十年駐防

李鳳 麻遠人萬曆二十二年駐防以他事往灣值孫亂毀將府

吳廣 金溪人萬曆二十四年駐防大向將府被賊焚燬廣就城構至暫居法令嚴明謀畧過人城平後計擒戎首誅戮線驕凡所規畫悉中機宜境賴以安

劉宗漢 肇慶人萬曆二十五年駐防時修將府督箭城中兵民不擾飭兵討亂功著北陀

楊應光 直隸人萬曆二十八年駐防

援剿遊擊

國朝

唐鳳 潮州人康熙三十三年駐防詳名宦

梧州協都司

國朝

管輝 程鄉人康熙十八年率師恢復岑溪擒偽知縣曾浩破土寇曾琦捍衛之功甚偉復念岑民凋敝與知縣楊作霖等詳革陋規岑民德之

潯梧協千總

國朝

徐國才 湖廣人康熙七年分防禦妖寇彭奇馮四平姚四覃朝剛之亂堪稱保障

梧州協把總

國朝

劉楚 河南人詳名宦 康熙四十三年任

袁宏猷 康熙四十五年任

黃經 康熙六十一年任

詹應元 雍正五年任

修國梁 康熙四十九年任

趙國英 雍正三年任

梁文顯 雍正十年任

楊文臣 雍正十年任

岑溪縣志卷之二

田賦志

岑瘠土也厥賦下下

聖朝重農崇本野無惰民荒滕亦沃壤哉加以倉儲有備荒歉有恤黍漆之植地無遺利含哺鼓腹固其所矣既富方穀可勿務歟志田賦

科則

中則官田每畝科秋糧米一斗六升五合六勺每秋糧米一石徵本色米四升四合二勺四抄五撮一圭六粒「計每畝徵本色米七合三勺二抄六撮九圭九粒八粟四微九纖六塵」徵折色米九斗五升五合七勺五抄四撮八圭四粒每折色米一石該折徵銀四錢一分九釐零二絲五忽九微「計每畝徵折色米一斗五升八合二勺七抄三撮零一粟五微零四塵該折徵銀六分六釐三毫二絲零四微八纖六塵九埃零」不加潤不編差不編丁

按官田乃明萬曆間丈缺額米不敢豁除仍令原戶納糧以其有米無田故免丁差不加閏「舊志」

中則學田每畝科秋糧米一斗六升五合六勺原每秋糧米一石折徵銀二兩「計每畝折徵銀三錢三分一釐二毫內地糧銀一錢一分一釐八毫九絲一忽九微七纖二塵零九沙六渺餘爲租銀以資諸生燈油」本色米無雍正十三年奉行歸學徵收改爲每畝徵穀一百六十斤「除完地糧銀二十五兩零三絲二忽五微六纖又起解學租銀四十九兩零一釐外有餘以資諸生膏火」不加閏不編差不編丁按學田科則已重故不編丁差不加閏「舊志謂學田每米一石納銀二兩內一兩係糧銀差丁在內不得概言例不編差此說非是若爾則種田亦每石納銀二兩俱可言丁差在內矣」

下則民田每畝徵四差「一曰均搖一曰驛傳一曰兵款一曰里甲」「胖襖鋪墊水脚共銀二分七釐零三絲三忽二微二纖三塵七埃五沙四渺五漠遇閏每畝加銀一釐九毫五絲零二微七纖四塵六埃八沙六渺五漠每畝科秋糧米三升七合四勺五抄每秋糧米一石徵本色米四升五合一勺九抄三撮八圭六粒二粟」計每畝徵本色米一合六勺九抄二撮五圭一粒零一微六纖一塵零五沙「徵折色米九斗五升四合八勺零六撮一圭三粒八粟每折色米一石該折徵銀四錢一分九釐零二絲五忽九微」計每畝徵折色米三升五合七勺五抄七撮四圭八粒九粟八微三纖八塵九埃五沙該折徵銀一分四釐九毫八絲三忽三微一纖四塵三埃陸沙一渺五漠」有編丁者有不編丁者「雍正七年十三年乾隆二

年各首墾民田例不編丁」其編丁者每秋糧米一石派徵丁銀二錢五分三釐九毫七絲三忽二微四纖零七沙二渺

下則墾田每畝科秋糧米三升七合四勺五抄每秋糧米一石折徵銀二兩一計每畝折徵銀七分四釐九毫」本色米無不加閏不編差不編丁

按墾田科則已重故不編丁差不加潤「再按墾田有已丈未丈之分萬曆間清丈其各鄉墾出已丈者每米一石納銀二兩科則比民田固重而永業及連城上里當日止據頭目約畧報稅並未經丈雖亦每米一石科銀二兩而數畝之田僅報一畝之稅比民田輸納反輕矣」

下則兵種田每畝科秋糧米三升七合四勺五抄每秋糧米一石折徵銀三錢「計每畝折徵銀一分一厘二毫三絲五忽」本色米無不加閏不編差不編丁

按兵種田係北科崗狼兵屯種之田因萬曆間孫種猖獗資其屯守給田耕種而薄征之使收其子粒與月糧等故科則獨輕且免丁差加閏也

地糧

原額官學民種兵種田地塘共稅七百六十二頃二十畝零九分零二毫一絲零八纖「內官田六頃九

十畝零六分一釐六毫一絲九忽一微五纖學田二頃二十三畝四分三釐零五忽民田六百九十八頃七十八畝一分五釐八毫六絲七忽二微九纖七塵二埃墾田一十八頃五十八畝六分九釐六毫九絲五忽零六纖一塵四埃兵種田三十五頃七十畝零二絲三忽五微七纖一塵四埃」徵地畝四差胖襖鋪墊水脚銀一千八百八十九兩零三分一厘八毫二絲九忽零七纖九塵五埃八沙二渺五漠遇閏加銀一百三十六兩二錢八分一厘六毫零四忽徵秋糧米二千九百七十一石六斗零七合八勺零九撮五圭二粒二粟內折色米二千八百四十八石二斗七升八合一勺七抄二撮一圭三粒七粟該折徵糧銀一千二百九十七兩一錢三分三厘八毫零七忽二微九纖零七埃二沙七渺三漠本色米一百二十三石三斗二升九合六勺三抄七撮三圭八粒五粟全熟

康熙十九年里民首出未入全書中則官田地稅五十畝零三分三釐四毫七絲零三微一纖五塵徵秋糧米八石三斗三升五合四勺二抄六撮八圭四粒一粟內折色米七石九斗六升陸合六勺二抄四撮五圭四粒七粟該折征糧銀三兩三錢三分八厘二毫二絲二忽零二纖零七埃六沙八渺八漠本色米三斗六升八合八勺零二撮二圭九粒四粟全熟

雍正七年分里民首報墾熟未入全書官民墾出共稅一十二頃四十肆畝三分四釐九毫「內官田七

頃二十二畝二分三釐柒毫民田四頃八十七畝三分九釐九毫種田三十四畝七分一釐三毫」征
地畝四差胖襖鋪墊水脚銀一十三兩一錢七分五厘九毫六絲五忽七微三纖七塵三埃二沙零六漠遇
閏加銀九錢五分零五毫六絲一忽九微三纖一塵九埃二沙五渺九漠征秋糧米一百三十九石一斗
五升五合五勺四抄一撮六圭內折色米一百叁十三石零三升八合七勺八抄四撮四圭二粒七粟二
微五纖八塵八埃三沙九渺一漠該折徵糧銀五十七兩八錢零一厘九毫六絲伍忽六微三纖四塵三
埃四沙零二漠本色米六石一斗一升六合七勺五抄七撮一圭七粒二粟七微四纖一塵一埃六沙零
九曠全熟

雍正十三年分江南省監生洪公宣在于永業鄉借捐墾熟未入全書下則民田八十畝徵地畝四差胖
襖鋪墊水脚銀二兩一錢六分二厘六毫五絲七忽八微二纖零三埃六沙遇閏加銀一錢五分六厘零
二絲一忽九微七纖肆塵九埃二沙徵秋糧米二石九斗九升六合內折色米二石八斗六升零五勺九
抄九撮一圭七粒八粟一微一纖六塵該折征糧銀一兩一錢九分八厘六毫六絲五忽一微肆纖八塵
九埃二沙零六漠本色米一斗三升五合四勺零八圭一粒二粟八微八纖四塵全熟
乾隆二年陞科里民雍正五年開墾未入全書官民田地稅四十二畝五分一釐九毫」內官田三十九

畝三分一厘一毫民田三畝二分零八毫」征地畝四差胖襖鋪墊水脚銀八分六厘六毫一絲肆忽肆
微四纖五塵七埃零五渺四漠遇閏加銀六厘二毫肆絲八忽六微八纖零九沙五渺五漠征秋糧米陸
石六斗三升零五勺五抄三撮八圭內折色米六石三斗三升七合零七抄零五粒一粟五微七纖三塵
七埃五沙五渺八漠該折征糧銀二兩六錢五分五厘三毫九絲六忽四微八纖一塵七埃二沙三渺八
漠本色米二斗九升三合肆勺八沙三撮七圭肆粒八粟四微二纖六塵二埃四沙四渺二漠全熟
乾隆四年分陞科里民雍正七年開墾未入全書官民田地共稅三十七畝九分三厘四毫」內官田二
十三畝二分四厘九毫民田一十四畝六分八厘五毫」征地畝四差胖襖鋪墊水脚銀三錢九分六厘
九毫八絲二忽八微七纖陸塵一埃肆沙九渺八漠遇閏加銀二分八釐六毫三絲九忽七微八纖三塵
七埃七沙一渺二漠征秋糧米四石三斗九升九合九勺八抄七撮六圭五粒內折色米四石二斗零四
合七勺八抄七撮七圭五粒零二微伍纖一塵四埃七沙六渺八漠該折征糧銀一兩七錢六分一釐九
毫一絲四忽九微七纖一塵三埃五沙八渺一漠本色米一斗九升伍合一勺九抄九撮八圭九粒九粟
七微四纖八塵伍埃二沙三渺二漠全熟
以上通共稅七百七十六頃七十六畝零三釐八毫八絲零三微玖纖伍塵」內官田稅一十五頃二十

五畝七分四釐七毫八絲九忽四微六纖五塵學田稅二頃二十三畝四分三釐零五忽民田稅七百零四頃六十三畝四分五釐零六絲七忽二微九纖七塵二埃墾田稅一十八頃九十三畝肆分零九毫九絲五忽零六纖一塵四埃兵種田三十五頃七十畝零二絲三忽五微七纖一塵四埃一微地畝四差胖襖鋪墊水脚銀一千九百零四兩八錢五分四釐零肆絲九忽九微九纖九塵一埃一沙八渺二漠遇閏加銀一百三十七兩四錢二分三釐零七絲六忽三微七纖零七埃一沙二渺六漠徵秋糧米三亭一百三十三石一斗二升五合三勺一抄九撮四圭一粒三粟內折色米三千零二石六斗八升六合零三抄八撮一圭零二微零七沙一渺七漠該折徵糧銀一千三百六十三兩八錢八分九釐九毫七絲一忽五微四纖七塵八埃三沙八渺八漠徵本色米一百三十石零四斗三升九合二勺九抄一撮三圭一粒二粟七微九纖九塵九埃二沙八渺三漠

丁銀

原額人丁二千零九十四丁該丁銀六百一十二兩三錢四分八釐四毫二絲全熟
康熙二十年編審增人丁八十六丁八分該丁銀二十五兩三錢八分二釐九毫二絲四忽

(71)

康熙二十五年編審增人丁一十四丁五分八釐該丁銀四兩二錢六分三釐六毫二絲九忽四微
康熙三十年編審增人丁一十五丁九分一釐該丁銀四兩六錢五分二釐五毫六絲一忽三微
康熙三十五年編審增人丁一十九丁三分該丁銀五兩六錢四分三釐八毫九絲九忽
康熙四十年編審增人丁二十一丁該丁銀六兩一錢四分一釐零三絲
康熙四十五年編審增人丁一十四丁二分該丁銀四兩一錢五分二釐五毫零六絲
康熙五十年編審增人丁七丁該丁銀二兩零四分七釐零一絲

已上共人丁二千二百七十二丁七分九釐共徵丁銀六百六十四兩六錢三分一厘九毫七絲九忽七微全熟以民田秋糧米編派見上科則

(72)

康熙五十五年編審增 盛世滋生增益人丁九十六丁
康熙六十年編審增 盛世滋生增益人丁八十八丁
雍正四年編審增 盛世滋生增益人丁九十丁
雍正九年編審增 盛世滋生增益人丁九十二丁
乾隆元年編審增 盛世滋生增益人丁九十五丁俱欽奉

恩詔永不加賦

地丁銀米總數

地丁通共徵銀三千九百三十三兩三錢七分六釐零一忽二微零六塵九埃五沙七渺一漠遇閏加徵本色米一百三十石零四斗三升九合二勺九抄一撮三圭一粒二粟七微九纖九塵九埃二沙八渺三漠

解銀數

- 一解布政司起運地丁并翠毛共銀二千七百二十二兩二錢一分三釐二毫一絲一忽二微零六塵九埃五沙七渺一漠
- 一解布政司存留銀二百一十四兩九錢三分一釐四
- 一項時憲書銀五錢三分一釐
- 一項戶口食鹽銀七兩
- 一項按察司知事皂隸四名工食銀二十兩
- 一項按察司檢校皂隸四名工食銀二十四兩

一項本府表箋銀三兩八錢

一項奉文設復鄉飲酒禮二次銀六兩

一項奉文裁汰燈夫二名工食銀一十二兩

一項裁撥本府同知民壯五名工食銀三十兩

一項裁撥本府通判民壯一十七名工食銀一百零二兩

一項裁扣孤貧布衣銀五兩六錢

一解驛鹽道驛站存六銀三十二兩三錢六分九釐七毫九絲

一解裁撥恩府民壯一名工食銀六兩

支銀數

- 一支本縣拜賀香燭火把銀一兩四錢
- 一支本縣致祭文廟春秋二祭銀五十六兩
- 一支本縣致祭關帝廟春秋二祭銀一十九兩四錢二分二釐
- 一支本縣致祭山川社稷銀一十二兩

一支本縣致祭屬壇銀一十六兩
一支本縣霜降祭祀操賞銀三兩
一支考貢生員年編銀八兩
一支本縣舖兵一十二名工食銀七十二兩
一支本縣孤貧八名布衣銀四兩
一支本縣知縣俸銀四十五兩
一支本縣典史俸銀三十一兩五錢二分
一支本縣教諭俸銀四十兩
一支本縣訓導俸銀四十兩
一支本縣平河司巡檢俸銀三十一兩五錢二分
一支本縣門子二名工食銀一十二兩
一支本縣皂隸一十六名工食銀九十六兩
一支本縣馬快八名工食銀四十八兩

一支本縣民壯二十七名工食銀一百六十二兩
一支本縣看監禁卒八名工食銀四十八兩
一支本縣修理監倉銀二十兩
一支本縣轎傘扇夫七名工食銀四十二兩
一支本縣庫子四名工食銀二十四兩
一支本縣斗級肆名工食銀二十四兩
一支典史門子一名工食銀六兩
一支典史皂隸四名工食銀二十四兩
一支典史馬夫一名工食銀六兩
一支儒學門役二名工食銀一十二兩
一支教諭齋夫三名半工食銀九兩
一支教諭膳夫二名半工食銀六兩
一支訓導齋夫三名半工食銀九兩

- 一支訓導膳夫二名半工食銀六兩
- 一支巡檢弓兵五名工食銀九兩
- 一支巡檢皂隸二名工食銀一十二兩
- 一支本縣囚糧銀三兩

支米數

- 一支供奉文廟香祝米三石六斗
- 一支鐸戶月米三石六斗
- 一支致祭厲壇羹飯米九斗
- 一支孤貧八名口糧米二十八石四斗
- 一支塵生七名米二十八石遇閏增支二石三斗三合六勺九抄伍撮九圭四粒八粟係懷集縣協濟

一支兵糧米六十五石九斗三升九合二勺九抄一撮三圭一粒二粟七微九纖九塵九埃二沙八渺三漠

積貯

應貯穀六千石

分貯捐納穀一萬二千九百九十石

社倉息穀三百八十四石一斗九升

里民捐輸穀一百一十八石六斗二升

添貯捐納穀一萬一千零二十石「此項乾隆三年奉文捐納監生收穀添貯現方開捐」

鹽課

原額大引肆十道零二分康熙三十二年改爲小引四百零二道計鹽六百二十九包一百二十斤徵東餉餘費銀二百肆十四兩二錢三分九釐二毫

徵西稅銀三百一十五兩九錢六分七釐八毫一絲一忽陸微四纖一塵八埃七沙九渺四漠 遂歷係商辦雍正元年督臣孔毓珣

題請官運官銷動借帑項爲鹽本運脚赴廣東高州鹽運分司兌納鹽價到茂暉場配運回埠照部定價銀每觔一分二釐發賣又代銷陸川埠引二百五十道計鹽三百九十一包一百觔饒平埠引五百道計

鹽七百八十三包零五十觔又搭銷竈丁餘鹽一千三百零二包俱照價每觔賣銀一分二釐乾隆元年奉

旨每觔減價二釐又是年奉

旨改歸商辦照舊行銷本縣額引「完納東餉西稅」及竈丁餘鹽如不足銷售則再請撥銷竈丁餘鹽其

陸川饒平引鹽不復代銷

按岑溪四面皆山不通水道向止納食鹽銀七兩公私任從買賣不入官府考成康熙元年始奉文派岑食鹽七十八引九分一釐六毫七絲七忽六微七纖倉膳鹽五引六分七釐巡撫金光祖憫念粵民困苦特為顯請

俞曾減通省鹽引三分之一岑獲半減存四十引二分著為額每年派商運鹽七鄉買食鹽價頗昂壅滯不行後又派丁分食追比及於雞豚民不堪命始銷乾引民困稍甦近蒙撫院郝浴題明改食高鹽專用流商不復派民矣 節舊志

物產

穀

水稻「其種秈粘糯不一」 旱稻「亦秈粘糯各種宜植于山」 雪稻「十月植二月收」

粱

粟「山坡俱宜」

豆

黃豆 黑豆 白豆 藁豆 扁豆 飯豆 刀豆 八月豆

龍爪豆 茶豆 豆角 芋根豆 狗兒豆 木豆 鴨口豆

瓜

金瓜 冬瓜 節瓜 瓠瓜 西瓜 香瓜 黃瓜 苦瓜

葫蘆瓜 斑瓜 絲瓜 梢瓜

菜

春菜 芥菜 芹菜 莧菜 萊菔 茼蒿菜 蘆荻 蕪菜

金針菜 茄 東風菜 薑 葱 蒜 韭 蕪

薯 芋 枸杞菜

決明菜 苦蕒菜 鵝腸菜 鴨舌菜

藥

貨

花

果

向無茶止大崗山巔植之其味甚佳故有峒茶之名迄今各鄉近山處盡種而謝孟堡山場所植尤夥遠近販鬻為利頗饒」
漆「自康熙四十年間始種近年各鄉處處植之」

- | | | | | | | | |
|-----|-----|-----|-----|-----|-----|-----|-----|
| 荔枝 | 龍眼 | 佛手柑 | 桃子 | 李子 | 梅子 | 柑子 | 橘子 |
| 蘭花 | 蓮花 | 菊花 | 朱槿花 | 薔薇花 | 茉莉花 | 素馨花 | 金鳳花 |
| 雞冠花 | 紫薇花 | 月月紅 | 木樨花 | 魚子蘭 | | | |
| 棉花 | 苧麻 | 葛 | 靛 | 茶油 | 片糖 | 皮紙 | 茶「岑 |
| 無患子 | 艾 | 益母草 | 香附子 | 車前子 | 九里明 | 葛根 | 砂仁 |
| 金銀花 | 鹿角 | 穿山甲 | 烏蛇 | 蚰蛇膽 | 金古欖 | 薏苡 | 山藥 |
| 豆蔻 | 槐花 | 紫蘇 | 薄荷 | 莪朮 | 香薷 | 巴豆 | 苦練 |

木

竹

藤

禽

鳥

- | | | | | | | | |
|-----|-----|-----|----|----|------------|----|-----|
| 蕉子 | 甘蔗 | 石榴子 | 香椽 | 沙梨 | 楊梅 | 橄欖 | 羊桃子 |
| 枇杷子 | 波羅子 | 黃皮子 | 柚子 | | | | |
| 楠木 | 栢木 | 松木 | 黎木 | 桂木 | 槁木 | 柯木 | 緣木 |
| 鐵力木 | 楊木 | 紫荆木 | 棉木 | 杉木 | 「岑向無杉近年漸植」 | | |

- | | | | | | | | |
|----|----|----|-----|----|-----|-----|----|
| 筋竹 | 班竹 | 單竹 | 符竹 | 甜竹 | 簕勞竹 | 筋竹 | |
| 雞藤 | 白藤 | 黃藤 | 青香藤 | 坭藤 | 膠藤 | 馬黃藤 | 鹽藤 |
| 雞 | 鷄 | 鴨 | 燕 | 雀 | 翡翠 | 鳩 | 鵲 |
| 鴉 | 鷹 | 白鷓 | 鴛鴦 | 鷺 | 雉 | 鶴 | 白鴿 |

獸

牛

羊

犬

豕

貓

虎

豹

豺

鹿

熊

石羊

野猪

山馬

蠲卹

國朝

順治十三年蠲免十年十一年分未完糧巡撫陳維新題免

順治十三年蠲免十二年十三年分糧巡撫于時躍題免又諭百姓墾荒田官給牛種

康熙二十二年免十七年以前民欠錢糧稅銀及帶徵錢糧

康熙二十四年赦死罪軍罪以下

康熙三十三年蠲免應徵地丁銀米

康熙四十三年蠲免地丁各項錢糧

康熙五十年全免應徵地丁銀并歷年舊欠俱免徵

康熙五十二年免番增丁銀雜派項款永行禁革鰥寡孤獨貧民無以為生者將各省積穀酌量賑濟

雍正元年免各年久民欠錢糧

雍正八年全蠲通省地丁銀三十五萬三千九百二十七兩有餘

按岑自明季之亂人民死亡殆盡遍地荒蕪順治十三年署縣曹士珍十四年知縣劉廣國前後報荒

並蒙准豁共除荒糧一千七百餘石止存熟糧一千二百餘石厥後昇平襁負漸集陸續開墾至康熙

七年知縣倪懋禧希圖薦舉將本邑荒米盡數報墾全熟賠納者甚多康熙十三年吳逆之叛岑民被

擄田復蒿萊康熙十六年知縣李泰具報荒米一千一百餘石已奉准荒尙未題豁迨康熙十八年知

縣楊作霖以民隱熟為荒臨田清丈並征在前逋欠人心惶恐幸逢

恩詔蠲免十九年以前出租鄉紳嚴李奇里民涂昌等具呈院司承墾陞科復額由是田野日闢無復曠

土矣『訂舊志』

按岑舊有里冬之役岑編戶三里分七鄉「上下化鄉為一里歸義永業鄉為一里連城西南鄉為

一里」鄉分十甲凡有公務三里均當明末雜派浮於正供民艱輸納官苦催科因而每甲設冬頭

一名責令催糧三里各設里長經營收納守糧解餉種種勞費每冬頭一名終年工食約銀一十五

兩三里長工墨各費不下二百金計正賦之外浮費千餘金而又冬頭有賤亡之累『賤亡見藝文』

里長有供應之費「衙內鋪墊及上司差使往來俱里長供應」民甚苦之雍正三年知縣劉信嘉詳請革除民因始甦

營繕志

營城造邑掌於量人上棟下宇取諸大壯岑雖辟陋可無備哉雖然衆志成城廣廈大庇無形之險咸安其居富有進於此者矣志營繕

城池

舊城有二一名新城在今城西四十里建廢無考一曰舊縣在今城西南五里「並詳古蹟」明洪武三年「舊志作十二年誤」知縣劉鎮築成化十年「舊志作十二年誤」參議黃箴副使范鏞臨縣見城不稱請於都御史韓雍發公帑屬知縣黃鳳翱卜築今址當烏峽之陽負山臨溪築磚城周一百六十丈高二丈關東北二門弘治八年知縣余敦善改陽城爲陰城架串樓一百七十間塞東門關南門正德十五年知縣石希介以城褊小築土城於外周三百八十餘丈上覆以瓦關東西北三門嘉靖二十六年「舊志作二十六年誤」知縣趙禴遷外城東門稍北關外城南門與內城南門直隆慶三年知縣李果改遷外城北門與內城北門直自是南北洞開重門歲久瓦卸內外俱就頽圯萬曆二十四年兵巡副使張文耀以討貉亂駐節城中見城隘陋白於總督陳大科巡撫戴耀按院林道南題請宏拓屬通判歐煥知縣曹莘典史王一道董其事下瘞盤石爲基上布鉅磚甃以石灰關東西南三門外加甕門

門上有樓設六敵臺臺上有樓各因險易以爲崇卑城周三百六十丈高一丈八尺天啟年間知縣王用霖改東門於城東南隅崇正年間知縣馬斯才改尖堞爲方堞增高一尺五寸明季四門城樓敵樓俱毀

國朝康熙二十五年知縣趙純禧捐修四門城樓現今城高一丈八尺濶八尺周如舊堞口三百七十向有四門「北門何時啟舊志未詳」今塞西北二門存東南二門東西北無池南臨河爲池

廨署

縣署舊在城西南五里舊縣城中洪武三年知縣劉鎮建永樂元年知縣謝有立重修成化十年知縣黃鳳翱隨城遷建今治弘治八年知縣余敦善重修嘉靖間知縣葉儒揭啓隆慶間知縣李果萬曆間知縣黃應龍會莘各有修改明季兵燹僅存正堂串堂後衙大門土地祠

國朝康熙九年知縣劉昌言修復倉庫康熙十年通判謝繼賢攝縣修復儀門康熙十八年知縣楊作霖修復左右廊六房公廨厥後隨時修葺靡得而紀雍正十三年知縣何夢瑤見串堂後宅卑陋且壞乃改建串堂一座三間改後宅爲樓一座三間又創建東廳一座三間西廳一座三間又改建串堂右耳房一間後宅右耳房二間創建西廳耳房一間

學署在明倫堂後明天啓元年知縣詹子忠建後圯

國朝康熙六十年訓導譚宙可重建雍正九年教諭藍露潤葺居復圯乾隆二年教諭陸本仁重修添建左右廂房又於明倫堂右建客廳一間先是雍正十二年訓導莫弘琉到任見兩官同居不便因於學宮之右忠孝祠后建屋一座三間另居而教諭獨居公署矣

典史署原在縣署東久廢現僦居廖姓宅

巡檢司署在連城鄉水汶墟巡檢顧永誥建茹屋數楹以居
分防署在縣治右民房

庫

庫一間在縣堂右

倉

一在縣署前東南隅共三十一間一在縣署內西偏共三間
又社倉一間在連城鄉水汶墟

獄

二座在縣署頭門內西偏乾隆元年知縣何夢瑤捐俸改建

祀典志

治民事神感孚一氣雖小宰猶有社稷務三時以致禮祀於是乎民和而神降之福明德薦馨可不勉乎但赴期會理文墨豈復本志諒哉志祀典

廟

文廟詳學校

崇聖祠原名啓聖宮雍正元年奉

旨追封孔子五世祖木金父公爲肇聖王高祖祈父公爲裕聖王曾祖防叔公爲詒聖王祖伯夏公爲昌聖王父叔梁公爲啟聖王改啓聖宮爲崇聖祠按昭穆位次安設神牌春秋致祭牲牢酒醴籩豆簠簋俱照啟聖王例陳設

關帝廟在縣城東門內萬曆二十七年知縣曾莘建雍正三年奉

旨追封關帝三代皆爲公爵遵

欽定封號置主供奉後殿又一建於教場後今移紫竹菴前一建於奇營一建於大峒

名宦祠隨學遷建無常今在文廟戟門左祀明知縣劉鎮主簿趙探夫知縣謝有立教諭徐謹典史區

昌教諭蔣聰知縣余敦善教諭陳夔知縣張拱樞知縣石希介教諭李時知縣周宗道知縣曾莘知縣張聞性知縣詹子忠知王用霖

國朝知縣劉廣國劉昌言張義遊擊唐鳳把總劉楚鄉賢祠隨學遷建無常今在文廟戟門右祀漢孝子丁密明副使周鼎通判廖仕瞻推官羽尙忠知府梁潔同知羅寧教諭梁文知縣謝崇恩舉人廖標舉人李茂

國朝職法道尚熊徵

孝感祠祀漢孝子丁密有二祠一在密故居元時爲賊焚燬明洪武七年吏部員外郎金文仲重建景泰三年又爲寇燬天順八年知縣陳誥重建後圯

國朝康熙二十年知縣張庚隴重建隔岸有祭田庚隴清釐侵蝕收租奉祀以其羨餘置買祠後地一所雍正十二年鄉紳高輯等請於知縣劉信嘉重建祠宇復創後寢以祀孝子父母其地前抱大溪後枕蝴蝶山樹木葱蒨饒有佳致水旱疾病禱輒應驗一在城北明嘉靖四十二年知縣葉儒建萬曆間知縣曾莘遷建於城東

國朝康熙元年知府黃龍捐瘡日覃興贖錢屬鄉紳嚴李奇貢生高熊徵重建又置守祀田後因當冬田

退原主康熙三十年攝縣朱煦倡修三十一年媼婦鍾氏捐夫陳讓謙所遺上化鄉菜園洞田畝入祠爲祀業呈縣帖給首事黎粹貞嚴訓等掌理收租於孝子生辰日致祭其春秋二祭則用官銀忠孝祠在鄉賢祠右雍正三年知縣劉信嘉奉

旨建祀漢孝子丁密明孝廉李茂明孝廉廖標

節義祠在通濟橋北雍正三年知縣劉信嘉奉

旨建祀節婦梁氏覃氏蘇氏梁氏李氏李氏高氏鄧氏

壇

社稷壇原在城西北厥後遷徙不常萬曆二十九年知縣曾莘遷回舊址崇正十三年知縣盧日就遷於望高營

先農壇祠在城東二里常寧墟後雍正五年知縣劉信嘉奉

旨創建壇高二尺一寸寬二丈伍尺祠宇正房三間左右配房各一間神倉一間藉田四畝九分在壇前

祭器耕具全

山川風雲雷雨城隍壇在城南對岸後遷城東孝感祠右

厲壇在城北

附各祠宇寺觀

文昌宮原在啓聖宮後明知縣盧日就請於督學黃景明全支四年學租創建宮後建書院二座明季圯

國朝初舉人李茂貢生高熊徵等重修康熙四十三年知縣張義因遷學宮移建崇聖祀左邑紳士醮資置有文學戶田塘收租以祀

北帝宮原在故城東北嘉靖二十六年知縣趙禴重建萬曆二十七年知縣曾莘遷于今城振岑樓上後知縣馬斯才遷于學左

火神廟在城隍廟右

雷神廟在城外東北嘉靖四十三年知縣葉儒重建後圯溥梧叅將劉宗漢重修

五顯廟在城外東街

城隍廟在城西與縣治同立嘉靖三十七年知縣劉曉重建

文公祠在大峒福隆圍康熙六年邑人黃應宜等建以祀韓昌黎置有會田春秋收租致祭邑人高熊

徵有記

朱文公祠在金康村邑紳羅印義等建置有孝思會田以濟緩急且以奉祀見藝文

東山廟在城西祀唐衛國公李靖

周公祠在縣衙右祀明知縣周宗道久廢

王公祠在常寧墟祀明知縣王用霖後市人以墟屢火因祀北帝于祠中以厭之

傅公祠在常寧墟關帝廟右祀

國朝撫蠻將軍傅弘烈『岑自

變亂民遭塗炭賴公恢復保障又疏請蠲免岑邑康熙十七十八

兩年饑糧岑民德之故建祠奉祀祠右地一所祠後地一所爲鄰僧所占邑貢生真軾呈縣得復批佃

收租辦祭至今不替高之力也』

劉公祠在城南街祀

國朝知縣劉廣國劉昌言

鄧公祠一在城西二十里安留堡善村知縣曾莘建一在城外通濟橋乾隆四年重修一在常寧墟後

其在各鄉者不可殫述

(93)

寧兆寺在城東一里知縣徐一文以學宮下沙平曠因建寺其上且爲習儀祝釐之地明季圯

國朝康熙間知縣劉洪度修復原有僧海德戶寺田久爲鄉人占沒

紫竹菴在教場前

彌陀菴在常寧墟鄧公廟右

香海菴在百花洲雍正三年知縣劉信嘉倡修

西華菴在奇營

善果寺在大峒秧地村

太平寺在大峒

化夷寺在北科

龍界菴在龍潭久圯雍正十年貢生嚴殿直監生李典鄉人廖祖邠遷建

三官菴前在曇畧村康熙年間監生李典遷建歸義鄉新庄村

白鶴觀在城北創建無考今圯

廣善菴在善村

(94)

學校志

師道立則善人多儒林之官四海淵源所宜傳業流化譽髦斯士以仰副

國家作人德意若乃受業解惑罔措一詞佻達城闕循資濫升鴟啖狼牧並見誚責可勿懼哉志學校
學宮

原在舊縣治東唐武德五年建宋元因之明洪武十二年教諭何進重建成化間燬于賊弘治三年知縣勞雍遷遷今縣治東北隅五年知縣查偉教諭蔣聰董成之正德十六年知縣石希介訓導劉材義遷外城城隍廟西嘉靖八年知縣王誥遷外城北十七年知縣熊垚復遷內城舊基十八年知縣曾廣翰建啓聖宮于聖殿左二十六年知縣趙禴遷啟聖宮于殿右四十年並火署縣張子翼修復萬曆六年五月十七日雷震文廟十年知縣何士瞿遷城外白鶴觀故址在舊縣治東故學基左二十二年知縣徐一文遷城外東一里二十八年知縣曾莘重修三十三年地震圯知縣吳繼禧修復天啟元年知縣詹子忠復遷城內縣治後建正殿一座東西兩廡前戟門左名宦祠右鄉賢祠門前泮池池前櫺星門殿東角敬一亭西角焚帛所學宮左建明倫堂右建啟聖宮又于左建青雲樓以壯形勢崇正十一年知縣盧日就作照牆遷啟聖宮于聖殿後明季兵燹聖殿獨存

國朝順治十五年知縣劉廣國康熙七年知縣劉昌言次第修復二十五年
御書萬世師表額頌懸廟內四十一年

御製訓飭士子文鐫石豎殿前

御製西配贊刻木豎殿內四十六年知縣張義以學宮地基低下爲縣治遷壓詳請遷後數武高培地基照式遷建規模較前更爲軒敞康熙五十九年梧州府軍廳同知黃和中攝縣修明倫堂雍正元年奉

旨改啟聖宮爲崇聖祠三年

御書生民未有額頌懸廟庭四年知縣劉信嘉倡修泮橋櫺星門俱用磚石乾隆三年

御書與天地參扁頌懸殿中知縣何夢瑤修殿廡照牆

學田

田散在各鄉明隆慶五年巡按御史李良臣按縣置買歲徵租課銀十二兩資給生徒肄業燈油膏曆二十八年知縣曾莘查出隱匿糧米四石四斗零歲徵租課銀五兩有奇二十九年巡撫楊公芳巡按錢公夢得學道駱公日昇行縣續置歲徵租課銀二十五兩厥後捐置不一計共田二頃二十三畝四

分三釐零五忽共糧米三十七石零折徵銀七十肆兩零三絲二忽五微六纖內除完糧銀二十五兩尙餘四十九兩以賚生徒膏火吳逆變亂解支兵餉康熙二十二年奉文仍以賑給貧生後奉文起解藩庫向係縣官徵解雍正十三年奉憲檄行學田歸學管理邑紳高若侗王李民等將所有學田坵片繪圖註明四至具呈署縣祁秉衡稱每畝歲租三石二斗有零乾隆元年知縣何夢瑤議詳歸學批佃每畝歲收租穀一百六十斤分六月十月兩次交收所收租穀變價除完糧二十五兩外其學租四十

九兩聽學徑解藩庫遇水旱照例減租或有餘羨留學以爲諸生膏火之費

按岑邑學田原有佃戶承耕不混民田之內緣明季兵燹耕人逃散學田荒蕪縣官屬民間墾承糧管業學田始歸民種歷年既久輾轉售賣移坵換段漸忘其舊民產學田混然莫別矣然授受悉稱學田承田輸糧無可諉也邑紳高若侗等所開學田坵片或非其舊要亦以田易田無足異者慮異日奸人或藉口逋抗書此以息其喙

學地

卽廢學宮地在城東寧兆寺左康熙四十年知縣張庚曜倡諸生爲園圃批佃取租以給鄉試生員路費儒學唐任藩等爭收邑紳鍾朝朗等白縣得復

學舖

在縣後廢倉舊址萬曆二十八年知縣曾莘建學舖二十五間歲收租作燈油今久廢

義學

乾隆三年奉

旨設猺獞義學三處一在大滙一在水汶墟一在南渡埠歲各支延師束脩銀一十二兩赴藩庫領給

雍正十二年知縣李旭捐建義學一座三間在縣治照牆右

社學

一在城東關帝廟旁萬曆二十八年知縣曾莘建一在城北「名登龍」一在下化鄉義洞村「名輔仁」一在中鄉河口村「名凌雲」一在四鄉龍塘堡「名升階」一在歸義鄉「名歸義」一在連城鄉「名永平」創建無考今並廢

兵防志

岑巖邑也。獠獠之患始於明代。連營戍守。師老餉糜。禍亂不戢。

國朝文治。誕敷虎賁。脫劍而苗蠻來格。

德化之隆。復乎尙哉。安不忘危。前車可鑒。司兵者所宜知也。志兵防。

官兵

明

設所軍

按舊志。岑居萬山中。昔所患者。獠寇耳。明初始設烏峽義平二巡司。共弓兵一百名。烏峽七十義平三十。防禦城鄉。後因獠洞多。衆弓兵稀少。景泰間。乃召潯南五屯。獠來岑。入連永二鄉。詳下獠屯。伴民耕種。不料獠子野心。初以獠而禦。獠繼反。構獠以生患。幸岑密邇。梧城開府。撥所軍一百守城。而烽燧時舉。乃分軍爲二。於羅平立堡。堵上七山。蒼梧。獠路于雞頭山立堡。堵下七山。藤縣。獠路嘉靖間。又易軍以打手云。

設望高等營

舊志嘉靖間。易軍以打手。又設六黑營。以援羅平。設關塘營于佛子。以援雞頭。設崩塘營于烏峽之北。以援磨刀。在藤縣義昌界。設望高營于城北守城。又設招排營于永業鄉。以援腰鵝。在蒼梧長行鄉界上。嘉靖三十一年。討上七山。設銅鼓營于羅平北岸。堵獠南。迨末年。賊逾猖獗。益兵不已。兵數未詳。乃於額內抽兵。設爲獨州羊寨石仁石狗天堂界排軍。帽上水葛石水埔石壁麻地瀧頭。通計二十四營。尙五營未詳。何名。豈卽下文將軍赤黎冲天大王獨山五營歟。碁布四境。勢力弱。愈召寇侮。東料浪賊攻陷思孟羅平二村。始併營爲六。曰天堂將軍赤黎冲天大王獨山。箭於嶺巔。內瞰。獠窟外。捍民居。領以縣官提調。屬之世冑。時百戶周勳提調蒼藤岑三縣兵。

設黃赤等營

舊志萬曆四年。討羅旁寇。連城叛。獠潘積善乞降。乃設官兵一千二百名。領以潯梧。參將駐防岑溪。分爲黃赤二營。赤營箭城東。舊致塲黃營。箭城南。隔岸又增設根子營。於根子嶺。其從前所設諸營。堡止留天堂望高。餘俱廢撤。

設大峒營設北科鎮

舊志萬曆六年。赤營造變孔亮。曼平諸獠。蜂起劫掠。參將張公榜目擊痛憤。約兵巡道侯公國治。分藩

陳公失其名請剿疏入不報乃籌守禦之策以連城據賊心腹建議駐將大峒報可屬榜關道至馬嶺棺材峽伏發兵敗榜微服潛免萬曆八年署叅將周勳默窺險要改由赤黎關道連營相望以至大峒築城周一百六十丈中建叅將府領中軍官一員右營掌哨把總一員官兵四百有奇萬曆九年又於北科峒設鎮駐重兵六百名領以坐鎮官一員搖蠻懾服無警報者數年既而孔亮殘醜又漸出格殺追兵當事誘而戮之「萬曆間廣東把總羅超賢申通搖蠻趙宗太等爲亂射死北科峒耕兵喇目章定捉搖解院誅之於是諸搖恐恨共謀爲亂」搖黨唐宗長宗恩趙尙厥尙降上七山渠魁趙文等遂遠糾粵東浪賊及連城叛獍合三千人稱亂首陷乾廂次及大良而大峒諸兵空壁北援寇乘虛覆鎮燬府時萬曆二十四年事也「詳大事志」亂平罰連城獍首潘積善修復叅將府厥後叅將罕來坐鎮屬把總一員掌領未幾官與兵俱廢而北科鎮官兵尋亦奉檄移鎮縣城後把總一員領兵四百護衛城池改名望高營尋亦廢惟存北科峒狼兵而已

設奇營

舊志二十四年搖亂平後別設善後客兵六百名曰奇兵屯縣西郊「卽舊縣治地」領以把總一員今廢

按舊省志載明代岑溪北科鎮兵七百七十一名將軍營兵三十名天堂營兵四十名坡色營兵七十名赤黎營兵六十名望高營兵五十名牛兒營兵三十名山心營兵一百名河叉營兵六十名甘桐營兵三十名根子營兵三十名獨山營兵三十名馬山營兵二十名香爐營兵二十名燈盞營兵十八名野芋營兵十四名容埔營兵二十七名「自將軍營至此共計兵七百一十名而新省志不載另載右營兵七百零三名兵數大同小異但未詳何標無從考正」與縣志不符「縣志北科鎮兵六百此七百七十一縣志奇營兵六百此將軍諸營共兵七百一十又縣志古蹟廢脚營十四內有曇平盃握二營而無牛兒馬山香爐燈盞野芋容埔且云每營兵十名種種互異竊意將軍等營卽奇營之分省志載兵額縣志舉實數故異歟又省志不言大崗緣爾時大峒已廢撤故不復追書歟」竊以縣乘源委頗詳當非無據故仍其舊以俟考訂

又按舊縣志各營兵皆食廣東南雄府橋協濟餉銀云

國朝

梧州協分防守城兵三十九名

領以標協左營把總一員駐城內內抽六名分守風雷腰鵝黃陵鐵根竹蘭鄧田六隘存城實三十

三名

梧州協分防大湓汛兵十名

領以梧協左營外委把總一員駐大湓汛

按舊志云順治八年馬雄畧定岑溪後有隨征官馬驥年世襲曹澍尹陳懋功領名五十名相繼防守後馬鎮柳州兵皆撤去始用北科狼兵二十名守城至康熙七年以潯州貴縣妖寇之亂奉文各縣增兵分防岑始設城守官一員初領官兵五十名後增五十名共一百名北科狼兵二十名協同啓閉其四境隘口即在額兵內抽撥更番防守地方賴以安堵今仍之云云此說可疑蓋舊縣志與舊省志同時並修「皆康熙二十二年修」而舊省志載岑分防城守兵二十四名無百名也如二十四名爲裁存則今仍之三字殊不可解矣

民兵

明

守城民款七十八名「宣德五年以伍籍空虛用民兵編保甲有民款土丁民壯之名鞍馬器械官給之而免其丁役」

民壯五十名

國朝

民壯五十名「奉撥本府軍廳同知五名本府通判十七名古零通判一名實存縣民壯二十七名」

獠兵

明

連城鄉獠屯兵 永業鄉獠屯兵 白梅三甲獠屯「曰白梅甲大旺甲龍王甲並屬永業鄉分

山」舊志云明景泰八年因猺亂乃召潯南五屯等獠來岑入連永二鄉伴民耕種而貢生嚴殿直則云明成化元年廣蠻侯大狗叛指揮使黃仲政東都御史韓雍令帶領武靖土官黎益覃材鎮率狼兵數千入岑寇平其所領獠兵韓命安插連永等處當時稱爲狼兵其實獠也有泚若水所撰叙功碑可考連獠屬潘姓管領「舊志順治間陳選張隆作亂鄉人鄧起鵬平之遂以鄧潘同領」永獠大新良諫二堡屬謝姓管領會竹石塘二堡屬韋姓管領白梅三甲屬覃姓管領二說不同意諸獠先後來岑固不一矣考明紀英宗復辟改景泰八年爲大順元年舊志景泰八年誤

狼兵

北科峒狼兵

萬歷八年築大峒城設北科鎮嚴北科田三千六百餘畝招 目章月統耕兵三百名分十四營『日里漢曰孔亮曰上羅應曰下羅應曰桑園曰南蛇曰客村曰平田曰黃沙曰中坡曰逍遙曰魚汕曰白竹』屯耕把守萬歷二十四年猺亂殺月及頭目韓安謝德周俸等男婦三百餘人田產拋荒『詳大事記』時調漢土兵合剿有田州狼目徐勝者奉調帶領所部藥弩狼兵到峒隨征著有勞績兵部給與指揮職銜授廣東崖州守備

大事志

國之大事在祀與戎春秋征伐必書所以申天討昭王法遏寇虐禁暴亂也竊取其義以補邑乘之缺不亦可乎作大事志

明正德七年夏六月盜掠岑溪

青賊李通竇寇鬱林北流陸川岑溪各州縣知府曹踞參將李鏗調容縣千戶所覃德王捕之軒通竇于洞心山『學海通志』

嘉靖卅年七山猺寇叛師討平之

按學海通志云嘉靖初七山猺賊唐宗欽等煽亂都御史陶諧集官兵討平之時居民多爲猺耳目者師出無功賊滋益橫三十一年都御史應檀遣參將王龍朱昇征之擒斬二百餘人籍其田廬『參學海志紫溪集』

卅二年猺寇復叛師討平之

按學海通志云猺酋盤宗昌叛分守鄭綱討平之『紫溪集云』都御史應檀密部署諸卒假以征西爲名潛入七山賊棄巢奔師用之賊多殪死遂全師返諸酋自是少戢二說未知孰是

萬歷六年春三月叛賊潘積善降

萬歷三年潘積善自稱平天王積善連城鄉徂日酋也岑溪之東北曰上七山七山下有平田黎峒白板等三十七山巢東南曰六十三山有孔亮陀田桑園古攬等百餘巢悉搖蠻盤踞與粵東羅旁寇相聯絡宏治嘉靖間數征不克賊謂官有萬兵我有萬山兵來我去兵去我還以故益肆鴟張總督凌雲翼發兩粵勁卒十餘萬盡平羅旁地且移師臨岑溪積善計窮自縛赴軍門乞降願殺賊贖罪又旋降旋叛大兵進勦積善自願歸田輸賦得比編戶納器甲數日雲翼令岑溪知縣葉詩馳積善所覈其田皆實許之使爲總目約束地方積善假此生殺予奪自由

七月營目陳進等倡亂尋伏誅

羅旁既平因設官兵一千二百名駐岑以潯梧參將王德懋領之分黃赤二營赤營筍城東舊較場黃營筍城南隔岸武夫驕悍與縣官抗衡教諭謝講素嗜酒日與酣飲陰挑縣官一日德懋他適赤營把總張之賢兵擄縣吏鷄被執之賢忿乘醉叫撞縣門講翼助之知縣葉詩以求狀聞院道下其事于郡適之賢已逮去有百戶王廷棟者持知府李橡檄捕賢黨其副總陳進素與廷棟不相下遂率哨官呂子和等歃血舉兵叛掠公帑民舍一空殺詩僕及門子曹文選沿掠至容縣比抵貴縣爲容兵夫蹶追斬馘三十餘人生縛六七十人鶴懸聞變馳歸詣賊所招之被脅留逾旬督撫馳檄曉諭進始挾德轉

興業鬱林屯馳容縣西門稍稍聽撫凡四閱月始移筍綠雲德懋計縛進等九人械送軍門梟示懋竟以是論罷橡亦坐謫詩坐免「舊志」

十五年營兵梁一貴等倡亂尋伏誅

赤營之變羣盜蜂起乃議于大峒築城建參將府駐重兵彈壓萬曆十五平參將吳紳素尙刑威裨卒輒索癡笞逐易以私人致衆恚怒一日偶撻哨官梁鳳鳳疑其易已故抗紳紳怒加撻之鳳黨梁一貴黃球胡一倫楊明蒙惠等擁衆排撻入斬刑具奪鳳出鳳既出復入凌轢紳伏地求免事聞督府檄諭始解散尋屬兵巡僉事來經濟擒鳳貴六人戮于市紳亦坐調「舊志」

二十四年七山搖寇亂師討平之

二十三年冬大稜粵東浪賊數百潛入七山翼諸搖掠劫時諸搖有所與讎者曰乾廂村撞浪賊曰請爲若復仇乃先以數人僞作材官持官文書往投參將府者薄暮假宿乾廂諸獍弗疑且飲食之夜半諸浪賊四起內外夾攻盡殺撞人屠其村而去次及大良大峒諸兵空壁北援賊乘虛燬府殺北科鎮撞目韋月欲窺城遂攻謝村總督陳大科檄調漢土兵凡萬八千人以總兵童元鎮侯國弼參將吳廣李鳳守備黃鍾等分道進剿賊伐大木塞路環布箠簽諸將伴督役開道而陰從間道登孔亮山賊據高

悉力拒弩矢迅發官兵將前而却參將吳廣斬一卒以徇諸兵大奮火銃齊發賊扶傷走諸將分兵追襲所至披靡初賊謂六十三山王師所不加不虞今日之涉其地也遂大潰窮追至車灘溺死無算斬首一千一百三級俘獲四百有奇撫其餘黨八百餘人乃班師還「省志」

國朝順治三年冬十二月廣東總督佟養甲提督李成棟率師下廣州明總督丁魁楚走岑溪尋遁

順治十三年十一月明臣丁魁楚瞿式耜等立其主朱由榔於肇慶十二月我師入廣州由榔奔桂林魁楚因土鎮徐海徐泓入岑北科爲避地計會連城土寇吳洪糾黨數千將攻城時岑三營官兵尙存魁楚又檄陽電兵求援順治四年正月二十九日接戰於葛石坡吳寇旣敗魁楚念岑不可居謀上潯二月軍門佟養甲李成棟遣部將楊姓者率兵入岑魁楚踉蹌奔遁

順治四年夏六月盜入岑溪

土寇杜鳳劉國泰自容入岑自是數年皆爲土寇竊據「按舊志有云三月知縣錢公夢蘭來任六月土寇入岑藉號恢復錢公遂遇害又云順治四年大兵開岑時有歸善縣舉人錢夢蘭奉委署岑單騎蒞任云云以錢爲國朝官而省志列爲明崇正間任未知孰是識此以俟考」

順治八年春二月總兵馬蛟麟畧定岑溪

順治五年李成棟挾佟養甲叛降朱由榔梧屬俱陷岑久爲土寇竊據八年正月定南王孔有德師復梧州以總兵馬蛟麟鎮守二月蛟麟遣子雄畧定岑溪知縣瞿鶴齡來任

順治九年群盜踞岑溪十四年知縣劉廣國平之土寇張隆稱寧西軍門據連城陳選稱武衛軍門據西南鄉宋國相稱總兵據永業城墟無人縣令寄居謝村十年隆黨莫廷陞圍謝村不克乃遁去十四年知縣劉廣國以次剪除諸寇隆等皆授首乃招流亡闢荒蕪哀鴻甫集

康熙八年容縣妖賊寇岑溪尋獲斬之

容縣妖人馮四彭奇倡亂攻破容城掠及岑境知縣劉昌言城守徐國才禦之典史蔡鵬射隕其旗國才挺身驟擊遂披靡去邑諸生羅天業因李勝高爲內應擒奇四械府斬之餘黨解散

十三年春二月廣西安遠將軍孫延齡叛襲梧州岑城失守貢生高熊徵擊斬其僞總兵陳士龍遂復岑溪

康熙十二年平西親王吳三桂反僭稱帝僞國號周廣西安遠將軍孫延齡誘殺都統王永年等叛應吳逆梧州都司王邦相知府楊彥溶潛通欵延齡六月僞總兵縉成德襲梧州邦相以城降藤縣土寇吳鳳乘亂襲破岑城奪縣印僞總兵陳士龍承僞檄駐縣城脅縣令孫士恂示諭士民助餉給筭募兵

無賴者盡附之副榜貢生高熊徵誓衆拒逆有領筭者共誅之復糾鄉兵擊斬士龍於孝子祠後餘黨遁附義昌土寇林萬勝事聞總督金光祖遣遊擊唐鳳守備管輝領兵三百來防岑差官運餉經義昌爲萬勝劫奪熊徵復率鄉兵從官兵合攻萬勝斬之十四年二月僞帥孫雲客與吳鳳收萬勝餘黨合萬人攻藤縣二十五都殺練總唐琛聲大震將窺岑鳳熊徵復擊破之斬雲客首祭琛

秋七月僞監軍道周邁元僞總兵王邦相寇岑溪師擊敗之

賊自容縣來攻官兵敗之於波里斬邦相長子邦相沮喪遁回容縣

康熙十五年冬十二月賊陷岑溪大掠十六年羅定副將唐鳳率師復岑溪正月僞將軍董重民馬雄等據高州總督金光祖赴援戰於儒洞敗績高廉羅地盡失廣東亦叛附近僞監軍道周邁元僞總兵張弘據容縣王邦相郭義分據藤羅環向襲岑時唐鳳已擢羅定副將調守封川十二月邁元等遂入岑溪大肆劫掠十六年廣東歸正金光祖復爲總督撫蠻滅寇將軍傅弘烈師至梧州僞知府蓋鴻僞總兵王邦相棄城遁橋斷溺死唐鳳復恢岑溪容縣大破僞兵周邁元僅以身免詣傅將軍營降

康熙十八年賊復踞岑溪梧州都司管輝擊走之獲僞知縣曾浩

十七年王師西討圍平樂久不下十八年正月僞大將軍吳世琮援平樂襲我諸營皆破東趨梧鬱世琮三戰皆捷梧州土寇復充斥僞令曾浩連城土寇曾琦入踞岑城世琮聞湖南歸正將軍賴塔師至桂林遂遁梧州都司管輝率師入岑械浩去琦遁逸

三十五年盜入岑溪連城鄉肆掠容縣巡檢俞綸追捕至岑被害

容縣賊楊彪潛入連城鄉青墨山肆行劫掠山卽僞總兵陳選故巢南連信宜西北跨蒼梧容縣深箐遂谷搜捕爲難自康熙三十五年起剿掠無虛日西南連城三鄉被害最甚三十六年劫容縣波里大洞巡檢俞綸追捕至岑溪六告山伏發遇害岑人哀之爲立祠彪勢益張

三十七年春正月盜寇岑溪官兵與戰敗績

三十六年冬西寧縣南山貉酋盤英糾合流匪稱將軍肆掠及于岑邑梧協便委千總楊仕輝在岑率兵僅二十餘名往禦衆寡不敵管隊下徵被殺仕輝幾死總督石琳巡撫王起元檄梧鬱羅三營協剿之五月賊平

四十二年連城寇平

楊彪之亂康熙四十年知縣張庚曜來蒞岑且撫且剿賊負嵎拒戰越二載乃獲彪枷斃之餘黨解散

至今士民安堵張之功也

五十七年春二月朔盜劫岑溪嬰村把總劉楚死之

事詳名宦志

名宦志

教養之責克盡實難名詎易致而去思遺愛且祀桐鄉蓋必有功施於民捍災禦患以食此報也若乃
違道千譽玷我豆登君子耻之死者可作將誰與歸志名宦

明

劉鎮浙江人洪武三年任知縣先是民苦虐政流離失所鎮政尙寬大懷柔綏輯教養兼施始作城池
明初賢令名宦首祀焉

趙探夫蘇州人洪武七年任主簿廉慎勤敏撫戢流離經營城務百姓思之祀名宦

謝有立江西舉人永樂十一年任知縣存心公恕吏畏民懷在任九年始終如一秩滿邑人不忍釋保
陞本府通判祀名宦

徐謹吳縣人宣德間任教諭啓迪有方講課不倦卒於官多士哀思之祀名宦

區昌新會人景泰間任典史清慎勤敏時猺寇猖獗地方殘破昌徒跣詣潯南召士踵入連永二鄉屯
耕爲邑保障民甚德之祀名宦

蔣聰東莞人舉人弘治六年任教諭老成慎重勤於啟迪而無計功謀利之心後人思之祀名宦

余敦善靖安人弘治七年任知縣治官如家改陽城爲陰城役民而民忘其勞卒於官祀名宦

陳夔番禺人弘治十五年任教諭廉介嚴勤克稱師儒之任去後弟子思之祀名宦

張拱樞興國人監生正德十三年任知縣寬以蒞民嚴以待下囹圄空虛廳事肅然去後民懷之祀名
宦

石希介成都人監生正德十四年任知縣性慈惠勞心撫字築外城以奠民居嘗欲鑿瀧水以通舟楫
因改任未果百姓思之祀名宦

李時晉安人嘉靖三十七年任教諭莊敬嚴毅不可干以私愛士如子勤於啟迪卒於官士民思之祀
名宦

周宗道廣東澄海人恩貢萬曆十三年任知縣重士愛民多善政當猺賊新平留心安撫減額徵置官
驛建學宮祠丁孝子民夷向風卒於官祀名宦

曾莘六合人萬曆二十五年任知縣勤政愛民興文重士百廢具舉城池學校祠廟皆莘修創勞績最著及去任士民思之祀名宦

張聞性萬曆三十七年任知縣甫下車即詢民疾苦痛革里役諸弊民困得甦祀名宦

詹子忠蒲田人萬曆四十八年任知縣愛民重士遷學回城士民懷之祀名宦

王用霖南康人天啟四年任知縣有惠政士民建祠於常寧墟祀之又崇祀名宦

國朝

劉廣國字寶生湖廣潛江人己丑進士順治十四年任知縣時地方屢遭土寇殘害頻年不耕民採蕨根克食多餓死者劉至次第剪除諸寇買米以賑饑民給牛種俾墾荒田闔邑熟糧不滿五百石而逋者皆鳩形鵠面惻然曰吾何忍復以催科累此窮黎遣家人歸取數百金代償之興起學校士子應考悉給卷資路費陞廣東清吏司主事士民懷之祀名宦

劉昌言字禹度江南山陽人己亥進士康熙七年任知縣寬恕愛民催科有法作四單輸糧吏胥不得爲奸革重耗免雜派禁服毒息訟寧人擒容縣妖賊彭奇馮四捐俸重修文廟陞宛平京尹未赴卒於官民懷之祀名宦

唐鳳字羽雲廣東潮陽人賀縣守備康熙十三年孫延齡附吳逆叛岑溪失守鳳詣督府陳破賊方畧督府令以援剿遊擊鎮岑時僞檄紛馳土鎮蠶起鳳軍法嚴明出奇制勝破斬其僞總兵林萬勝孫雲客於藤縣義昌鄉敗其僞總兵王邦相張弘等於容縣坡里民賴以安鳳素得士心且平易近人鄉民寒見者與之酒食衣服訊所在形勢故敵情每先知之所向輒勝摧羅定副將調守封川而岑溪復陷鳳率兵恢復士民思之祀名宦

張義雲南呈貢人丁卯舉人康熙四十三年任知縣捐俸遷建學宮詮釋

聖諭十六條詣鄉集士民親爲宣講操守廉介處事明決革排門月夫諸陋規以除民累有告訴者即日剖斷勿令伺於縣門故貧民之冤易白而訟師不能逞其奸自奉止一飯一蔬衣履非極敝不易卒於官邑人醴賞歸襯祀名宦

劉楚河南人以行伍補梧協陸路把總善騎射抗慨有智畧防守岑溪二十餘年康熙戊戌二月朔賊劫嬰柯楚憤恨盡出城內兵得六人令以兵少止之楚曰嬰村去城不二里白日強劫目中豈尙有官乎我誓不與賊俱生矣遂毅然往賊列陣村外百總劉得勝挺槍直前賊穢之楚吼怒矢連發不中一賊飛鎗墜楚奪鎗賊仆跌田下楚方欲馳刃一賊從旁刺楚楚墜馬被殺隨丁聶義至急發銳擊殺楚

者不中舉鏡培賊又不中復遇害義子甫十齡擲土塊擊賊賊逐之或曳之走乃號泣去越五日副將劉沛追至連城殺賊五得賊魁快子筒首祭楚祀名宦人物志

君子不誣十邑岑雖編小獨無人才哉何必甘羅丁蘭借材異地也然或孤芳高躅見訾流俗割股敝車邀譽鄉曲傳與不傳之故亦難言矣夫能好能惡仁人之事也彰善樹風有司之責也公是公非請以俟尙論者志人物

鄉賢

漢丁密字靖公歸義鄉人性澆介非自耕粟不食非自織布不衣毫髮不苟受於人事親備孝養之禮遭父喪廬墓三年有雙鳧飛集墓旁小池見人馴伏後喪母復廬墓三年雙鳧復至南齊時范雲爲刺史遣使祭密及頓琦墓

按舊志沿誤作丁蘭歸義鄉有丁蘭村丁蘭山邑人高熊徵謂密之孝或以方蘭故村因之得名廣輿記丁郎山註云孝子丁密故居在其下郎蘭音近或讀誤未可知也其說甚疑又知縣孫士恂有丁孝子辯見藝文

再按舊志人物列甘羅豈以永業鄉有甘羅墳而附會之歟史稱羅祖甘茂起下蔡閭閻下蔡去岑遠甚羅非岑產無足辯也

元

熊天錫歸義鄉人博學多才文譽藉甚當宋淳寶時賈似道秉政天錫唱然曰非士君子行道之秋也乃放浪山水以詩酒自樂迨至元時始出應試一舉登進士第仕有政聲

周鼎歸義鄉人永樂辛卯舉人任南京大理評事轉北京評事兩任刑官多所平反民以不冤官至山東副使祀鄉賢

廖仕能字國卿西鄉人永樂庚子舉人知宣城縣遠議佞革吏弊修塘堰簡詞訟政令不擾一境以安陞吉安通判宜人恩之不忘祀鄉賢

梁潔西鄉人宣德乙卯舉人初任普安州知州交寇不庭委守沅江有功陞雲南府同知時沔甸諸夷寇邊征討兵集潔督糧運籌論功陞本府知府潔器局凝重才識精敏旣擢守益多善政祀鄉賢羽尙忠歸義鄉人宣德間歲貢任漢中府推官補任潮州府推官明慎用刑獄無冤滯祀鄉賢

羅寧西鄉人宣德間歲貢任交趾義寧州同和廉慎有爲民夷懷服祀鄉賢

梁文西鄉人弘治間歲貢居鄉孝友以道自重見人卽教以孝弟司鐸蜀黔刊孝經小學諸書口授諸生緘遺鄉黨未嘗斯須忘梓里也故鄉人皆愛慕祀鄉賢

謝崇恩西鄉人正德間歲貢署徐聞縣知縣有善政祀鄉賢

李茂字天毓上化鄉人崇正己卯舉人居家孝友積學能文恬退不任尤喜吟詠纂輯邑志以遺後人康熙十三年滇逆變亂梧州失守茂鼓勵鄉兵保障梓里民賴以安後逆踞岑茂不肯從被執憤恨而死邑人崇祀鄉賢

廖標字君如中西鄉人崇正壬午舉人有孝行居憂三年不茹葷酒邑苦兵荒饑欲死標力請於官併捐粟作粥以賑得活者甚衆時鬱北遭兵被難者輒徒食其家有陸川庠生龐姓者女年十六有姿色被掠至岑龐往贖不許標託以無嗣求置媵許之旣贖標令龐女與已女同寢復備資遣人送還其父其陰德類如此後爲土鎮宋國相所害邑人惜之祀鄉賢

國朝

高熊徵字渭南歸義鄉人順治庚子副榜康熙十三年吳逆搆亂孫延齡據廣西遠近震動僞總兵陳

士龍據岑溪熊徵與邑紳士鼓勵鄉勇斬士龍復岑溪奉調從征擒其僞將所至有功十七年春大將軍傅弘烈恢復梧州署熊徵團練同知十八年補桂林府教授旋調思明興學勸士兩地文風爲之不變三十九年陞井陘知縣會廣西巡撫彭鵬至知熊徵守城破賊事特疏薦之遂超擢兩浙鹽運使在官多惠政四十五年卒所著有逞雪齋前後集諸書崇祀鄉賢

張爾修字遠塵歸義鄉人父志以軍功得世襲指揮僉事修天性至孝父早卒以力養母折節讀書遂棄其應襲號紙與蒼梧舉人趙鈿曾士揚本邑舉人廖標李茂相友善康熙十三年吳三桂叛僞鎮峰起修婿高熊徵屢以鄉兵破賊賊恨之岑城陷修絕粒死

鍾祖錫字爾蕃歸義鄉人雍正癸卯舉人善屬文通經術常以修辭立誠訓後學性孝友問寢視膳必躬必親父年八十餘患痢祖錫扶持便溺衣不解帶者旬日醫一不驗輒呼天痛哭訓子嚴而有方諸堂弟姪悉令就其家塾飲食教誨與己子同足跡不履公庭和睦鄉里矧恤貧乏人咸稱之乾隆四年請祀鄉賢

列女

明

李氏名妙容年二十適舉人羅章章赴南宮卒於途李哀慟濱死姑鬻事之曲謹里人嚴定求伉儷李大恚悲服毒幾死力救而免知縣陳琦聞而賢之賑以粟帛
嚴氏嘉靖間廩生梁觀政妻生二子嚴年二十八夫卒號慟殞絕救之得甦復引繩自縊姑慰之曰吾子已亡老婦恃以生者若也若苟死老婦不足惜二孤難撫奈宗祀何慰之再三始勉從家甚貧日親井日夜勤紡績教二子讀書時太學生鍾姓者將入選求爲繼室使人餽之嚴叱之曰爾以死迫我耶人見其志確不可犯乃止卒以苦節終巡按涂宗濬旌異之
鄧氏乃節婦嚴氏仲子梁葵妻也年二十四夫卒誓不再醮苦節自甘或求爲匹斥不從年踰六十巡按涂宗濬賚以米布匾其門曰節雙門

國朝

覃氏慶遠人年二十歸郡人高紳爲次室從宦信宜避亂岑溪紳夫妻相繼卒遺孤長甫十二次六歲覃時年二十八茹荼守節教二子長熊徵庚子副榜官至兩浙鹽法道覃年六十三卒鄉里稱其堅貞
高氏名榮娘歸義鄉謝村人兩浙鹽法道高熊徵女適同里李蕃春年二十二蕃春卒無子生一女守志不二惡衣粗食老無怨悔雍正三年奉

旨建坊旌表

蘇氏名妹赤下化羅末人年二十適庠生羅二酉二酉故寒士勵志於學氏以紡績佐膏火越四年二酉卒無子氏茹荼集蓼孝事舅姑生死無間家貧衣食於十指自夫歿後雖菜羹蔬食每且必携至墓祭而哭哭而歸鄉人感之咸敦伉儷晚年依其姪孫甘澍歿時六十有八雍正三年奉

旨建坊旌表

李氏名菊容上化思勞人年十八適廖言恒恒貧篤於學赴童試卒於郡氏年二十四止生二女聞訃絕而復甦米漿不入口者三日親往扶柩歸里營葬有陳茂才求伉儷氏怒曰吾惟有一死耳豈事二夫耶陳敬其節乃止撫育二女及長適人氏形單影隻紡績自給艱辛五十餘年毫無怨悔老年不能自膳倚其弟斐春雍正七年奉

旨建坊旌表歿年八十有四祀節婦祠

鍾氏名先姐歸義羅許人邑生員鍾鼎女適同里李章章父先卒越數月而章亦亡氏年二十四止生一子甫三歲且罹痼疾氏痛哭欲死者數四或慰之曰若家僅一幼叔若死誰事孀姑誰撫疾子氏始勉從營葬二棺延醫療子數年乃瘳事孀姑以孝聞每遇舅夫生辰日哀泣聲徹隣里乾隆四年詳

請旌表

張氏名辛姑歸義石坡人張瓊女適丁郎村周尙顯顯卒氏年二十五矢志堅貞誓不再醮家故貧乏氏紡績以佐翁姑甘旨生事死葬一一如禮育四女貧益甚暮年不能自給倚次婿高煥然茹柏飲冰數十年如一日乾隆四年詳請旌表

廖氏名壽娘孝廉廖標女庠生李秀春妻也年二十八夫卒無子止生一女氏堅貞自矢守節不二痛夫絕嗣朝夕悲泣以夫姪先榮爲後殷勤撫育視如己出將婚娶而先榮亦卒氏焚燬子立艱苦備嘗毫無怨咨年七十九而終

唐氏名三姐南鄉旺村人唐啓裕女年十七適同里歲貢生陳克寬爲側室與嫡莫氏各生一子越數年寬卒唐年二十三痛哭幾死者數立志堅貞誓不再適未幾嫡子亦死唐子尙幼教之讀書家素貧唐日耕夜績佐子膏火茹荼如飴至老毫無怨悔隣里咸稱之

仙釋

鄧清字子真正統間羽士也其先荊州人宦梧卒於官清父遷岑邑逍遙村清習瑜珈教法行精虔符咒靈驗一日雷神擊物遇穢墮地清爲咒水洒淨雷神飛昇自是道術益進復慕善村山巖多勝遷居

其下常聚仙於峰頂羽化後鄉人爲祠尸祝凡水旱疾疫禱輒應其子明亦有道行

流寓

葛洪字稚川勾漏令也常與往來弈碁於城東巖內人因名其巖曰葛仙巖

譚仕瀛字四我南海人康熙間僑寓歸義謝村喜山水嘗遊秋風巖得白象之勝入居之巖故多虎人咸畏懼仕瀛竟與周旋鮮有所害在巖採木實以食或十餘日不入村市人傳以爲奇(省志)選舉志

十步之內有芳草茅茹之慶何地無之必何如乃不愧科名循覽方冊而曰某也經明行修某也志在溫飽亦奮勉愧厲之資也志選舉進士

元

熊天錫

至元中進士
見人物

明

熊天瑞

年次無考縣
志無省志有

洪武辛亥科吳伯宗榜

二〇八	二〇八	二〇七	二〇七	二〇七	二〇四	一九二	一八八	一八七	一八六	一八五	一八三	一八三
一三	四	一〇	三	二	九	五	九	五	八	一	九	四
六	二六	三三	八七	二四	三一	二	一	一四	一四	五	二八	二三一
育			冬里		距	後	許	泗	籍	溺	餓	之
育	未	泓	里冬		趾	號	詩	泗	籍	弱	饑	三
				涵冬字								
	二〇八	二〇七	二〇七	二〇六	二〇三	一九〇	一八七	一八七	一八六	一八四	一八三	一八三
	一二	一三	四	九	一二	四	一二	一	五	二	五	五
	七字下	七字下	三六字下	一九	一八	一五	一七	一九	二五	三八	一七	一七
				生	連	粉	稟	籍	朽	籍	積	
				信嘉	錄	粉	涼	籍	朽	籍		應刪
	涵面字	涵學字	涵里字									

入 再者地輿志津梁類破口橋大津橋根子橋各附註重修姓名及藝文志久體詩最後題丁存子墓詩二首原本所為因所借舊志抄記於此故付印時併誤

鍾賢 歸義鄉人官至副使今屋基墳墓俱在羅平村

洪武辛未科許觀榜

梁儀 永業鄉人

舉人

明

永樂乙酉科

李華 任瓊州府學訓導

永樂辛卯科

董學

李傑 任太倉衛經歷

永樂庚子科

鍾溥 任澄邁縣教諭

周鼎 見人物志

岑奇 任金吾衛經歷

明

永樂乙酉科

李華 任瓊州府學訓導

鍾溥 任澄邁縣教諭

永樂辛卯科

周鼎 見人物志

岑奇 任金吾衛經歷

永樂庚子科

廖仕能 見人物志

永樂癸卯科

林靖 任衡陽縣知縣

梁恕

宣德乙卯科

梁潔 見人物志

正統戊午科

盧用

正統辛酉科

李盛

景泰丙子科

梁繼宗

梁簡 任大邑縣訓導

劉相 任南京監察御史

劉相 任南京監察御史

李珍

天順壬午科

羅章

成化癸卯科

羅縉

任安遠
縣教諭

崇正己卯科

李茂

見人
物志

崇正壬午科

廖標

見人
物志

國朝

康熙壬子科

沈茂才

解元

康熙甲子科

關正運

第五名經魁

康熙庚午科

關為寅

康熙壬午科

關為侃

康熙乙酉科

關為寧

康熙甲午科

高若柔

任象州學正

康熙庚子科

鍾朝朗

雍正癸卯 恩科

鍾祖錫

見人物志

雍正甲寅科

吳賓選

貢生

明

李真

任戶部主事

甘元真

任雷州府同知

李澤

宣德元年選貢 陞交州知州

梁庸

任捷勝所吏目

羅寧

見人物志

梁觀志

任直隸祈州判官

覃進

謝斌

古田縣主簿 並正統間貢

梁景福

陳賢

梁剛

李雄

黎傑

任江東所吏目 並天順間貢

甘景

梁全

福建鹽運司經歷 並宣德間貢

黎賀

任沙縣丞

李定

蕭九成

任全州吏目

李應

甘清

任惠州檢校 並景泰間貢

林浩

陳康

任青瀾所吏目

梁高

任潮州府照磨

徐觀

交趾靖安府同知 並洪武間貢

李本立

永新縣知縣 並永樂間貢

羽尙忠

見人物志

覃璉 任廣信
 黎澄 任新會
 廖全 任東莞
 李本 任龍溪
 周孔 任和州
 李瓊 任博羅
 梁茂 任博羅
 廖章 任博羅
 鍾政 任揭陽
 梁文 見人物志

嚴定 任魯府
 陳書 任魯府
 謝榮 任魯府
 李金 任魯府
 蘇源 任魯府
 莫魯 任魯府
 吳聰 任魯府
 李鼎 任魯府
 莫賢 任魯府
 謝廷倫 任忠州

梁棟 任德慶
 唐京 任德慶
 鄧壽 任德慶
 梁尙文 任永州
 梁藻 任永昌
 鄧鳳 任永昌
 廖立仁 任昆明
 梁大材 任蒲城
 李康 任福建
 李孝忠 任廣東

甘泉 並弘治間貢
 黎希賢 任南海
 羅錦 任陽江
 羅策 任乳源
 劉靜 任武陵
 謝崇恩 見人物志
 李澄 任遂溪
 梁觀生 任吳川
 鍾俊 任保昌
 羅鈿 任海寧

梁科

任南靖縣主簿

梁本善

任臨海縣主簿一作大善

李渭

任惠州衛經歷

周序

韋邦俊

任順德縣主簿

謝邦猷

任德慶州同知陞襄府審理

黃經濟

任河陽州同知並嘉靖間貢

廖世隆

任寧遠縣主簿陞典寶

黎天錫

任遂安縣主簿並隆慶間貢

張桂林

任公安縣主簿

鍾彪

任岳州府照磨

梁日進

羅宗

任石首縣丞一作主簿

黃廷珍

梁嶽

任四會縣主簿陞楚府典相

劉志廸

任歸州判官

梁崑

選貢任崇縣縣丞陞江奉判

羅誥

任始興縣知縣

羽可儀

梁希學

吳中立

任長寧縣主簿

張大恩

鄧鰲

任新寧縣訓導陞灌陽縣教諭

李劉魁

任四川萬縣訓導

李應科

任象州學正陞思恩府教授

李日修

廖應陽

任天河縣訓導

謝元謙

張大憲

任始興縣教諭

高引

並高曆間貢

廖瀛

梁以梧

選貢

甘克敬

任武宣縣訓導

謝一槐

李紀

梁以梗

任平南訓導陞江西樂平教諭

廖應泰

任馬平教諭陞慶遠府教授

梁天選

張大韶

任黃坡縣丞陞山東范縣知縣

黎以穫

任鄞縣縣丞

李應舉

任德化縣主簿陞浙江磐石衛經歷並天啟間貢

李時

林惟喬

覃謝標

吳學澄

廖應雲

嚴李奇

任上林知縣

李蕢

廖復初

並崇正間貢

國朝

高熊徵

順治庚子副榜貢生官至兩浙鹽法道祀鄉賢

李先容

康熙二年 恩貢

羅天業

康熙十年歲貢有智畧常擒獲容縣妖賊馮四彭奇詳大事志中任馬平縣訓導署思恩府教授時方討吳逆大兵由思恩出田州路險難行郡守舉業開道軍行無阻

關景運

康熙十二年歲貢 署潯州府教授

李占春

康熙二十一年歲貢 任賓州訓導

植國琦

康熙二十一年歲貢 任永福縣訓導

植國瓚

康熙二十三年歲貢 任天河縣訓導

李挺春

康熙二十五年歲貢

朱紫貴

康熙二十七年歲貢 任永寧州訓導

高軾

康熙三十年歲貢任務浦縣訓導陞汀州府經歷

關景運

康熙三十二年副榜貢生

鍾夢隆

康熙三十三年歲貢 任全州訓導

陳克寬

康熙三十五年歲貢

關為侃

康熙三十九年 恩貢

高輯

康熙三十七年拔貢 官至泌陽縣知縣

陳大經

康熙三十七年歲貢

植國瓚

康熙四十一年歲貢 任灌陽縣訓導

高輅

康熙四十五年歲貢 任昭平縣教諭

羅九圉

康熙四十七年 恩貢 任武宣縣教諭

謝羅點

康熙四十七年歲貢 任永淳縣訓導

關為祁

康熙四十九年歲貢 任富川縣訓導

高轉

康熙五十年歲貢

張朝南

康熙五十二年歲貢

林璋

康熙五十五年歲貢 任上林縣訓導

梁肇遠

康熙五十六年養利州歲貢 奉撥回籍任遷江縣訓導

謝御召

康熙五十七年歲貢

陳國琳

康熙五十九年歲貢

蘇汝澤

康熙六十年歲貢

高若拱

雍正二年歲貢

梁肇達

雍正四年養利州歲貢奉撥回籍貢

高若欵

雍正八年歲貢

鍾昇

雍正十二年歲貢

王李民

乾隆元年恩貢

張懿

乾隆三年歲貢

國朝

武科

鍾良臣

康熙壬午科武舉任平樂協千總

蘇甘樹

雍正元年恩貢

蘇基

雍正四年歲貢

關為億

雍正六年歲貢

高若攀

雍正十年歲貢

何謙

雍正十二年府學恩貢

黎庸

乾隆元年歲貢

吳賓薦

乾隆四年歲貢

鍾良輔

康熙戊子科武舉現任羅平州遊擊

藝文志

文以載道苟有關於政治風俗皆道之所寓也千百世下考鏡得失於是乎在辭之不可以已夫繁冗宜芟鄙倍斯遠足以行遠矣志藝文

各體文

岑溪

紫溪集

岑溪崇岡盤谷延袤相屬東北有上下七山界蒼藤間有平田黎崗白板孔密等三十七巢東南六十
三山有孔亮陀田桑園古欖魚修白磔等百餘巢與粵東羅旁相聯絡賊據峻嶺高可摩天山徑周遭
僅容厠足叢林修樹環數百里無日色賊上下山阪若走丸我兵乘之竟不能尾其後賊生長山谷如
虎踞穴客兵至不耐其水土瘴輒侵之賊據山上伏樹中望我兵如數一二我兵惟一小徑可行賊旁
伏藥弩中人立斃我兵望之輒次且而却任其跳梁久矣弘治以來四征不克嘉靖初七山賊唐宗欽
等煽亂都御史陶諧集官兵討之時居民多爲搔耳目者師出無功賊滋益橫三十二年都御史應檀
密部署諸卒假以征西爲名乃潛入七山賊棄巢奔我師困之賊多殲死者遂全師返七山諸酋自是

少戢而六十三山賊其桀鶩猶故賊謂官有萬兵我有萬山兵來我去兵去我還蓋二百年來未有擣
其虛者時粵東羅旁賊方熾橫江截人而岑溪潘積善容縣劉德厚等俱爲羽翼益鴟張無忌萬曆初
都御史凌雲翼舉兵征羅旁盡平其地聲言移兵岑溪潘積善懼自縛諸軍門乞降而德厚亦投容縣
願約束諸獠民爲編戶乃議設參將府於大峒統兵千餘名參將以秋冬二季駐節練兵覈北科鎮田
三千六百餘畝招獠人頭目韋月統耕兵三百名耕守其地設連城北科七山六雲諸鎮分兵列營統
以指揮千百戶自是賊人帖服時募兵皆粵東勁卒頗驍恣領兵偏裨與縣官爭道參將王德懋不能
約束各兵遂入縣治掠帑金以去復越左江大肆屠戮軍門撫之戮其首惡九人由是議罷客兵用土
著曩時健卒屏除幾盡岑人故脆弱不習擊刺諸應募者多田家子所守營壘距其家數百武而近官
按籍稽之人人任伍馬首稍遠即宿私家壘則星列兵則鳥散有一二在行間者不過衣短衣持鈍刃
與無兵等耳矚目韋月所招耕兵初猶精悍後漸以耗散組綬簞笠不能滿三百人而老弱半之時參
將往來大峒練諸材官賊尙少戢二十一年有參將吳顯忠者足跡不入岑溪而時脛削諸鎮官鎮官
索之偏裨偏裨索諸部伍上下交爲市而兵制益蕩矣二十三年冬賊瞰我無備日出剽奪鎮官稍以
法繩之擒其首惡戮於市諸酋遂結約圖報復而值大祲粵東亡命浪賊數百潛入七山誘諸獠詔以

厚利謂岑溪可日暮下即帑金如取之寄耳諸獠頗善其策又有乾甌村獠人素悍奪黎峒沙田獠人欲甘心焉願謂諸浪賊吾欲釋憾於乾甌若其爲計浪賊曰此易易耳遂于廿年正月假作材官諸役持官文書以迎參戎爲名獠人不慮也借之宿且飲食之諸浪賊四鼓起內外夾攻乾甌一村俱被屠戮無遺者獠人遂決意反日侵諸村自廣邑民一日四五驚縣官警報且夕交馳督撫二臣因發梧戍卒數百連夜入岑而檄總兵童元鎮董兵事元鎮故爲梧參將守岑溪者二載諸酋長若潘積善陳三峰韋月皆庇其宇下願効大馬力因命諸酋撫獠人諭以禍福六三山諸獠初猶徘徊觀望至是多受約束間携男婦入謁縣官勞以酒肉無不頓顙者亡何參將某馳檄之岑而掌文者以劉北科爲詞北科猶方就韋月聽招見檄大怒曰官家誑我遂與七山孔亮山賊合謀攻殺韋月燬大峒參將府其勢益以猖獗督臣陳大科撫臣戴燿僉謂此賊宜速芟毋令滋蔓遂調兩粵兵八千餘人以副總兵孟宗文陳璘參將吳廣李鳳守備黃鍾分署諸部而以童元鎮總之諸所籌畫參政洪有復副使林廷陞實後先焉復命總兵侯國弼調土兵可萬人爲後勁撫臣卽移鎮蒼梧申號令懸賞格人人競奮矣時募兵先集賊見兵至伐大木塞道環布箠簽我兵陽督諸役開道而陰從小徑登孔亮山賊據高疾鬪弩矢如雨兵士將前而却參將吳廣卽斬一卒以殉諸兵大奮火銃齊發賊扶傷走諸將分道追之賊迎

戰復敗初賊謂六十三山王師所不加不虞今日之涉其地也遂人人震恐望風而潰迨至魚修白磔復大破之賊潛遁于車灘我兵乘之賊溺死者無算亡何侯國弼統土司兵繼至窮搜諸穴賊殲焉計前後斬賊首從一千一百有奇遂班師還撫其餘黨八百餘人因從兵道張文燿議更將募卒伐木通道而會參將李鳳以疾歸以參將吳廣代之諸善後籌畫俱次第舉矣

按岑志萬曆八年設參府于大峒在萬曆六年赤營兵變後此乃議設參將云云似設府大峒反在赤營造變前而蘇濬議岑溪善後事宜亦云萬曆五年議參將秋冬駐大峒蓋大峒設府雖在兵變之後而建議實在兵變之先也故冠以乃議字而其下則牽連既設成文耳

岑溪論

左參政分
守左江 蘇 濬

岑溪之禍蓋始於疎而釀成於激當其初發捧土可塞一決卽濫觴矣時議者盈庭欲做先年大征故事兩臺毅然獨斷起陳吳於田間集伍兩於近地批亢擣虛一舉而芟焉昌黎曰凡此蔡功惟斷乃成則岑溪之謂哉余觀獠人殊無遠畧乃其戀田里願妻子之心與吾人等一旦怵于奸謀喪其樂生田土荒蕪拿戮相望風雨飄搖毀巢覆卵卽僅存餘息悔之後矣當威之後而用恩其招携不易易卽所

最患者奸民猾胥以賊爲外府強則奸闖出入爲之耳目弱則嚇以威令而陰沒其賞厲階之生此爲
戎首誠得良有司單車入壘詢其疾苦而法繩諸奸即介鱗爲我衣裳可也

議岑溪善後事宜

左參政分
守左江 蘇 濬

爲蕩平山寇恢拓疆土酌議善後事宜以圖久安長治事邇者岑搖煽禍荼毒生民上無元戎下無健
卒致煩軫慮調集材官然後以次蕩平願蠻夷之種實繁有徒如蛇虺然能驅之而不能絕也急之則
散緩之則聚惟視吾之自治何如耳職謂自治之計不過曰將曰兵曰餉而此三者皆前人已試之方
也稽諸往牒自萬曆五年征羅旁撫六十三山諸所規畫皦然具備有參將以主之有練兵中軍官以
佐之有連城北科七山鎮守官以分理之將非不足也大嶠七山北科各有戍兵又有耕兵兵非不足
也兵食之費按季而支膏腴之區計畝而受餉非不足也十五六年來夷人遵約束而岑溪晏然立法
之善可見於此矣顧人怠於承平備衰於廢弛今日之亂非前法之弊也則廢法之弊也爲今日計更
不必求加於前人之法惟因其法而修明之革其積弊課其實政不徒任法而重任人雖百年無事可
矣至若節目條件絲分縷析將官得以便宜監司得以操縱者未能盡詳也謹開列欵伏乞施行

議將之目二

一曰議專官照得梧州重地先年原設總兵一員又有鬱林守備一員其權甚重而備甚周及守備既
裁總兵復移之省而以梧州兵務兼屬之左江參將於是梧州始患無將矣萬曆五年議參將以春夏
駐潯州秋冬駐大崗其意豈不甚善但專馳於東則不得及於西并力於前則不得顧於後即地方無
事而數千里之夷情數十邑之軍機已不能兼知並舉况呼吸在一時之間而文移在數旬之外安能
不倉皇失措耶邇因左江多事參將足跡不入岑溪者四年遂致兵政懈弛醜鹵窺伺禍亂之源皆由
於此今欲善後必專設參將一員鎮守岑溪大崗兼制蒼梧諸邑而左江另設參將一員兼制潯南太
三郡則事可責成權不牽掣此今日第一義也伏候裁奪

一曰議分任照得參將府原設中軍官一員岑溪二鎮設鎮守官三員至列諸軍政考察誠重之矣邇
因宿將凋謝而以年少不更事者任之事不備嘗政多玩愒營壘空虛而不問器械頓朽而不知卽有
志任事者僅如晨星而若大崗北科鎮官一兒豎等耳地方重事而可以兒豎當之乎夫觀將於平居
其才與否難知觀將於行陣其才與否易見今西省衛所之官効勞行間者不下十餘人誠卽其功之

多少爲才之殿最擇其尤者委之鎮守如一年之內經理有方再著勞績特加薦揚則賢者競勸而保障有賴矣伏候裁奪

議兵之目四

一曰精召募照得岑溪大崗兵原額一千餘名北科七百餘名七山五百餘名尾列雲屯不爲乏人自抽四哨鎮金鵝又抽二哨鎮六靜而兵始不足自缺多不補隊不成列而兵愈不足自粗糲之夫充名營伍日在田畝夜宿私家鎮官索其常例任其空虛而始患無兵矣夫無事議減有事議增非計也有兵之名無兵之實非法也今兵不必增也惟復其原額責其實用缺者補之強有力者練之弱者以漸汰之嚴查核而別勤惰何患無兵至若論地方之緩急則北流懷集比之岑溪差緩金鵝六靜兵宜照舊守大崗而二邑之戍行令該縣再議可也伏候裁奪

一曰列營陣照得兵有總營有分營聚則成列分則綿亘如腹心手足相爲聯屬今各鎮諸營錯列而居多者四五十人少者十四五人賊多則竄不足恃也查得七山有神塘巢在高山之中四顧有餘堪建一總營六十三山北科耕兵營爲要害之地堪建一總營舊時諸小營度其地之遠近合四五營爲

一營總營鎮官居之統兵五六十名仍定更番之法總營一季移之分營分營一季移之總營不惟臂指相使而且勞逸適均矣至若練兵之法亦當更番春夏戍大崗者秋冬戍七山北科春夏戍七山北科者秋冬戍大崗使二千士卒與將官通爲一心卒然有急無不用命矣伏候裁奪

一曰留土兵照得岑溪兵以二千餘計今缺伍者多未可一時而集也卽見存者罷於征戰應募者疎於技擊未可一時而精也賊方窺吾虛實而吾復以虛示之可乎故必量留土兵一千五百名以五百戍大崗五百戍北科五百戍七山而以見存之卒協力共守將兵者加意訓練日練鎮守官督之月練參將督之夏冬總練監司統之練精兵五百便可撤五百土兵練精兵一千便可撤土兵一千兵盡精而土兵可盡去矣至該縣城池此時宜加防守合將梧州戍教場兵量留八百分節城外俟平寧之後始議撤還可也伏候裁奪

一曰通往來照得大崗七山北科環邑左右疆理雖殊脉絡則一道路迫阨樹木叢生故敵得以塞吾之往來而吾不得窺敵之淺深左右不相聞而兵坐困矣今欲使各兵營伍聲勢相聯則伐木通道尤爲喫緊自七山各小營以達神塘大營自神塘以達該縣該縣抵赤黎山心以通大崗北科由大崗北科以通羅旁各開道路令爲周行而路傍樹木多僱工匠盡行砍伐庶兵馬得以馳驅而夷狄無所藏

匿矣昔府江羅旁大征所以爲善後計者皆此策也然兵士既便往來而奸人亦易出沒必設關隘以防其出禁通山以嚴其入此在將官有司加之意耳伏候裁奪

議餉之目一

一曰均月餉照得梧州兵工甚大峒兵每月陸錢七山北科每月四錢五分均是兵役均是糧餉安得厚薄其間耶舊時訓練之法行之大峒而不能行七山北科者皆坐此也今欲更番戍守更番訓練各兵工食每月俱定陸錢哨官隊長俱一例支給恐下不憂內顧而上得便責成矣伏候裁奪

一曰分田畝照得七山六十三山猶田延袤數百里膏腴無慮數萬畝蕩平之後專委府官一員盡行清丈招人耕種以給兵餉所省糧餉良爲不貲但耕兵之說有三有議留土兵耕守授其酋職衛者有議招獠人耕種藉以爲兵者然岑溪距土族甚遠其人未必樂從且土酋桀驁數年之後弱則無以制強強則易以爲奸縣官且莫之誰何如桐木鎮之事可鑒也獠人雖云且耕且守但既事鋹縷必不能嫻戈戟既顧妻子必不能加訓練數年之後卒皆脆弱緩急無足賴如韋月之事可鑒也惟藉其畝數定爲賦額每田壹畝歲納賦若干每田數十畝養兵一名農藉兵以爲守兵資農以爲食兵可精而餉

亦省矣伏候裁奪

按此言七山營兵五百餘名而縣志不載故兵防志靡得而紀

官兵單弱論

萬曆二十四年

邑紳 梁 崑

岑非無兵之患有兵而不善用之患也嘉靖初年獠兵效實用獠亦有畏心至於中葉以後兵數五百營數二十有四卒皆虛冒獠實貌之其出擄掠直探囊耳嗣後併營爲六筭於嶺巔可謂扼吭據背第未部其腹心裁絃如故駐將大峒設鎮北科重兵彈壓於內諸營聯絡於外誠使客兵泯窺伺之念土著忘妻子之娛嚴禁通山中飭鄉約獠將賣劍買牛化暴爲良矣馭夷長策孰踰乎此至於城池尤不可棄而不守有城無守與無城等耳邇未設兵以前守以民壯獠夫迨益兵之後加以營兵四十猶恐弗支邇因征討拓城稍涉變更（大征兵集暫撤城兵還伍師旋將領吳世爵不復還兵守城時撫夷通判歐公煥力主復之及拓城地曠益兵防禦城完將領石元貴併舊城兵濶撤還伍再三請於分守朱公東光添將劉宗漢准撥隊兵罕名永爲定規）夫城池根本之地例諸疆圉營壘輕重緩急自爾懸殊胡當事謬昧輕玩若此向非曾侯之遠慮歐朱諸公之卓識城爲徒設矣然僅復舊額諱者未免

少之以城基倍昔（舊城一百六十丈今城三百六十丈）獐夫冒武士之名（羸怯而無兵革）民壯歎原額之數（近奉扣餉裁革）容或請益於將來未可必也噫後之君子徒知守城而不知請兵若此之難也有志思患豫防者盡於此兵加之意焉

獐獐構變論

萬曆二十七年

邑紳 梁 崑

岑據梧陽介兩粵山險而逼民貧而稀景泰間東寇煽虐巢於連永二鄉（昔討羅旁賊匿六十三山中）乃召獐耕守其地連獐構獐爲害遠糾蒼藤瀧信容之寇與狼肆行屠掠永業獐藉聲勢不任差獐患在腹心義平鳥峽司兵爲徒設始置叅將以援東山通道北科營壘星列彈壓於內而天堂根子爲城鎖鑰西鄉去獐頗遠民得安業頃來連永駸駸輸賦服役曾侯又均賦以休民岑庶幾其少瘳乎至於淨洗嵐烟令國家省餉巨萬事難卒辦又厚望於將來矣

叛兵呂子和梁一貴

萬曆武功錄

呂子和岑溪裨將也先是協總金仲恩與佐史唐祐妻通而會公館傾頹縣令葉詩使祐繕治之祐携雞往公館行至館門雞散走祐追亡館所仲恩與祐妻方坐公案上相嚮飲醇酒大笑樂也仲恩見

事泄畏祐遂乘醉執祐祐大聲聲言殺人得脫是夜恩命庖人擊鮮約學博張講飲飲至夜半講惡縣官不給民兵治乘輿乃爲恩謀使兵衆先擊之且日出果與把總張之賢使哨官呂子和陳泗集成卒百餘人擁大蓋策駟馬直走縣門鼓噪聲欲殺唐祐而班頭賴清解釋之頃縣尉楊璽請於分守使王原相叅將王德懋而縣令亦移制置使凌雲翼矣事下分守使乃使百戶王廷棟逮王德懋張之賢金仲恩廷棟既到縣即使使者大索諸戍卒一切皆案治之諸戍卒皆惶懼恐染于事于是呂子和復聚衆走縣門欲殺縣令令遂逃楊璽即與司庫以庫金埋伏後園躬提兵鑿諸兵得保縣令家室我兵生獲陳鳳等六人餘黨皆奔走過南渡水口而去分守使急使百戶艾濟用安撫以羽檄徵成梧狼兵及七山李汝賢北科劉朝棟連城朱綵六雲杜熊諸指揮兵往擊之朝棟斬首六級生獲十一人李汝賢斬首四級生獲八人朱綵斬首六級生獲十一人身時縣道皆備兵衛甚設北流生得五人廣容斬呂子和等首二級我兵乘勝勇氣益百倍追逐至潯州斬首四級生獲四十三人皆繫梧州獄復鼓行行至貫縣石塘村諸戍卒度勢不能敵皆負弩矢羅列於道左望見德懋單騎來諸戍卒盡叩頭具言將軍幸寬假吾等死唯將軍所左右由此許諾得贖罪畢屯北地矣是時萬曆六年戊寅冬也雲翼乃案王德懋等罪以請而給諫光懋亦書劾奏大意欲重治失事諸官將以風邊吏于是大司馬方逢時

案諸疏覆請上有詔免葉詩官張之賢等下御史逮問貶李橡秩一等奪王原相俸半載諸脇從亦由此得除罪相與滌盪前過曰唯將軍所欲用之雖赴水火猶可也

梁一貫梧州大峒戍卒也峒故有左右營控制諸徭先是參將吳紳到官管事即欲部署諸戍卒乃治鄒鑑竹箠因與諸戍卒期以二十八日閱諸軍操曰敢議令及不如令者請論如軍法時萬曆十五年四月二十也居七八日紳果登大將軍壇鳴金鼓閱操屬哨官梁鳳傳令會鳳新視事不閑于軍法失儀紳大怒命左右榜掠之已命縛之戲下于是梁一貫胡一倫等帥右營兵三百餘人直走入紳所鼓噪將竹箠毀折之負鳳出圍紳復大言曰吾等盡下班若烏奈我何紳不得已疆爲好言慰藉諸戍卒諸戍卒始出是時來經濟爲蒼梧兵巡使急使指揮李汝賢曉諭得安堵於是逮捕梁鳳羅本鏡子和及叛兵梁一貫胡一倫黃珠蒙惠楊明繫梧州獄即請于制置使吳文華及臺御史吳善御史蔡系周皆先後上書議調吳紳而以渠魁梁一貫等罪當死會大司馬王一鶚議亦如之上乃詔曰營軍欺蔑本管故違軍令驕悍成風大壞紀綱乃以梁一貫等五人梟斬蒼梧市其後制置使劉繼文如詔行先是上有詔欲重治吳紳而給諫吳之佳上書大畧以爲南兵吳公泰之變上幸動一副將諸軍圍視而起今又治一參將則是軍士挺臂一呼將軍俯首輒去所謂一脛之大幾如腰一指之大幾如股此

賈誼常至痛哭流涕者也

按呂子和事與大事記所錄舊志異錄以備考

紀事

康熙十四年

岑城父老

本朝定鼎燕京閱四年大兵始入兩粵明軍門丁魁楚因土鎮徐海徐泓以岑北爲桃源率眷口部屬入岑爲避地計丁亥連寇吳洪糾衆數千由北科出謝村意圖圍城焚劫遠近驚惶時岑三營官兵尙存魁楚又檄陽電兵來援合所部騎兵悉屯教場正月廿九日接戰於葛石坡吳寇旣敗魁楚念岑不可居轉計上潯遂跟踰登舟而去二月初三廣東軍門佟養甲總兵李成棟遣將楊姓者率兵由梧入岑追及之於麓底押令東行岑城遂開三月錢公夢蘭來任六月土鎮杜鳳劉國泰復自容入岑藉號恢復錢公夢蘭遇害戊子至庚寅皆土鎮竊據辛卯春二月十四日總鎮馬公雄乃率大兵復開岑溪以通判鄧祖臬爲招撫瞿公鶴齡知縣事以營官馬驥年世龍曹樹尹陳懋功相繼城守壬辰之秋僞安西李定國陷廣西遣僞將王右軍攻梧州甲午夏李定國復出高涼圍新會我師破之由高涼追至橫州而還取道容岑絡繹月餘馬公雄復遣官安邦來岑招撫於是士民歸順土鎮潛遁丙申春曹公士珍乃來署政計鼎革之際大兵之開闢者三土鎮之盤踞者四賊盜之劫掠者不可勝數焉自丁亥

至丙申凡十年兵燹音乖反饑疫流亡荒蕪無不備至歷大亂而始獲昇平康熙十三年孫延齡叛梧州失守岑復爲僞鎮所踞幸督府任用得人唐公鳳駐兵鎮撫然遭僞道鎮周遴元等擄掠之後民亦瘡痍矣惟在良有司加意安集之耳

妖寇論

康熙八年

岑城父老

今之無爲教卽古之白蓮教也聚米燒香妖言惑衆不特無知之民聽之卽有識之流亦爲之風靡何也或謂此輩有異術爲妖鏡令人照之見幻相焉又能遣紙人馬故從而信之共稱他日彌勒佛出世近又有稱馮真人者云能縱狼虎食人若不從其教必有狼虎之患噫人何其愚耶彼彌勒者佛也馮真人者神也豈有神佛教人謀爲不軌而陷於災禍乎總緣人有妄想癡見故爲奸宄之所欺誘耳康熙七年容邑妖人馮四彭奇糾黨破城寇及岑境幸本縣劉公昌言威德方略始鼓而蔡捕鵬一箭隕旗徐城守國才挺身破敵遂爾披靡而去再鼓而羅青衿天業之追捕竟獲渠魁黨羽全消一時平靖及詰其有妖術何爲就擒二賊竟供烏有然亦果烏有耳使果有妖術卽當所向無敵萬一敗寇亦能亡匿漏網今旣得而擒之皆無所逃免則妖術且不能自庇而能庇人乎哉闔邑目擊此賊未得富貴

先受誅戮有識者可不鑑其覆轍乎接壤起禍事屬震鄰雖渠魁已殲而根株難滅死灰易然凡有保甲地方之責者偵知聚謀何處亟當出首撲滅以免株連當事者亦勿諱病至復烏合鷓張也

重建孝感祠記

洪武七年

走部員外
郎桐廬人

金文仲

孝爲百行之原自天子至於庶人未有不孝而威令德者孝子能竭力事親終身思慕上與底豫之大聖貢米之大賢並轡爭馳夫舜生值帝堯之世仲由親聞先聖之訓其孝宜也孝子生於禮義凌運之後詩書煨燼之餘且身處遐荒所師何人乃能事亡如事存非天錫純孝其能然乎宜廟食百世愈久愈光也惜乎祠宇燬於寇賊治此縣者畧不加意豈崇德勵俗之道哉文仲親老家貧逐祿萬里溫清禮缺聞孝子之風赧然而愧因命主簿趙探夫拓其故址宏其規制建屋三間僉憲富公匾曰孝感祠命工肖像以時設祀於戲孝子永錫爾類後之人登堂拜瞻庶有以觀感而興起哉

重修儒學記

弘治四年

督學
廬陵

周孟中

岑溪縣在萬山中往往草寇竊發其儒學遭焚燬無復存者邇來知縣勞雍始作夫子廟未完去教官蔣聰朱文通以告余忝督學心甚病之嘗請於前都堂秦公得白金貳百兩割其四分之一以修陸川

學其一尙存復請於今都堂吳興閔公以昇岑溪遂命同知李智總其事典史張進程其役材取於山皆鉄樞木磚瓦出於陶役出於民工費出於官自明倫堂兩齋文廟兩廡以及戟門櫺星門次第鼎建煥然維新其稍有欠闕者復命典史鄭彬完美之深山窮谷犴獠聞者莫不奔走觀嘆不意復見學校之盛教官請記以垂久遠余惟魯侯修泮宮詩人歌之曰濟濟多士克廣德心又曰翩彼飛鵝集於泮林食我桑黹懷我好音憬彼淮人來獻其琛夫難格者鳥獸難化者戎蠻魯侯修泮宮非多士克廣德心以爲之倡曷由自近而遠自易而難以至鳥獸格戎蠻化耶然則諸士可不思所以如魯士乎於戲魯士豈有異於人者特以周之作士一曰六德智仁聖義中和二曰六行孝友睦婣任卹三曰六藝禮樂射御書數而已魯士執此三物以廣德心此其所以異於人也諸生尙取以爲法則德心當日克矣深山窮谷梗化之徒將不憬然覺悟如淮人者耶諸生尙勉之

橋園先生祠堂記

陸慶四年

提督都御史 李遷

橋園李先生以嘉靖戊午由銅梁儒學司訓掌教岑溪逾年以疾卒於官岑溪子弟哭之哀曰先生莊敬嚴毅不可干以私其身正矣澹泊闇素捐俸以卹諸生之匱其惠溥矣日省月試程藝以警士習之

像其教勤矣今先生歿而我輩失所宗也盡祀之名宦乎既而曰名宦博而情弗專且弗克朝夕見也言之有司暨別屋於學宮之旁爲位以祀翼號舍以居業焉題曰橋園先生祠堂示不他禱也祠成而先生之子良臣舉進士入翰林爲庶吉士改監察御史隆慶庚午出按粵右蒞蒼梧問岑溪令知先生名宦有祀學旁有祠乃感慨歎歎而又慰且喜也遂屏徒御單騎詣祠下展謁成禮居三日而後歸岑在萬山中民獠雜處自先生有祠侍御君往謁始知有師生之義父子之親老幼聚觀相携致瓣香而去侍御君徵文以紀其事余竊嘆曰夫握生殺執鞭撻以奔走豪右驅撻黎庶煦嫗而春溫恣睢而秋肅生而祠焉歿則廢焉者非其本心然也媚若畏使之也今天下權力之輕眇至儒學官而極矣其言議之喧騰亦至儒學生而極矣更不善治雖貴盛猶將非之况其小者乎師不善教即在位猶共訾之况其歿也乎蓋風俗之敝如此而亦上人有以啓之也先生正己以格物邪慝祛矣公惠以逮士德愛孚矣程藝以警惰人文蒸矣備茲三美可以造大邦教天下奚翅岑邑已哉宜其生而祇事之歿則尸祝之雖千載如一日也豈所謂媚若畏者哉雖然此猶先生之小者耳昔歐陽崇公之亡文忠甫襁褓爾當是時未有聞也至瀧岡阡表出而名始顯則四十年矣文忠謂非敢後也蓋有待也侍御君含醇秉粹體質彪文名位之盛駸駸然未可涯矣顧猶謙讓不自表章夫亦自有待焉耳安知數十年後錫

命之蕃不若崇公而岑祠之顯聞不與瀧岡相媲美哉余不佞特書其事爲世之師儒勸亦庶幾證左券於他日云先生諱時字正卿橘園其別號也貴州普安戎籍應大江寧縣人

橘園書院記

隆慶四年

戶部員外郎 馮承芳

岑溪僻在萬山中其儒學在縣治東洪武十二年建弘治間修自弘治而後未聞也嘉靖庚申貴州橘園李翁諱時以四川銅梁司訓陞岑溪掌教甚得士心居一載餘不幸貴志以歿諸生如喪考妣翁初至學舍書一對聯揭壁云不嫌祿薄甘氈席自媿牆卑見室家明志也任運守分安於清澹不鄙夷其地謂人皆可以爲堯舜而學問之功不可無乃群青衿無小大肄業齋舍擊節廓塞講課不倦視生徒如子弟有暇輒賦詩自娛寄興閒遠予嘗接其眉宇無何聞翁不諱私心謂曰天於仁人志士何茫茫然耶閱十年爲隆慶庚午實賓興之期明谷李公以名御史按治廣西監臨試事岑溪士子胥相慶曰吾師橘園翁之仲子也予聞之始有以知天道猶張弓補不於其身而於其子矣場屋竣事攬轡蒼梧時已歲暮辛未春正按部既畢御史君忽慘然不樂曰岑溪昔年吾父任教事於此必至其地觀其迹斯少慰終身之慕矣遂輕車入岑展拜乃翁神位於橘園書院御史君推父淑士之心以卒未究之志

置買學田坵畝載在冊籍鑄諸碑陰蓋岑之學荒蕪不葺久矣有司因時誦舉羸憚於修治是以藏修無地振德無人建學以來未聞科目御史公慕父遺愛加惠後學匪托文辭莫傳永久屬筆以記勸貞珉垂不朽焉嗚呼學校所以教士也學校荒矣於學校之傍爲書院所以輔學校之不及也士業其中而無以養之則治生不暇而暇精於業哉科目乏人無怪其然也今既有書院以居士又有學田以養之擇嚴師以教之將來人材造就爲時効用裨益國家端有望矣此固御史公育材意也予故表而記之

拓建新城記

萬曆二十七年

知縣 曾莘

岑溪控轄連永東有要峨崩塘之鳴峭西有石瀧野狐之巖巖南有馬嶺鳳山之嶙嶙北有白石鳥峽之嶺岍業稱四塞地矣乃柄事者猶然煩拓城之請何則岑非無險之患患在有險以爲寇資亦非無城之患患在有城而卑隘不足恃也鄉官梁崑監生梁以禧貢生鄧熬生員甘克敬李紀等具呈當道請宏拓城池以堅保障當道允其請以不佞未卽入岑舉其事屬撫蘇別駕歐公煥撫夷公規拓城堵幅員幾三百六十丈壁立一丈有八尺酌議經用凡七千九百八十餘金無何撫蘇公以遷秩行不佞

始奉檄事事不佞牧民守土吏也私念用兵之後民間瘡痍未起公帑未饒用是悉心經理適王尉君觀事回任相與持籌而計隨事而酌版築欲速成又虞重妨稼穡錢穀欲時出又虞濫恣及冒破幅員壁立悉稟成畫復又採之輿情益以臆見城之麓有隍以瀦水有三陸門以通道有二水門以洩霖潦城之上有四樓櫺四敵臺一長生樓七百四十一雉堞以資戍守鳩合將作時則有若攻石之工攻木之工攻鐵之工搏埴之工設色之工分視員役時則有若董伐石者董陶甃與堊者董采運木料者貯石以固基則其用七百二十九井有奇累甃以成墉則其用一百四十萬二千二百片有奇濡堊以磬甃則其用六十萬八百五十斤有奇錘鉄以護重門則其用一千六百九十斤有奇積薪以爨陶則其用六百零七萬六千三百五十斤有奇綯桌以供乘屋則其用惟百需材以爲磚模爲車輪爲植幹爲鞏架爲樓榭爲闔扉則其用萬數千有奇役公旬以任裡杵則其用百萬數千有奇他若鑿陶有奠肇基有祀架梁有祝以至廩給犒賞工食優卹之類備具載籍中者又不一而足統計經用共費帑金實四千九百八十二兩有奇經始昨歲仲秋至今秋孟月告成蓋閱歲餘而岑城非復曩時之景象矣金湯在望磐石永奠即猝有蹂躪剪闕不將可恃無恐哉落成之日僉謂是宜有記愚不佞不敢借重椽筆以侈微勞故不嫌僭妄謹用觀縷述之以詔禱來云

儒學新開泮池記

萬曆二十七年

知縣 曾 莘

皇上御極二十有二年春前令徐公一文遷築學宮於城東二里未幾山戎發難泮池未鑿越二年不佞嗣令岑溪會奉檄拓城力未遑也今年秋七月城竣不半月而學宮前淵然開一鑑矣學師曹先生可章樂觀厥成率諸弟子謁不佞謝不佞應之曰噫是惡用言謝乎不佞辱在父母師帥之列惡有號爲父母師帥而受弟子之謝者乎願不佞私心重有望於弟子者夫泮池之鑿非溱毓地靈渙發文瀾令人龍從此出乎而吞墨于詞源茹藻於學海際會風雲不復池中物者則爾諸子弟宜實力也諸弟子雅以豪傑自命倘潤漱六經詞傾三峽則子雲草元之池弗秀於此矣洗心與溼滌慮淵竭則神仙洗腸之地弗潔於此矣天光雲影日共徘徊魚躍鳶飛時呈活潑則晦菴半畝方塘又弗樂於此矣是惟無出出則潤皇猷而澤黔首是惟無處處則泳聖真而接道源詎不於泮有光耶彼魯開植蓮陸瑁養魚固於學校無與而右軍墨池即在學宮亦祇供當年澤筆云耳均非不佞開鑿意也諸子弟勗哉其毋負予重望之意哉語竟曹先生偕諸子弟復起而謝曰明公勗諸子弟者至矣請托之記以存誨言於永世不佞以其言富屬望無己之私心也爰書之以爲記

重修岑溪縣學記

康熙八年

知縣 劉昌言

歲丁未昌言承乏岑邑謁見於先師顯瞻禮殿心忤忤動曰是非所以妥先師而廣教化也爰告鄉達迨諸生毅然新之既鳩既備其工不擾其材貞以良禮行用幣妥於先師罔或不虔聖靈洋洋如臨如式於是縉紳先生學中子弟儼然進曰侯之大有造於學侯之大有造於我岑邑也是不可以無記予惟古人有事於學校者衆矣事成則以諡於大賢君子得其一言以傳信於將來而粵在天末欲問關數千里乞言於當代大賢君子是誠不易如曰自志又近於喜事好名者之所爲不可以示後世而有勞勩於茲役者又不可以不書無已則志厥始末以俟他日考信者可乎按志岑學溯於唐武德中歷宋元明數易其處其舊址在治東繼而遷於迤北又遷城外復自外而徙內城復其舊址則在萬曆之季年最後於城中故今學崇飾備於前制而不改其舊曰是便於朝朔望祀春秋也而或有按形家言謂合於相替之宜者前令詹侯爲之今茲成之其將有成大名顯當世者乎余聞而疑之夫國家所以設立學校之意何也三代盛時自天子至於庶人皆有學自羈州成童至於白首黃馘未嘗遠於學其所以如此者何也凡以講明先王之道以爲國家他日之用也是故其所專志者孔孟曾思之書所

早服者修齊治平之具而博通而嫻習者絃歌爾雅方名書數之文章學成而賓於王上之可以尊主庇民爲名公卿賢宰執次亦恂恂粥粥不失爲聖人之徒士所知止此已矣而以爲有速化之術求助於考卜之事滋君子所不道也且諸生亦知古今運會升降污隆之故耶昔也文學盛於鄒魯今也文學盛於吳越當春秋時吳越在荒遠不與會盟之列而今也敦詩說禮家戶可封視鄒魯無間然豈非地以人重耶西粵之在前代無異於吳越之視鄒魯自近以來名公鉅卿間世挺生他不具論卽如蔣少傅敬之呂少傅和卿皆以文章科名爲時賢相乃前代所未有此誠頡頏吳越鄒魯之先見者也進而上之則有三試魁天下如馮參政其人者亦粵產也以彼其人豈有他巧亦惟學夫孔孟曾思之書而得乎尊主庇民之道故一出而爲世之所賴諸生無務以名相高而求之不可知之數也惟盡心於聖人之道以不愧爲聖人之徒意必有蔣呂其人者出焉以應國家之運岑邑雖小將爲今之鄒魯吳越獨區區科第之蟬聯已哉茲余所以崇飾學校以風厲岑邑之意也多士勉乎哉茲役也經始於己酉之秋落成於庚戌之冬余捐俸倡率維時董事焉竭力殫心不避勞瘁者孝廉李君茂之力居多其左右贊襄者則有前上林令嚴君李奇明經高君熊徵至於岑之諸生皆鼓舞趨事功用過成法得並書云

縣誌鄉賢漢丁孝子辯疑

知縣 孫士恂

郡邑之有誌以傳信也不可信則寧不傳耳愚承乏茲土郡誌並未寓自邑誌惟有錄本繙閱既畢其不可信而不可不辯者無如丁孝子爲最嘗見河南懷慶府河內縣名宦不載丁蘭而人物載丁蘭則蘭非仕於野王而產於野王也且蘭列人物而不列流寓則蘭爲野王之土著而非野王之客籍也又不列他省名宦與流寓則其定省溫清莫敢遠遊既不餬口於四方必不托足於岑邑也况廣輿記載廣西梧州府山川有丁郎山註云岑溪孝子丁密故居在其下訛傳爲丁蘭則丁郎之是密非蘭是非一較若列眉不類魯魚亥豕之謬也今岑邑鄉賢祠內中央祐主題曰漢河內太守孝子丁公蘭字密神位及查邑誌人物首列孝行丁蘭字密漢歸義鄉人因詳及刻木一事與河內所紀大同小異而未又繫云以孝廉辟爲河內令官至太平府知府云云揆厥所由蓋因丁郎墓道原有漢孝子碑日久沉淪以致牽合附會其間不可信而不可不辯者蓋有數端請得而悉數之夫人子生而父名之及冠而父字之蓋以成人而不斥名也今彼孝子無字而有字實則三加告廟原未有密之稱此孝子有名而無名實則六射懸弧早已有密之命况乎廟中不諱蓋謂克昌厥後駿發爾私等耳尺寸之木兩名

並斥不安也此不可不辯者一攷諸沿革漢之河內卽今之懷慶此郡也而非邑也郡則有守而無令如稱令則今之河內矣邑名河內始自隋在漢尙名野王漢爲野王令無河內令且郡名太平始於宋守名知府始於明在漢屬丹陽漢唯丹陽守無太平知府且蘭並未筮仕也漢家自有制度奈何因一人履歷之外錯舉一代因革而遷就之乎此不可不辯者二夫蘭向與帝舜並列二十四孝密以孝聞何遂不與本邑先賢齒乃媚其遠者疏者忽其近者戚者此不可不辯者三夫樹欲靜而風不寧子欲養而親不在自古傷之故存則視膳問安歿則享祀不忒瓶罄壺恥凡爲人子罔不怵惕靡寧而况於孝子乎迺蘭之二人與岑毫無瓜葛儼然追祭於東郊而密之怙恃在岑實爲桑梓反同若敖之祀又奚以釋丁郎終天之恨耶此不可不辯者四且蒼梧之野舜南巡所蒞陟彼虞山俎豆森列宜矣蘭則生長河內足跡不離子舍皇華江畔蝴蝶山隴何因不脛而走乃春秋二仲不遠數千里載往載來與岑之先達配采芹而陪釋菜不幾失笑噴飯乎此不可不辯者五矧鄉賢祠內如周梁羽廖諸公宦蹟興評班班可考岑雖最爾巖邑也哉門內之行誰無父母何至近遺吾黨遠取他邦先正典型安在高曾規矩蕩然夫非盡人之子歟諸公得無怨恫也哉此不可不辯者六載稽歸義鄉丁之氏族不少概見然通邑編戶尙有晨星落落也其間寧無密之子姓乎一旦升於士類列於宮牆瞻仰巍

然首席者將以爲祖耶實交州之雲初胡爲乎野王之苗裔不以爲祖耶豈人盡芝草醴泉舉木本水源盡委諸草莽付諸東流乎蘭不敢妄認夫螟蛉密何忍自斬其葛藟此不可不辯者七况大孝如帝止稱曰允恭克讓爲人子而有愉色婉容者與人交而豈有驕心傲氣今廟廡之右正襟南面盡岑邑之音容也則密皆屬一體而蘭必自謂贅旒然祝史陳辭實野王之名諱也則蘭洵莫逆交而密反爲不速客彼此可謙去留難決倘灌地迎神之際二公俱讓讓不前大典豈虛席以待滿堂揖遜領袖無人黍稷非馨豆登削色矣其奈之何此不可不辯者八夫不可信而不可不辯者有此數端奈何辯之不早辯也或曰盍以密易蘭乎曰未可也差訛已久改正殊艱必得瑣珉有靈等於泗濱之磬延津之劍能隱能現方爲有據然而水落石出其如河清之難俟何無已則有一焉題諸祠祔載諸簡編俱稱漢丁孝子而逸其名逸其官併逸其字庶幾無可疑則可信可信則可傳備愚忝司民社日以縣誌爲念本欲細加讐較以授剞劂爲本邑留一信史迺席未暇暖遽掛吏議又值干戈四起禁守危城軀命有如朝露然兩載待罪不無并州之誼愚生也晚丁郎亦鄉之先進也漫筆以表初志庶序中苟有同心忍留以備芻蕘萬勿遽付祖龍爲幸

文公書舍記

康熙六年

邑紳 高熊徵

徵館於茲五年矣其父兄勸於教其子弟勉於學文風蔚起英賢輩出可謂美矣然數年以來或假館於善果之寺或寄讀於永福之菴竊嘆梵宮蘭若遍天下而古之所謂鄉塾黨庠者寂然無聞也寧獨茲土哉豈吾儒之道不及浮屠而所以爲教遠謝桑門耶何其重若彼其輕若此也去年秋棘罷歸諸生不以徵技之弗售復群相從庠士黃子應宣乃與諸父兄卜築焉初春工竣負園面溪清流入戶山色聳翠古木菁葱左右叮嚀雜植羣葩遠覽近觀神怡心曠雖茅茨十階未遑舟楫而師生有舍講習有堂亦庶幾不致假館於僧房寄讀於禪院也僉謀所祀於徵徵曰請祀昌黎伯文公丁丑臘用禮薦焉自送神遠徹俎諸生肅慎將事者幼環觀尚不恪恭祭畢而燕有起而謂徵者曰吾道與異端殊五帝三王以前無論已自春秋迄於今孰有盛於孔子者乎楊墨塞路辭而闢之孰有尙於孟子者乎漢晉以還佛老徒出聖學褻蕪天人理味講而明之孰有過於周程張朱數夫子者乎何子不之及且昌黎公文章節槩尙已然言仁義則僅及其用論性情則品而爲三若夫引傳而遺格致之功談儒而稱荀楊之學其於吾道豈非輔其醕未餒其醜造其戶未底其室者乎何子獨崇之深也徵曰然然否否諸公亦知菽粟布帛之於人乎夫菽粟爲飽布帛爲煖舉世所同也乃有人焉絕而菽粟使不食而飽禁而布帛使不衣而煖天下靡然惑之而自卽於饑寒而有一人焉菽粟未菑辨也布帛未甚分也

獨毅然排群惑而正之曰菽粟爲飽布帛爲煖凡不食菽粟無飽者也不衣布帛無煖者也天下翻然從之以免於饑寒然後有數人焉取菽粟布帛分辨詳析以教天下曰此菽也此粟也舍之無飽者也此布也此帛也舍之無煖者也而天下之人曉焉皆知菽粟布帛之爲功夫菽粟布帛始爲之者功大已然群惑而正之與旣正而曉之孰難而孰易哉孔子孟子始爲之者也周程張朱數夫子使天下曉焉者而昌黎公則羣惑而正之者也當火於秦黃者於漢佛於晉魏梁隋之間邪說橫流仁義克塞濂洛關閩之學未興也公獨毅然以正人心爲己任使學者知尊孔孟其功豈易訾哉至於切諫佛骨而直震天下出使廷涿而氣寒賊膽貶刺潮陽而誠感鱷魚皆赫赫在人耳目萬世所瞻仰者今吾與諸子羣然奉公墓而生敬敬而思學則直可以事主誠可以動物氣可以配道義况公之爲文陵傑百代炳燭古今尤吾輩之慕而願學者乎今梵宮蘭若遍天下苟天下皆知公之可事而轉事佛老者以事公則鄉塾黨庠庶乎復益吾知異端由斯可以永絕矣此徵之所以獨崇公也孰謂公於吾道備其糟未底其室哉衆皆唯唯是築也芝蕃楊君天祥黃君一枝楊君咸効力焉命徵書之以爲記

文公會田序

曾熊徵

(167)

昔范文正公設義田立義學以資其鄉之困乏以教其鄉之子弟眉山蘇氏亦有義田以周其族人好學之困乏者而橫渠張子亦嘗欲效井田法以其半完國課以其半養賢周困皆此物此志也嘗見今人布施僧道供養佛老以邀不可必得之福雖揮千百金盡心力而爲之至於延師教子有必可得之福顧吝惜焉而不爲往往有賢子弟以無資廢學者多矣是外也今文公書舍成衆議所以爲祀者欲做文正諸公義田之意因各贖資爲十大分每分一金輪年生放名曰文公會本三年之後取息以漸置田名其田曰文公會田除春秋奉祀文公外餘以爲子弟燈油筆墨之資十年之後息多田廣所以延師教子者在此所以養賢周困者亦在此將見子孫賢俊絃誦成風無疆之慶不邀自至以視夫布施僧道供養佛老其爲福果孰得而孰失哉

韓泉記并頌

高熊徵

文公書舍成將秋嘗夕而散步明月在天山空樹靜四望如畫水聲瀟瀟然而獨峻嶺懸崖無從取汲久而樂之已而嘆曰清溪在望而取汲無從豈非憾乎翼日乃與門人羅印義黃瓊楊楚生楊爾恆斬艾蓬蒿將取於前溪狹徑陡削及溪而已倦少憩始旋步於書舍之左得小溪荆棘蕪翳莫見其源予

(168)

日關之爾恒披而取道刈草至泉少焉荆棘開而嘉木植蕪翳去而細流響滌漑之如視之漣如聽之潺如濯之清如掬而烹之香如甘如而去書舍無遠也不逮息而及明日遂取以賞僉曰是泉之在此邇矣昔人之處此衆且久矣無有得之者今一旦而得之以祭雖無奇然非文公之賜不及此請名之曰韓泉乃爲頌曰文公書舍負圍面溪水聲潺潺取汲惟遲匪伊遲之山陡而峻路絕而崎溪雖在前至水已疲有溪難得猶之無溪以茲慨嘆胡然圖之書舍之左細流似瑳荆藎叢穢莫得其所予曰關之衆皆云可薦蘿惡木蟻穴螺贏刈之修之拔之抽之既滌流之又潔澄之叢穢既盡逝者如斯微公之錫何以獲茲清泉洌兮北流括兮嗟前之人胡弗得兮淪漪連漪美且甘兮當其未治鬱然荒兮今惟治之抑若芳兮濯兮湘兮以秋嘗兮或烹或羹莫不臧兮頌以紀之俾無忘兮

募刊岑溪志序

康熙二十二年

高熊徵

古者採風之職專於太史故列國皆有史官迨秦廢封建而列國之史官始廢此郡邑志之不可不亟舉也岑舊有志燬於兵僅存殘編缺而不備先達李公景元嘗一纂輯尙未成書亦遭兵燬今年夏徵奉憲委協理志局闔省郡邑乘悉得披覽閱岑溪志書止載山川土田其間名宦人物兵防財賦選舉

節烈僊釋藝文俱缺然無有心甚慨然因從府志省志內旁蒐博採凡繫岑事者悉爲錄出已畧成編欲授之梓人顧既寒彙罄力不如心適庠友李君泰生以應貢抵省就商之李君曰修志美舉昔先人有志未逮子龍成先人之志今邑父母趙公政通人和留心典故學師麥君縣尉吳君皆能相與有成子曷不以告爰爲言付李君歸以告諸當事及同志者

請查贖難民子女詳文

高熊徵

爲乞恩查贖被擄難民子女事竊照岑溪彈丸小邑百姓最忠最良康熙十三年吳逆變亂四月內梧州失守六月土鎮吳鳳破岑奪印岑溪百姓義不從賊據險自守殺其僞總兵陳士龍事上督院給牌卑職副練鄉勇又與遊擊唐鳳破斬僞總兵孫雲客林萬勝等再破僞總兵王邦相張弘等兵於容縣坡里地方俱經塘報在案不意康熙十四年十一月內儒洞失利賊勢大熾岑溪失守逆兵放槍自十二月起至三月止焚掠最慘共擄去男婦子女三千餘口後經各伊親查出姓名去向者闔邑士民曾經歷冊具陳府縣詳文請贖緣係僞時不獲俞允迄今五年夫妻子女死別生離怨苦莫訴幸遇

皇上軫念被難百姓

特命大人薩查放大哉

皇仁澤比及枯骨者尤弘矣雖柳州各處已蒙查放而岑溪難民尙在覆盆父不見子妻不見夫或蠢愚下情難於上達或窮苦特甚盤費維艱故薩大人回京已經數月尙未見岑溪一民前來赴懇嗟夫忠莫忠於不肯從賊慘莫慘於骨肉生離卑職痛心梓里莫被

皇恩爰檢丙辰年被擄難民底冊屢欲代爲詳請恐滋越位之愆然在梓里親戚何忍畏縮不言謹繕寫原日被擄花名底冊懇求憲臺一視同仁將冊批行岑溪縣令其出示曉諭但各難民子女查在何處許其父兄赴該縣起文前往所在地方贖取仍令所在地方官查明贖放如恃強不放者卽援奉旨事例施行雖時異事遷亦有子女尙在而父兄已亡者亦有父母猶存而子女先死者不能如冊內所開盡得完聚然其現在覆盆不望生還者得藉此而骨肉重圓夫妻再聚其功德誠非淺鮮矣

薦疏

巡撫 彭 鵬

題爲粵西遺愛獨繫去思節義尤堪表異謹

題請

(171)

旨以廣

聖恩事竊惟天視自民天聽自民視聽體天不爽民之所好民之所惡好惡同民無私臣未入境時卽知粵西有知州黃志璋知縣王言志璋初任全州繼調河池州王言初任馬平繼調崇善縣所在有清名比臣入全州見道旁碑上鐫有壽佛兩尊詢及父老曰此前任黃父母官所書父母調任河池十載鬱鬱不得志棄官歸里民等俚言立碑乞手筆兩字鐫諸頂卽此臣經年來所見所聞無人不頌有口皆碑不識何以拂衣去也查志璋於康熙三十七年二月內告病屢不允三十八年未嘗告而勒休誰實使之臣與志璋皆閩人同方各府未嘗一識面爲

國愛賢不忍淹抑敢請

聖明破格

召至京師引

見年齒如未衰

欽詢如稱

旨其才可用其品可風臣非爲一監州請也崇善令王言因黃明一案降調不獨現在崇善之民匍匐乞

(172)

留即從前馬平之民亦莫不接踵而至情詞悲切是時養利州邵鳳翼被民搖僉告疾呼轅門四方病痔抱疴傳至臥榻前責其告官勾訟衆皆泣稱官迫實甚隨詰以該州歷來豈無一好官僉稱往歲署本州篆王知縣潔已愛民不加派不橫徵至今頌德由此觀之官無負於民民亦何負於官臣所謂遺愛獨繫去思是也敢請

聖明破格俯察輿情准復原職以風示百官百官感奮興起勉作廉吏又非獨爲一邑宰請也太平府屬思明土府儒學教授今陞真定府井陘縣知縣高熊徵梧州府岑溪縣人庚子科副榜貢生當吳逆之變擬平滇三策擬討逆檄舌有風雷前將軍撫臣傅弘烈知之信之熊徵慷慨自請纓身家不恤岑溪紳士民所以有書生盡忠殺賊受害慘苦乞恩轉詳

題報事之呈臣所謂節義尤堪表異是也前撫臣郝浴批爲風靡草偃孤松獨立學臣王如辰批爲忠貞自矢禦侮多方終僅以給匾旌揚靈之矣臣見其著述有神名教文行兼優無忝師席欲於大計特薦卓異歷叙忠貞以伸士氣以重儒林隨據學臣高聯璧呈稱陞任教授高熊徵據知府徐越詳稱師範久著文教日興允宜卓異但查前任劉學道科考冊教職賢否將高熊徵以年衰報部今欲開年老恐與卓異之例不符欲開年中又與前任報部之冊有異等因臣是以不果薦比見熊徵領憑

赴任鑿鑿無衰態言論錚錚熊徵之不獲卓異者前學臣劉體元悞之也然以一副榜貢生沉淪肯藉二十載幸得百里豈有他望獨臣同志之感勃然而不能已敢請

聖明破格註其姓名彼宰井陘得如臣宰三河時傳

旨召見如臣悉舉三年拒僞托疾堅臥飲冰毀形以對豈不千載有光哉臣身在封疆灼見真知直叙其事上達

天聽獎廉與褒忠事異而心無不同者也伏乞
皇上睿鑒特恩施行

予高貢生書

總督 金光祖

舉事危疑之日足下獨能以大義曉慰將士具見維持不佞之待唐遊擊非比尋常既特眼視之自特眼拔之安能令彼久居人下耶從前戰功徐常彙叙其請添營制已移撫臺會題矣若梧州鎮將寡識渺見殊昧大體不佞業切責之當令礮執自醒也高涼乞撫不佞當已覩破刻下調師力剿閩足下指畫如揣魏博暗合機宜頗見同心須密囑唐遊擊整搦以待調剿乘此機會懋建奇勳可也滇逆駐橫

之息已囑唐遊黎令密探回報亦煩足下共商行之不既侍生金光祖拜

又

唐遊擊已經領帥授剿岑城兵力單薄必藉鄉勇協禦始能有濟門下留心議及黎令署縣實爲允當不佞業已發檄遵照彼自克盡乃職也率復不既侍生金光祖拜

又

初七日得來翰俱已領悉馬踏石一戰皆賴宗社威靈將士用命倖以成功謂可乘勝長驅而滇黔柳有諸道盡起蟻附列營神電四境騷然他不足道若馬逆負恩反噬天奪其魄自來逆死千里疲驚因而破之便得席捲南橫全師版宇遲遲吾行亦持滿而發之意想門下自諒之也目下正在合兵會剿唐遊擊用當一面未便遣回岑邑虛聲不過狡賊詭計卽有警息藉門下與行間弁兵同心協力衆志如城奚患小寇耶別教更見壯懷欣喜之甚李雷州仗節不屈百口並陷可謂粵西有人附聞以慰餘不盡侍生金光祖拜

又

岑溪一隅屢被土寇蹂躪而門下問關於此良亦苦矣頃於唐叅將郵傳中得接手摺具悉來意茲登來告示一道可傳諭所在地方居民安心耕業毋致驚惶夫所可也此囑侍生金光祖拜

予高貢生書

撫蠻傅弘烈

不佞於門下相知有素前在艱險中尙力爲保護周全今日自當始終提拔但以西粵未平未便特疏題請故先給同知銜銜委以團練名色乃一時權宜欲門下以此便於約束鄉兵原非題請實銜也今在岑官兵多已撤回止量留駐守希門下協同文武各官殫心堵禦安輯此方勸諭輸將爲福桑梓便是莫大之功不佞當力爲展驥斷不有負也率復并候不盡願言年家侍生傅弘烈拜

又

滿漢大兵分路進剿今遣左協招副將遊擊陳進等統領官兵前來督同都司管輝等恢復岑溪足下可督率鄉練引道官兵協力殺賊前者題叙一疏因事忙尙未拜發日下卽當進呈斷不使勁節忠貞覆之蒙蔽以負知己也不一年家侍生傅弘烈拜

又

屢接來翰具見忠誠岑溪失守業已遣發都司李茂隆帶兵前去協同管都司等官兵速行恢復今又現發總兵陳國政統領迅行進剿料滅賊在即仙鄉自可脫累矣凡各官兵俱經再三嚴飭必不敢騷擾地方所願執事鼓勵鄉練與官兵戮力勦禦可無他慮也此復不悉年家侍生傅弘烈拜

又

岑溪百姓久懷忠義不佞素所深知昨遣官兵來岑即令監督前征勿使擾掠又經支餉發揚令採買糧米以濟兵食蓋知岑民凋瘵糧米一時難以徵收祈門下傳諭鄉民挑運米石至縣照給時價庶兵食暫獲有濟俟檄行進征即資糧逆地斷不令久駐勞我良民也岑邑錢糧不佞現在繪圖入告請豁以甦民困矣僞令曾浩業已婉致親王免其一死以廣皇仁以副來教也率復并候不盡願言年家侍生傅弘烈拜

孝思會序

人之生也本諸父母至性所發莫先孝親人各不同而情無或異也嘗見世之欲盡其孝而不能者當親喪之日每艱於財急迫無措哀痛擗踊之情非不至而衣衾棺槨之禮無由盡安所得左驂之解麥

羅印義

舟之贈以濟緩急哉夫誰無父母惟送死可以當大事然無財不可以爲悅有心者宜惻然思所以處之因與同志廖遐年何其後張朝南諸公議立孝思會置立義田收其租入凡遇會友有父母之喪者奔弔之後度其家之有無以爲賻贈俾籍殯葬以衆人之力成一人之孝雖一人之孝即人人之孝並致其孝也以視夫呼朋合黨以酒食爲聚歡而不能赴人之難濟人之急其得失良有辨矣

瀧底山水記

邑紳 高輯

岑溪縣前河源出蒼梧西寧紆迴二百餘里經縣前而西注一山阻之曰西瀧高出羣峯之上河水經其麓曰瀧底茂樹交枝巨石臥澗跨水面而成梁水未至瀧勢已傾注如尾閘沃焦海濤盡赴而莫填其壑也既至則殷殷雷動雲無纖翳而崖崩谷應也登山二里臨瀧底石坪一片吞噬餘波石上踟躕仰見峭壁參天中惟一線浮白杜少陵所謂車箱入谷無歸路箭括通天有一門差足擬之一石平如砥屹立波中高丈餘方廣四丈曰禾倉石爲岑藤分界崖垂古木頂宿重雲非亭午與皓魄中天則日月罕見河流下至三眼堡合義昌水會繡江則波平岸濶可風帆上下矣嘗謂江河猶人血脉通暢則四體安否則爲癰爲淋得醫治而自快踈鑿之施所以治川病也而議者謂鎖鑰惟石不通舟乃富

饒胡爲乎臨江濱海之區絕無片石咽流而人文秀發庶富反百倍於岑也又謂疏鑿傷地脉胡爲乎靈渠南渠皆鑿石道舟利及萬世不聞以傷脉歛怨也夫非常之功必待非常之人史祿李渤豈必專美於前哉請以俟後之君子

祭捕盜戰亡四義士文

康熙五十五年

高輯

維我

聖皇御極迄茲五十五年路不拾遺人遊豐亨之化日夜不扃戶世樂熙皞之堯天九州盡冠帶之域四海絕烽埃之烟獨粵僻在天末而岑壤接東徧初猶狗偷而鼠竊漸乃斬木而揭竿數縣悉遭其剽掠永業屢觸其戈鉞軍民股栗儲竄爭先爾義士海芳狀則魁吾力如虎兇總練半鄉長城是倚鼠輩臨張每深撫髀蹂躪雖非其鄉震鄰亦用爲耻去歲十月探丸群起掠藤邑而欲東駐蓮塘而不徙海芳奉委堵禦謀於老李而率強弩挾伏山岬以誘之追可殪吾矢李亦同仇共期滅此詎知運厄賊謀愈詭寒日將斜空山欲紫海芳攘臂大夫裂眦嚼齒手刃三兇橫衝賊壘伏發溝中結纓以死者李憤躍揮戈雪耻雖堪賊胃竟陸虎尾雙頂廷華毫無畏蕙畢命疆場何如床第哀我良人同時俱已嗚呼壯

(179)

哉人誰無死死難其地凜凜剛風巍巍正氣囊山瀧水長留千古之英靈勇將謀臣有愧一腔之忠義嗚呼壯哉伊闔邑之守土者皆爾也賊豈能越吾土而輕肆惜乎力竭言碎莫伸滅賊之心振腕拊膺空下英雄之淚嗚呼已矣壯士逝矣岑之殺賊寧復有若等之忼慨而果毅者乎然而方是時也日星慘淡山岳陰翳義魄忠魂死當爲厲其殲厥渠魁執彼醜類使風鶴草木之皆兵以顯爾捍衛維桑之夙志吾等臨戰場而酌酒能不追傷而雪涕靈不昧兮行空尙髣髴兮來至

募重建花洲香海庵引

雍正二年

舉人 鍾朝朗

岑有八景花洲居其一兩水環之如襟帶洲形鷗起鶩立浮於水面障下注之狂瀾形象見其與下一洲相掩映以爲日月作峽也方之桂林象鼻平樂印亭梧郡繫龍五羊海珠雖大小懸殊而靈奧不異然在他處則琳宮梵宇月榭風亭咸有點綴使山川之靈不至荒寂吾岑花洲秀毓於天而獨艱諸人明季余先人叨司岑鐸因與廖李兩先達選勝買洲栽花植木建庵招僧且置寺田以永來茲當斯時也花木芳妍鐘魚清逸宰官紳士恒停棹以飛觴遷客騷人每探奇而覓句名傳香海號擅花洲由來久矣詎至於今葦蘋花謝洲空僧涼文人韻士聞所聞而來者徒見所見而去盛衰得失之感凡屬登

(180)

臨寧勿以之興懷也哉今夏寺僧告余謂諸檀越有重建之舉欲得予與黃李兩監元爲首事計工料之費非百金不辦余度募助有限恐不克襄事敬謝不敏或曰事貴乘時新邑侯劉公留心興舉甫下車卽修通濟橋行人利賴及今期年政通人和聞茲勝舉當所樂與第往請之籍其登尚之呼則衆擎易舉於焉有濟夫美不自美因人而彰蘭亭遭右軍曹溪遇智藥茲庵香海而得劉侯豈偶然哉用撰小引以請且求給官簿俾捐助者顯名其上凡吾紳士耆老知必踴躍恐後集腋成裘會見頽舉廢興爾若重新地震再煥可與象鼻印亭諸名區爭勝矣是爲序

革除里冬記

蒼梧王瀚

岑有里冬之役爲業戶累而守土之吏獨奈何蒿目視之而卒莫省釋也蓋斯役之存胥吏之所甚幸卽業戶之巧黠者窺避有術恆出餘力以代役因以獲利亦甚幸之是故論斯役之去其與者必其人必其不與者必其人之私也則所望於操權而去之者非至明不足以定公私之衡而非靈衷集益亦何能使私可爲公而俾之相與有濟者哉雍正二年宰斯土者惟劉公欲革之而未得其詳因詢之守土者何不議去答之者曰前縣曹公將具詳矣適懷私者有更政殃民之控事遂寢繼之者有劉公又以亡賊無歸亦不果行公訪諸予且曰誰可謀者予以孝廉鍾君朝朗太學生黃君之發對公就

之謀鍾君以其里冬論相示公擊節嘆賞謀既協公卜日詣城隍廟紳士里民齊集者數千人公乃申言于衆曰里冬裁革有異同否衆皆唯唯惟是辦銷亡米中有抵牾賴鍾黃二君調處之既而詳上官如所謂矣事當更始會懷集米穀騰貴恐錢糧有逋致敢奸徒復役之謀於是鍾黃二君復走書風勸各大戶早納以爲衆倡無絲毫欠缺劉公自懷爲歸士民詣縣謝萬口一聲稱公活佛自是士民戴公不啻父母繼任六年百廢俱興上憲聞公政聲屢欲特荐公以老疾辭去日士民製錦送行至空一邑郡守聞而歎之曰歸田如此可謂榮矣予時親見其事亦竊嘆古人羨兩疏之去留送行佳話以今視之古今人同不同誠未可知也公諱信嘉江南淮安人名進士去時年六十有八

倉穀論

雍正三年

鍾朝朗

嘗思有備無患國家之積貯宜然然以易朽之資而爲經久之蓄富求不敵之道以爲善後之圖此其要不外量地之廣狹四面八方之通塞而因之酌其粟之多寡俾出陳入新行其至便斯粟不滯而可久存非是則宜多而寡緩急有所不支宜寡而多朽腐有所不免如岑溪梧郡至小之邑加以地僻民稀舟楫不通山徑崎嶇負載不便故岑民力農以自贍也歲豐羨餘粟矣荒歉雖邑有積粟又往往以道阻而莫能致是岑民之資于積貯者寡而積貯之在岑固不宜多也向有常平倉額貯粟六千旣以

日久而莫變通紅朽時聞爲官吏累康熙五十一年詔以積貯邊疆開捐取谷本以貯於羣也乃群撥之邑維時邑之大者額以萬石岑旣最小自當別論無如當時岑令少年喜事竟領萬石與大邑同且猶以爲未足也懷集不受其分額岑代受之合計二萬六千統前常平倉遂成三萬二千之數以彈丸黑子之邑而堪如是之多粟乎哉當其領價採買時拮据之年粟不完額後竟隨門派糶幾於鷄犬不寧及得粟而籌倉工役疲于保甲磚石移積于山墳何其困也乃今方得十載倉頽修而民力不遑官數移而暇累叠見且出陳入新之說勢旣有所不行則日愈久而谷愈多爾十年間度必至於賊之不勝賊者其患可勝言哉雖然今之大吏其持籌於上者有如鴻鈞轉運使以是說告之反代受之額於懷集岑之疾庶其瘳乎聊以斯言卜之 按雍正五年 題請勻去別縣谷一萬二千零二十石內運交藤縣本色谷三千二百三十九石零五升需運船七十餘隻時方饑饉知縣信嘉捐賞搬運民免攤派之苦至今頌之

亡賊論

鍾朝朗

糧出於田田存糧存曷云亡賊岑之有亡賊因明季以來世歷滄桑戶丁逃散田被隱匿糧遂無歸向來催糧俱用里役無歸之糧每年里役分賠上納所謂亡賊也雍正三年邑候劉公諱信嘉者銳意革

弊明遂倡率士民請除里役斯時所苦者賊亡坐里役里役去誰與賊者按啟清丈滋事難行幸公慈和得人勸令各里自相攤受彼時如溺得拯亡賊盡數一清再無習餘受累者乃今方數載竟有籍前此攤派之名稱已戶尙有亡賊強攤孤寡或告贖田業假以爲題令人駭異今欲息其弊惟在聽訟者知從前亡賊者之已清不受其欺則得矣至於杜後來之亡賊惟嚴審編一有差池卽究清楚乘其時之未遠因其人之可稽俾不得飛詭以開賠賊之端息事寧人是或一道也

遷建龍界庵引

貢生 嚴殿直

歸義鄉之東有龍潭兩岸壁立蒼松古樹叢生石隙間一水飛流而下瀦蓄成潭清冽澄湛深不可量相傳以爲有龍潛焉故當亢旱邑侯祈雨於此無不立應先祖平子公解組歸休日與孝廉廖李二先生遊覽其中欲建一亭以舒吟嘯又見零壇之築歲以病民遂各捐資距潭二十步許建庵三座名曰龍界其後二座爲祈禱齋宿之所其前一座爲講學賦詩之地又置寺田以居僧使守焉於是邑中諸子弟結社會文絡繹不絕而先祖與兩孝廉品其高下無何老成凋謝僧不能久安庵日以頽三座僅存其一先考雖經補葺而住持不得其人未幾復圯余少時愛潭之山清水媚携書誦讀其下觀茲日影動搖波光蕩漾每嘆川上之勝百世常新而先人之締造豈墮寒山一片願景追思因有重修之志

但遇窮力溺徒有其心庚戌春有僧自海南來欲卓錫於此以募化爲己任余商於李子堯之廖子祖
那幸彼二人皆欲恢復先緒謀爲改遷以圖久遠遂相與審形度勢得潭之側其地平坦仰望雲山峰
巒疊翠煙蕩浮青俯瞰澄潭淵然深詭景象萬千會心自遠築庵於是不特邑侯祈禱齋宿近便而吾
輩結社會文觀景揮毫真有心應手之妙矣但工程浩大衆擎乃舉爰爲引授僧俾徧告諸同人共
襄厥成焉

革月甲示

知縣 何夢瑤

爲革除月甲科歛賠累之弊以甦民困事照得岑邑鄉有總練堡有保長村有村長儘足稽查地方承
辦公務至於十家爲甲則有甲長亦名牌頭職司分察十家以佐練保村長耳目之不逮原有一定之
人凡十家中之牌頭皆是也乃岑俗於此等一定甲長之外又復輪設值月之人名日月甲中遇有公務
責令月甲沿門科歛賠者指一派十任意侵漁愚者呼應不靈自甘賠墊此月有事彼月無事既勞佚
之不均上手將交下手未接更推諉之難免民之困於是役也久矣祇緣從前公務殷煩不得不設月
甲以專責成今則弊絕風清並無絲粟科派縱有些須民間應辦之務責之練保村長牌頭自可辦理
裕如何必另設月甲多一番名色卽多一番擾累乎此役合行出示革除爲此示諭縣屬鄉民人等知

悉嗣後月甲一役遵示革除不許仍舊設立致滋科歛賠墊之累其總練保長村長牌頭各役仍照舊
稽查地方遇有公務協力承辦毋得以月甲革除妄行推諉如有陽奉陰違定拿重究慎之毋違

革土書示

何夢瑤

爲革除土書以除民累事照得岑邑推收稅米編造實徵向設土書帶司其事縣屬七鄉每鄉設一二
名不等每遇推收過戶造繳糧冊該書需索業戶理固難容而朽腹辦公情亦可憫且向例一二年輪
替止憑上管舉代不由紳老公推以致奸匪濫厠其內既少奉公守法之人愚魯勉強承當又多僱倩
書算之苦以故應接替者多端推諉不曰上首受賄舍富報貧則曰素有睚眦挾仇妄替批查數四瓜
期已過欲脫無由則舊役之累也籍舉替之權任行恐嚇愚民但得免舉如釋重負何惜小錢豁壑難
盈擇食未已則業戶之累也因思民間田賦既設戶房書吏承辦百姓執契投稅無不經由戶房則推
收造冊各務是其分內應爲在繁劇州縣或須別設架閣冊房等役分理若岑溪小邑每歲推收寥寥
戶房承辦有餘何必設此土書致滋弊累乎乃或者謂村愚欲查糧稅向土書查易向戶房查難又歸
併戶房專管將來飛酒無可查考不知業戶推收稅米官皆給有下帖印照何用更查帖照可憑豈
飛酒又何必鯁鯁過慮也所有前項輪當土書合行革除爲此示諭縣屬里甲糧戶人等知悉嗣後推

收稅米編造糧冊悉歸戶房辦理該戶房不傳籍名需索分厘及飛酒詭寄等弊如有故違許被害指名稟究仍候勒石示禁毋違

花洲示

何夢瑤

爲照百花洲者南儀勝地岑邑靈區載在志書冠乎諸景秋濤夜月何殊白鷺洲邊古樹寒山恰似姑蘇城外渭濱環翠同吟夏彩之詞洒水嫣紅共識春風之面珠江花藥差可方之漢渚琵琶嗟乎後矣蓋緣明季儒學鍾公孝廉廖李兩公選勝搜奇追警家之芳軌尋幽剔異陋馬退之新亭蓮社斯開花宮爰啓旣構蘭若以棲縑素復捐寺田以供伊蒲維時六祖談禪一心與旛風俱靜生公說法百卉皆花雨爭香無何劫火洞燃禪燈乍暗魔高一丈世甫幾更乃有無耻之徒敢冒三家之後任情蹂躪肆意憑凌遂使翠竹黃花悉成灰燼長松細草日就凋零本縣目擊心傷廢興頽舉南山定判黎邱之鬼方潛茅屋題詩妙高之臺如舊慚無玉帶可鎮空門慮有山魃重侵淨土合行示禁爲此示仰寺僧居民人等知悉嗣後仍有冒稱山主吞占常住田產及盜伐洲中竹木者許該寺僧立即稟官究治該僧更當恪守清規隨時修葺寺宇培植花木以壯勝觀毋得招邀匪類玷污佳境庶山清水秀永懷前哲高風松茂竹苞長樹千秋嘉蔭各宜稟遵毋違特示

(187)

各體詩

題丁孝子

吏部員外郎

金文仲

地名勝毋曾參避自是丁蘭在此村可惜古碑沉水底時人不得細評論
岑溪故小往無巡按卽道亦罕有至者余以先君官遊捐館祠堂在焉

奔往哭奠感而成韻六首

御史

李良臣

趨郡餘庭在終天此恨長孤兒雙涕泗一日九迴腸蒼雲虛望眼春鴈不成行惆悵并州意岑溪亦故鄉
寂寞王陽道懷親思轉深家中千里夢經訓百年心落日兼天遠浮雲匝地陰惟餘桃李樹春暖故森森
春日岑城路悠悠倍有思空將毛義檄獨洒峴山碑陟岵茲行役瞻雲故有涯夙懷今耿耿敢負勗兒許
仰止孤亭上高山在眼中一經傳奮德十載振遺風春意浮庭草溪流接泮宮神遊今日地血淚杜鵑紅

(188)

忍誦庭聯句翻疑鯉對期遺經諸士在蓮子異鄉悲春入麈猶冷山深席未移敢云思不置實荷鉅公詞

奠後雷雨竟作

百里驚雷迅千峯送雨聲孰知春澤到無論是邊城草木重添秀嵐煙一洗清孤岑今夜客無恨白雲情

題丁孝子

南海

曾之璧

地挹岑溪勝村因孝子名感深來後學遊遠愧先生木刻親長在碑沉字不明臨風何所思陟岵重含情

題丁孝子

邑紳

高熊徵

刻木芳名自漢時雙鳧誌行並傳奇郎蘭音似千秋訟蝴蝶山同萬古悲張叔半針留舊恨范雲一祭補新詩沉碑必不紛紛論至孝由來有盛祠

題丁孝子

南海

袁茂蓮

荒村何處問居停孝子曾聞亦姓丁刻木尙傳親有象鏤心誰識視無形雲垂蝴蝶峰頭白鳧遠池塘澗草青長使遠遊人墮淚不堪重讀岵山銘

南樓晚眺

知縣

何夢瑤

憑欄恰值落花旬爾許風光入眼新扮社綠沉煙樹影花洲紅散綺羅春野餘牧犢眠青草溪簇行鱗上翠巖東望平橋風絮晚趁墟無限醉歸人

春泛花洲

何夢瑤

浴蠶波煖漲溪紅小雨如酥過社翁書帶草隨精舍長漪滄人並畫船空柳條織翠鶯穿浪花影搖香蝶拜風更欲兩邊添卷靄課繒移竹護新桐

西瀧晴嵐

南海

麥政敏

夕陽掩映翠相連恍惚西瀧別有天飛瀑似虹遮暮雨奇峰如筆寫雲箋龍嵒氣逼燒痕潤躑躅花開舊壘鮮三載登樓慚作賦看山屋外憶當年

南樓晚眺

貢生

嚴殿直

朱欄憑眺暮雲濃無限風光在眼中翠幕墨翻鴉止柳綠陰紅點鶴歸叢落霞嶺外橫鋪地野水瀧頭
碧印空取次共裁王粲賦一鈎新月上梧桐

秋風石室

舉人

鍾朝朗

秋風村與象山連石室幽深賽洞天鐘磬相懸含雅韻摩挲遊客不知年

葛巖瀑布

桂林

關基泰

葛僊騎鶴去何方石髓飛來葛米香多少趨炎揮汗客可能巖下納清涼

僊亭觴月

關基泰

醉月真僊去不回僊亭依舊聳崔嵬舊時亭子當年月恰值今宵載酒來

龍潭聽雨

順德

胡瑜

何處簫聲急龍潭雨脚懸盈盈過耳底珠玉敢爭先(述異記廬山北嶺每欲雨輒聞笳簫聲)

西瀧晴嵐

南海

郭德修

雨歇雲拖岫登樓望欲迷斜連芳草岸隔斷夕陽堤

龍潭聽雨

三水

賴成生

澄潭深不測隱隱老龍吟波冷難成蟄秋高易作霖入庭知似霧望歲即成金白水同傾耳孤桐寫夜深

題丁孝子墓

山後丁郎姓氏垂故居禾黍塚留遺野棠零落春歸後古樹蒼涼夕照時墳集鳧鷖徵孝感峯高蝴蝶
動悲思碑沉難泯先生行續泐千秋絕妙辭

題丁孝子

善化

何壽萱

蝴蝶山前路千秋孝子塋碑殘沈野水祠古傍荒城烏哺思何極鳧鷖感不驚家風追刻木憑弔若爲
情

雜記

知縣

何夢瑤

舊志有形勝一篇其畧云馬嶺爲連城障蔽而陶大人討賊之役幾赤賊刃張參戎建閭之行幸中
虛車崩塘爲永業襟喉而揭邑侯奉解紛之檄流矢若簪何邑侯駕清丈之車到鋒覆轍縱若金湯祇

爲負嶠者資耳奚貴哉原註云正德壬申剿六十三山陶公移鎮連城至馬嶺賊伏棺材峽兵敗公棄輿入屍中蔽以樹枝賊退搜出負回萬歷庚辰議建參將府于大崗時參將張榜率兵開路棄輿微服隨伍先行至棺材峽伏發適中虛車覆兵百餘榜已潛入連城往六雲得免嘉靖間叛酋奪嫡爭地訟于軍門檄知縣揭啓直之瓜分其地揭令尉潘文賓往叛酋要索曲斷潘不可因執之揭乃親往酋僞作寇設伏崩塘迨至伏發矢着冠若簪從役披靡逃遁酋復詐爲援兵解圍脫揭主其家陰餉以盡揭覺頷之曲爲分地釋還揭盡發卒萬歷間均稅知縣何士瞿有疾當道督促益力勉行及抵永業丈一塘出稅十餘畝酋懼計賄何俾輕之何不可乃賄左右以脅揭者脅何何駭病篤歸不果丈令自報丈出些須塞責何病愈陰白左右之受賄者罪之陶公不名叛酋爲誰白受賄當是何白於上官而文晦劉器之謂新唐書好簡畧其辭故事鬱而不明此類是也

黃仲政本姓嚴上元人明宣德五年從總兵山雲征平慶遠蠻以功受指揮使成化元年廣蠻侯大狗叛奉都御史韓雍令率兵入岑擒殺賊黨政身被重傷以卒吳逆之亂其孫嚴訓同監生黎粹貞率鄉勇從遊擊唐鳳破走僞道周遴元而奮志弗運豈偶遺之歟又武生吳必美練總陳喬壯鄧必芬廖暢耕廖聖文梁鼎天高殿和羅天經楊正茂等並協力破斬賊帥陳士龍林萬勝孫雲客等舊志亦失錄

獨省志錄單海芳鄧季鄧廷華鄧雙頂康熙五十五年遮賊被殺按海故永業盜魁鄉人素苦之至是一死僅贖前愆而垂名簡冊傳與不傳豈有幸有不幸焉

縣東有葛僊井相傳居民飲之多壽有廖百舉莫毓賢者皆百歲百舉故明諸生力學至耄不倦士林多稱之又連城鄉民甘瑞榮百七歲固未嘗乞靈葛井也

岑俗贅婿必冒妻姓乃得承受妻父產業於是二人有兩姓而冠妻姓於本姓之上（如趙甲贅錢家則曰錢趙甲也）恬然不以爲怪有諸生李姓智者黃氏之贅婿也食黃之田而不更姓後黃之族有欲奪其田者智即歸之先是智食黃田即不復分受父產至是歸田於黃遂無以糊口而沒齒無怨此鐵中錚錚者特表而出之以爲通邑風

銅鼓南蠻所製樂器或云諸葛忠武征蠻時所作非也（省志載馬伏波征交距舟載駱越二銅鼓其非作自諸葛可知）粵西所在皆有見於岑者三其一明季連城鄉鳳凰山崩而出置城內關帝廟其一康熙四十年有穿壙于歸義總六絳山者得之置文廟其一雍正元年西鄉封貴洞土自懸因掘得之置南渡埠鄧公祠並高一尺五六寸面徑二尺五六寸古色斑駁皆千年物或以其得自瘞埋疑爲神異不知蠻居盡茅屋恒患火器物多瘞於山不足爲異也

岑處萬山中河道之通梧郡者如建瓴而下穀米有出無入歲稍歉即騰貴富者復囤積居奇小秤取利民病艱食癸己歲荒有劉社賢者詣歸義鄉民高輔買穀誤多給值輔覺追還之使富者盡如此貧民有所瘳乎

請編亡田歸入義學詳文

劉廷棟

爲呈明亡戶公田懇恩詳請歸入義學以光文教以育人才事竊惟國家首重學校牧民尤培士氣恭逢

聖天子振興文教

各上憲樂育英才 卑職無日不仰體右文至意查卑縣城內東隅向設義學一座三間因歷年久遠傾頽滲漏不堪師生棲止隨於乾隆七年 卑職捐俸構料募工興修但屋宇淺窄僅可作蒙童肄業之所本年七月內奉行查議從前所設搖撞義學可否移至城內緣由 卑職遵議詳請移至城內并請將向設縣城義學改爲蒙館義學 卑職復捐俸鳩工在縣城文昌閣之左首餘地另建經館義學一所以藩庫請領搖撞義學三處延師束脩銀三十六兩內分二十四兩爲經館束脩十二兩爲蒙館束脩業經議詳本府核轉在案現今所建經館義學一座三大門旁添書屋工程不日告竣第肄業有所而膏火

無資保無弦誦不輟伏查卑縣歸義鄉十甲有僧海德嚴穆周舅文學李慶嚴供等六亡戶遺有田業土名坐落上化鄉之大石埔等處載民米三石三斗九升一合四勺四抄八撮二圭五粒四粟又查得南鄉一甲盧才戶五甲陳應才戶七甲唐朝達戶八甲梁伸鄒禮高瞞何雷等戶共七亡戶遺有田業土名坐落南鄉白土等處載民米五斗八升零六勺一抄三撮一圭九粒二共大小田一百一十一坵共載民米三石九斗七升二合零六抄一撮四圭四粒四粟官米一升七合零二圭三粒五粟實徵官民共銀五兩四錢七分一厘三毫六絲四忽本色米一斗八升零二勺九抄前項田業康熙十三年前係兵燹之餘業戶逃亡田業荒蕪糧無從辦無人承認後緣卑縣向設里冬二役當值縣中一應差務苦累難支彼時衆議將前項亡田給與承當里冬之人收租納糧以資幫費自雍正四年奉憲裁革里冬田業漸腴隨經通邑衆議歸給每生縣役催糧里差上糧收租以作公費相沿已久詎有里民謝泓望黎仕璞藉稱先年曾充里冬垂涎亡田將歸義南鄉亡戶田曠衆私吞一半屢經赴縣呈請給照耕管經前任劉何二令批示里民公議公田應歸公用不准給照在案詎泓望仕璞遽行召佃耕食私收一半租穀本經 卑職將里差停革示諭戶民急公自輸隨據闔邑紳士父老高若嶽等具呈前事內稱岑溪一邑向分十鄉每鄉各立里冬二役百姓輪流值糧收糧有歸義鄉十甲僧海德嚴

穆周舅文學李慶嚴供等六亡戶南鄉一甲盧才戶五甲陳應才戶七甲唐朝達戶八甲梁伸鄒禮高
瞞何雷等戶共七亡戶原屬亡米無人承當從前議給承當里之人收租納糧辦公至雍正四年前任
劉通詳革除冬里復經衆議將前項亡田歸與催糧里差與佃人分租除抵納錢糧外所剩穀石以
資催糧鞋脚幫費茲蟻等細查尙有歸義南鄉亡戶田一半則係謝泓望黎仕璞藉稱先年當冬踞食
茲蒙爺臺洞察民情催科有能通年錢糧分爲二限業將里差裁革息事寧人百姓莫不頂祝稱便所
有前給里差亡田理應呈請歸入義學惟是謝泓望黎仕璞踞食歸義南鄉一半亡業統應歸入本縣
義學以資膏火應公田公用不致私踞實爲德便爲此公同呈赴伏乞爺臺清查追出詳明

上憲批准永遠沾恩無既等情據此隨即差役轉喚該地練保查詢據歸義鄉練保李而華甘大廣南
鄉練保梁廣文盧朝才供稱歸義鄉十甲僧海德等戶南鄉盧才等戶原屬遠年無主亡業遞年議與
里差收租納糧尙有歸義南鄉亡戶田一半係里民謝泓望黎仕璞踞食等情查謝望已經物故隨
喚望之孫謝蕃併黎仕璞到案據供蟻等祖父所食之田原係無主亡戶向因蟻祖父當充里冬暫收
租穀以爲納糧公費今據衆舉蟻等情愿退出等情各供在案據此卑職查此項絕戶亡田原屬通邑
公物業請送入義以公歸公洵屬允協查謝蕃之祖併黎仕璞從前充當冬役今冬役革除已久不應
瞞衆私吞所有私收歷年租穀雖積數已多但從前未經里民舉出早請姑從寬已往不究就據謝蕃

黎仕璞各出具退田遵依前來卑職復加確查此項絕戶亡田實係遠年無著查其業主杳無可考又
查年來管畊之人亦無私相典賣立有契券情事如該士民高若嶽等所請將前給里差及謝蕃黎仕
璞隱食二共田畝大小一百一十一坵每年收租穀四十七石六斗除每年完納錢糧本色外尙有餘
穀三十一石六斗一併歸入義學卑職再議請本年租穀除上造經查出無容議外晚造收半租穀
二十三石八斗除完納半糧外尙餘穀一十五石六斗相應給爲現今建造書室工匠食用應請於次
歲乙丑年爲始另立義學一戶其納糧收租責成印官經理按照生徒之多寡分給膏火每年春夏墊
給秋成收租還項歲底造冊支銷申報本府查核遇有新舊交代列冊交盤仍勒碑遵守得垂永久以
杜將來私侵覬覦之端卑職不敢壅於

上聞謹據情議請繪具田形附送通詳

憲臺查核批示飭遵再卑職每年於舉貢生員中選擇文行兼優堪司訓導者延請爲師慎選邑內可
造之俊秀就學併責成儒學朝夕勤加董率按期課文卑職仍不時詣學講書觀風考試每月朔望宣
講上諭日借學師課告誡將見學校振興民風不變人材既盛教化必行於以昭宣世補獻皇威
沐上憲之作肯於無既矣停革里差示(此篇已破爛)

重刊卷溪縣志勘誤表

頁數	行數	字數	誤	正	其他	頁數	行數	字數	誤	正	其他
六	五	六	人	雲		六	七	一字下			編必而 二字
八	五	三	九	元		四〇	三	二六	元	元	
四	五	一	初	李		四九	一	二八	饑	饑	
六〇	五	四		錄		六三	九	二六	至	室	
六五	四	一	勝	勝		八五	二	三	因	因	
九〇	二	一	知	縣		九〇	三	二			應另起 一行
九〇	一	一	日	目		九一	二	三七			應另起 一行
九三	七	一		吳		九九	八	一四	冠	冠	
一〇三	四	三	名	吳		一〇五	二	二四		鐘	崖州守各 以下俱缺
一〇六	一	一	用	困		一〇六	五	三七	軒	新	
一〇七	五	二				一〇七	十	三〇	求	其	是行名 一格起
一〇八	一	六	馳	駐		一〇八	九				
一〇九	五	三	十			一〇九	七	七	求	來	
一一八	二	三				一一〇	三	二八	諸	諸	
一二四	五	一	九	元		一二八	六	六	哉	祭	
一五二	四	二				一五三	一	九			應刪
一五八	二	二	大	天		一五九	一	二〇	橫	來	
一六二	一	二				一六二	一	二〇	焉		
一六四	一	二	愛	慶		一六七	四	一七	敦	孰	
一六七	一		曾	高		一六九	一	三一	澆	之	
一七三	二	一	勻	刀		一七五	七	三三	澆	之	
一七八	二	一	後	收		一七九	二	三四	大	大	
一八〇	七	三	象	家		一八一	三	三一	藉	藉	
一八一	一〇	三	靈	虛		一八三	一	三五	犀	群	